

ايوب

ايوب

ايوب

ايوب

ايوب رو ڪتاب

تعارف

ايئي ڪتاب ۾ هيڪ ايهڙي ماڙهو ري باري ۾ سنڀايو گيو آهي جڪي رو نان ايوب هتو. او تمام گهڻو شاهوڪار ماڙهو هتو. ايوب نا وڏين موصيبتان آن تمام گهڻين آفتان سين مقابلو ڪرڻو پڙيو. اُوئي رو سڄوئي اولاد مري گيو آن اُوئي رو سڄو مال متو آن ملڪت پڻ تباھ ٿي گئي. اُوئي ري سڄي ڏيل تي ڦوڙها نيريا جڪي سين اُوئي نا تمام گهڻي تڪليف ٿئي. تويي پڻ ايوب صبر ڪري سجين تڪليفان سهين. اُوئي ڪڏهي پڻ ايشور ري خلاف وات ڪو ڪري پڻ ڪهيو ته، ”پرميشور ڏنو آن پرميشور ليو، اُوئي ري نان ري واکاڻ ٿي.“

ايئي ڪتاب ۾ ايوب ري ترنان سنگتيان ري باري ۾ سنڀال آهي جڪو شاعري ۾ وات چيت ڪرين تا. او ايوب نا ڪهين تا ته، ”تين ضرور ڪوئي پاپ ڪريو آهي جڪي ري ڪري تين تي آفتان آئين آهين.“ ايوب را سنگتي اُوئي نا الگ الگ طريقان سين تسلي ڏيڻ ري ڪوشش ڪرين تا. اُوٿان رو خيال هتو ته ايشور هميشه نيڪ ماڙهوٿان نا اُوٿان ري نيڪي رو اجر ڏي تو آن بُران ماڙهوٿان نا اُوٿان ري بُرائي ري سزا ڏي تو.

ايئي سوا ايئي ڪتاب ۾ ايشور ري قدرت ري واکاڻ ڪري گئي آهي، جين ته ايشور دنيا آن ايئي ۾ رهڻ واري هر هيڪ شئي نا ٺاهيو.

ایشور ري بندي ایوب ایشور تي پروسو رکيو آن اوئي ري نان ري واکاڻ کري، ايئي ري کري
ایشور اوئي نا وزي بحال کريو آن اوئي نا موهروکي سين پيئي برکت ڏني.

ترتيب

ايوب، اوئي ري آکا آن آزمائش 13:2-1:1
ايوب آن اوئي را دوست 40:31-1:3
پيھلکي دفعا وات چيت 22:14-1:4
پيچي دفعا وات چيت 34:21-1:15
تريچي دفعا وات چيت 23:27-1:22
ڏاهپ آن سمجھ رو پيد 28-1:28
ايوب رو آپري سني وقت نا ياد کرڻ 40:31-1:29
اليھو ري وات چيت 24:37-1:32
پرميشور رو ايوب نا جواب 6:42-1:38
ايوب رو توپان کرڻ آن ايشور رو برکت ڏيڻ 17-7:42

1

ايوب آن اوئي ري آکا

¹ عوض مُلڪ ۾ هيڪ ماڙهو رهتو جڪي رو نان ايوب هتو. او نيڪ آن سچو ماڙهو هتو. او ايشور
سين پيهاجتو آن بُرائي سين اڙگو رهتو. ² اوئي را ست ڏکرا آن ترن ڏکرين هتين. ³ اوئي ڪنھين
ست هزار ريان، ترن هزار اُٺ، پنج سئو جوڙا ڍڳان را، پنج سئو گڏھين آن مڙهي گهڻا نوڪر هتا.
اڳوڻي پاسي رهڻ وازان ۾ او سجان سين وڌيڪ شاھوڪار ماڙهو هتو.
⁴ ايوب را ڏکرا هيڪي پيچي ري گهري دعوت ۾ آتا جاتا آن هر هيڪ واري واري سين آپري گهر ۾

سڄان ري دعوت ڪرتو. او ايئي دعوت ۾ آڀري تران پنهان نا پڻ منڱاتا. ⁵ جڏهين دعوت ختم ٿي جاتي تڏهين ايوب آڀري ڏڪران نا منڱائي اُٿان نا پوِتر ڪرتو آن ساڪڙو ويهلو اُئي اُٿان سڄان ري گڻپ ري حساب سين ٻاڙن واڙي قرباني ڪرتو. ڪي ته ايوب سوچتو ته، ”تي سگهي تو ته مانهجي ڏڪران ڪوئي پاپ ڪريو هوئي آن آڀري دل ۾ ايشور ري خلاف ڪوئي وات ڪري هوئي.“ ايئي ري ڪري او هر دعوت ڪرڻ سين پڇي هميشه اين رو اين ڪرتو.

شيطان رو ايوب نا آزماڻ

⁶ پڇي هيڪ ڏينهن جڏهين فرشتا پرميشور ري اڳ ۾ حاضر ٿيا تڏهين شيطان پڻ اُٿان پيڙو آيو. ⁷ تڏهين پرميشور شيطان نا پڇيو ته، ”تون ڪها سين آئين پيو؟“ شيطان پرميشور نا ڪهيو ته، ”هون زمين تي اِها اُها گهمتو ڦرتو آئون پيو.“ ⁸ پڇي پرميشور شيطان نا ڪهيو ته، ”ڪي تين مانهجي ٻانهي ايوب تي ڌيان ڏنو آهي؟ ڪي ته زمين تي اُئي جيھڙو نيڪ آن سچو ماڙهو پيجو ڪوئي ڪو آهي جڪو مين ايشور سين پيهاجتو هوئي آن بُرائي سين اڙگو رهتو هوئي.“ ⁹ تڏهين شيطان پرميشور نا ڪهيو ته، ”او تين سين ايئي ري ڪري پيهاجي تو ڪي ته ¹⁰ تون اُئي آپ ري، اُئي ري آکا ري آن جڪو ڪينهڪ پڻ اُئي ڪنهن آهي، هر نموني سين سنپال ڪرين تو. او جڪو پڻ ڪم ڪري تو تون اُئي ۾ برڪت ڏين تو آن مُلڪ ۾ اُئي را سجا جناور مڙهي گهڻا وڌي ڪيا آهن.“ ¹¹ جي تون آڀرو هت وڌائي جڪو ڪينهڪ اُئي ڪنهن آهي او سڀ ڪُجه اُئي سين ڦڙي لين، تو پڇي او ضرور تاهجي مُنھ تي تاهجي خلاف ٻولسي.“ ¹² پڇي پرميشور شيطان نا ڪهيو ته، ”جوئو، جڪو ڪينهڪ اُئي ڪنهن آهي، او سڀ ڪُجه تاهجي اختيار ۾ آهي. تون رڳو اُئي نا هت متان لڳائي.“ تڏهين شيطان پرميشور ري موهر ۾ هليو گيو. ¹³ پڇي هيڪ ڏينهن جڏهين ايوب ري ڏڪران آن ڏڪريان آڀري وڌي پائي ري گهر ۾ روئي کاڌي پي آن انگوران رو رس پيئو پي، ¹⁴ تڏهين هيڪ نوڪر پجتو ايوب ڪنهن آيو آن ڪهيو ته، ”آسان ٻنيان ۾ ڍگان سين هڙ ڪيڙيا پي آن پاسي ۾ گڏهين پڻ چرين پين.“ ¹⁵ پڇي اوچتو سڀا علائقي ري

ماڙهون ٿي حملو ڪريو ۽ اُن اُٿان نا ڦڙي لي ڳيا. اُٿان تاهجي سڄان نوڪران نا پڻ تلوار سين ماري ڇڏيا ۽ اُن رڳو هون ئيچ بچي پجي آيو اهان ته جين تِنا خبر ڏيان.“¹⁶ اُوئي اُڃان وات ڪري پي ته هيڪي پجي نوڪر اُٿ ٿي سنڀاريو ته، ”آڪاس سين ڪيڻ ڪري جڪي سين سڄين رڍان اُن ڌراڙ ٻڙي پهم ٿي ڳيا. رڳو هون ئيچ بچي پجي آيو اهان ته جين تِنا خبر ڏيان.“¹⁷ اُوئي اُڃان وات ڪري پي ته هيڪي پجي نوڪر اُٿ ٿي ڪهيو ته، ”ڪسديان ترن ٿولا ٺاهي اسان تي حملو ڪريو ۽ سڄا اُٿ ڦڙي لي ڳيا. اُٿان سڄان اوتاريان نا پڻ تلوار سين ماري ڇڏيا رڳو هون ئيچ بچي پجي آيو اهان ته جين تِنا خبر ڏيان.“

¹⁸ اُوئي اُڃان وات ڪري پي ته هيڪي پجي نوڪر اُٿ ٿي ڪهيو ته، ”اڄ تاهجي ڏڪران اُن ڏڪريان آڀري وڌي پائي ري گهر ۾ روڻي ڪاڌي پي اُن انگوران رو رس پيئو پي“¹⁹ اُن جوڻو، بيابان سين زور سين وائوڙ اُٿي اُن اُوئي گهر ري چاران پاسان نا لڳي. او وائوڙ اُٿي تيز هتي ته او گهر اُٿان تي ڪري ڳيو اُن او سڄا مري ڳيا. رڳو هون ئيچ بچي پجي آيو اهان ته جين تِنا خبر ڏيان.“²⁰ تڏهين ايوُب اُٿي ڏک ۾ آڀرا ڳيا ڦاڙيا، آڀرو مٿو ڪٽاريو اُن زمين تي گوڏا ڪوئي ايشور نا سيس نمايو²¹ اُن ڪهيو ته،

”هون آڀري ما ري پيٽ سين خالي هتي آيو

اُن خالي هتي ئي اِيئي دُنيا سين پڇو جائيس.

پرميشور ڏنو اُن پرميشور ليو،

اُوئي ري نان ري واکاڻ ٿي.“

²² ايٿان سڄيان واتيان ۾ ايوُب نڪو ڪوئي پاپ ڪريو اُن نڪو ايشور ري خلاف ڪوئي وات

ڪهي.

2

شيطان رو ايوُب نا وڙي آزماڻ

¹ پڇي هيڪ ڏينهن جڏهن فرشتا پرميشور ري اڳ ۾ وڙي حاضر ٿيا تڏهن شيطان پڻ اُٿان پيو آيو ته جين پرميشور ري اڳ ۾ حاضر ٿي. ² تڏهن پرميشور شيطان نا پڇيو ته، ”تُون ڪها سين آئين پيو؟“ شيطان پرميشور نا ڪهيو ته، ”هُون زمين تي اِها اُها گهمتو آن ڦرتو ائون پيو.“

³ پرميشور شيطان نا ڪهيو ته، ”ڪي تين مانهجي بندي ايوب تي غور ڪريو آهي؟ ڪي ته زمين تي اُئي جيھڙو نيڪ آن سڄو ماڙهو بيجو ڪوئي ڪو آهي جڪو مين ايشور سين پهاجي آن بُرائي سين پاسو ڪرتو هوئي. جوئو، تين هرو پُرو مِنا اُئي ري خلاف چوڙيو ته جين اُئي نا برباد ڪران توئي پڻ او آڀري سڄائي تي قائم آهي.“ ⁴ تڏهن شيطان پرميشور نا ڪهيو ته، ”ڪل ري بدلي ڪل مطلب انسان آڀري جان بچاڻ سارون سڀ ڪجھ ڏي ڇڏي تو.“ ⁵ پڻ جي تُون آڀرو هٿ وڌائي اُئي ري سرير نا تڪليف ڏين تو پڇي او ضرور تاهجي مُنھ تي تاهجي خلاف ٻولسي.“ ⁶ پرميشور شيطان نا ڪهيو ته، ”جوئو، او تاهجي اختيار ۾ آهي پڻ تُون اُئي نا ئپ متان ماري.“

⁷ پڇي شيطان پرميشور سين هليو گيو آن ايوب ري سرير نا مٿي سين لي پگان تائين سُوڙ ڏيڻ وازان ڦوڙهان سين پري ڇڏيو. ⁸ تڏهن ايوب آڀري جسم تي ڪاجي ڪرڻ سارون هيڪ ٺڪري لي ڦلهيار تي پسي رهيو. ⁹ پڇي ايوب ري ڏوسي ڪهيو ته، ”ڪي تُون اِجان تائين آڀري سڄائي تي قائم رهيس؟ ايشور ري خلاف ٻول آن مري جا.“ ¹⁰ پڻ ايوب آڀري ڏوسي نا ڪهيو ته، ”تُون ايهڙين گانڌين واتين ڪي ري ڪري ڪرين پئي؟ ڪي اِپان نا ايشور سين رُگو سُڪ جڙي آن ڏک نه جڙي؟ اِٿان سڄيان واتيان ۾ ايوب ايشور ري خلاف ڪوئي پڻ وات ڪو ڪري.“

ايوب را ترن دوست

¹¹ ايوب را ترن دوست هتا، تيمان شهر سين اليفز، سُوخ علائقي سين بلدد آن نعما علائقي سين صوفر. جڏهن اُٿان ايوب ري ڏُڪان ري باري ۾ سنڀريو تڏهن او آڀري آڀري علائقي سين آيا ته جين پيڙا ٿي ايوب ري ڏُڪ ۾ شريڪ ٿين آن اُئي نا دلداري ڏين. ¹² جڏهن اُٿان اڙگي پنڌ سين ايوب ري حالت ڏني تڏهن اُئي نا اوڙڪي ڪو سگهيا آن جڏهن اوڙڪيو تڏهن زور زور سين روئڻ

لڳا. اُوٿان ڏک ۾ آڀرا ڳيا ڦاڙيا آن آڀري مٿي ۾ ڏوڙ گهٽي. ¹³ او ست ڏينهن آن ست راتين ايهڙي حالت ۾ اِيُوب پيڙا زمين تي بيسي رهيا پڻ اُوئي سين ڪوئي وات ڪو ڪري. اُوٿان ڏٺو ته اِيُوب رو ڏک مڙهي وڌو آهي.

3

اِيُوب رو آڀري جنم ڏينهن نا ڦٽڪار ڏيڻ

¹ پڇي اِيُوب آڀري جنم ڏينهن نا ڦٽڪار ڏني.

² آن ڪهن لڳو ته،

³ ”او ڏينهن برباد ٿي جائي جڪي ڏينهن هون جئو

آن او رات پڻ برباد ٿي جائي،

جڪي رات هون آڀري ما ري پيت ۾ پڙيو.

⁴ سُنو ٿينت، اُوئي ڏينهن اُٺارو هونت،

ايشور آڪاس سين اُوئي ڏينهن رو خيال نه ڪرنت

آن نڪو ئي او ڏينهن اُگنت.

⁵ اُٺاري آن موت رو پڙچايو اُوئي ڏينهن تي قبضو ڪرنت،

ڪاڙو ڪڪر اُوئي ڏينهن تي رهنٽ،

اُٺارو ڪرڻ وارين شين اُوئي ڏينهن نا پيهانٽ.

⁶ جڪي رات هون ما ري پيت ۾ پڙيو،

سُنو ٿينت ته او رات ئي نه هونت،

او رات مهيني ۾ پڻ سال ۾ ئي نه هونت تو سُنو هتو.

⁷ اُوئي رات ڪوئي ٻاڙ جاپيو نه هونت

اُوئي رات خوشي رو ڪوئي آواز نه آنت.

⁸ ڏينهن نا ڦٽڪار ڏيڻ واڙا اوئي رات نا ڦٽڪار ڏينت،

مطلب او جادوگر جڪو وڏي سمنڊري بلا نا پڻ آڀري قبضي ۾ ڪري سگهين تا.

⁹ سٺو هونت، اوئي رات تارا ڏيکڻ ۾ نه آنت،

او رات ساڪڙ ٿيڻ رو انتظار ڪرنت پڻ ساڪڙ نه ٿينت

آن نه ئي او رات ساڪڙ ري روشني ڏيڪنت.

¹⁰ ڪي ته جي اوئي رات

مانهجي ما نا مانهجو جنم ڏيڻ سين روڪي هونت

تو آج مينا اي ڏک ڏيکڻو نه پڙنت.

¹¹ هون ما ري پيت ۾ ڪي ري ڪري ڪو موئو؟

هون جاپتي ئي ڪي ري ڪري ڪو موئو؟

¹² مانهجي ما مينا آڀري هنج ۾ ڪي ري ڪري ڪٿيو؟

مانهجي ما مينا ٿن ڪي ري ڪري پياڙي؟

¹³ جي هون مري گيو هونت تو اي ڏک نه ڏيڪنت،

هون سٽل هونت آن مينا آرام جڙنت.

¹⁴ هون اوٿان بادشاهان آن وزيران ري جين پڙيو هونت،

جڪان آپ سارون موحلات ٺاهرايا جڪو برباد ٿي گيا.

¹⁵ هوئي، هون اوٿان اميران ري جين سٽل هونت،

جڪان را گهر سون آن چاندي سين پريل هتا.

¹⁶ سٺو ٿينت، مينا پڻ اوئي ٻاڙ ري جين قبر ۾ پوريو جانت، جڪو پوري مهينان رو ڪوتو هوئي.

¹⁷ جٽ بُرا ماڙهو بُرائي ڪري ڪوتا سگهين

آن تڪلان نا آرام جڙي تو.

¹⁸ اُت سجا قيدي سڪون سين رهين تا

آن اُوٿان نا جيلر رو آواز سنڀڙڻ ۾ ڪوتو آئي.
¹⁹ اُتَ نندا وڏا سجا برابر هوئين تا
 آن غلام آڀري مالڪ سين آزاد هوئين تا.
²⁰ جڪو مُصِيبَت ۾ آهين اُوٿان نا زندگي ڪي ري ڪري جُڙي تي
 آن جڪو زندگي سين بيزار آهين او ڪي ري ڪري مرين ڪوتا؟
²¹ او موت منگين تا پڻ موت ڪوتو جُڙي،
 او موت نا ايهڙي نموني جوئين تا،
 جيهڙي نموني ڪوئي لڪيل خزاني نا جوئي تو.
²² جڏهين او قبر ۾ پُوريا جائين تا،
 تڏهين خوش ٿي جشن ڪرين تا.
²³ او ماڙهو جيتو ڪي ري ڪري رهي تو،
 جڪي نا ڪوئي رستو نظر ڪوتو آئي
 آن جڪي را سجا رستا ايشور بند ڪري ڇڏي تو.
²⁴ مانهجي ڪاڻ سارون آهين آهين
 آن مانهجا لڙڪ پاڻي ري جين ويهتا رهين تا.
²⁵ جڪي وات رو مِنا پيه هوئي تو اوهيج ٿي تي،
 هوئي، اوهيج ٿي تو جڪي رو مِنا پيه هوئي تو.
²⁶ مِنا نڪو تسلي جُڙي تي نڪو آرام جُڙي تو آن نڪو ئي سڪُون
 پڻ مُصِيبَت ئي مُصِيبَت آهي.

¹ پڇي ايفز تيماني ائوب نا ڪهيو ته،

² ”جي تين سين ڪوئي وات ڪري

تو ٿي سگهي تو ته تنا برو لڳي،

پڻ وات ڪرڻ سوا ڪوڻ رهي سگهي تو؟

³ جوئو، تين مڙهي گهڻا ماڙهو ٿان نا سڪيا ڏني آهي

آن تين ڪمزور هٿان نا مضبوط ڪريا آهن .

⁴ تاهجي واتيآن ڪرڻ وازان نا سنڀاليا

آن ڏڪتل گوڏان نا مضبوط ڪريا.

⁵ پڻ هي جڏهن تين تي مڙهيت آئي آهي تڏهن تون همت هاري ڳيو.

جڏهن اُوئي تنا هٿ لڳايو تڏهن تون گهڻو پهاڻو.

⁶ تين تو ايشور ري پگتي ڪري آهي

آن آري زندگي ۾ ڪوئي پڻ پاپ ڪو ڪريو،

ايئي ري ڪري تنا ايشور تي پروسو ڪرڻ ڪپي.

⁷ ياد ڪر، ڪي ڪوئي بي گناه ڪڏهي موٽو آهي،

يا نيڪ ماڙهو ماراڻا آهن؟

⁸ پڻ مين ڏٺو آهي ته،

جڪو ماڙهو بُرائي رو هڙ ڪيڙين تا

آن ڏڪان رو ڀڄ پوکين تا،

اوهيچ اُوئي رو فصل لڏين تا.

⁹ او ايشور ري ڦونڪ سين پهسم تي جاسين،

هوئي، اُوئي ري خوفناڪ ڦونڪ سين مري جاسين.

¹⁰ جيهرتي نموني ببر شينهن رين هونگران بند ٿي جائين تين

آن جوئاڻ شينهن را ڏنت ٿئي جائين تا۔

¹¹ شڪار نه جڙڻ ري ڪري پوڙهو شينهن مري جائي تو

آن شينهن را پچيا رلي جائين تا۔

¹² هيڪ وات لڪ ۾ مين تائين پڳي

آن مانهجي ڪن اوئي ري سس پس سنڀري ۔

¹³ مين رات رو پري اونگه ۾ هيڪ خراب سپنو ڏنو،

جڪي نا جوئي هون پريشان ٿي گيو۔

¹⁴ پيه ري ڪري مانهجو ڏيل ڏڪڻ لگو،

¹⁵ پچي هيڪ آتما مانهجي موهر ۾ مٽي

آن مانهجا متواڙ اُپا ٿي گيا۔

¹⁶ او آتما مانو ماڻ مانهجي اگ ۾ پچي رهي،

پڻ هون اوئي نا اوڙڪي ڪو سگهيو۔

هيڪ صورت مانهجي انڪيان ري موهر ۾ هتي،

پچي مين مانو ماڻ هيڪ آواز سنڀريو ته،

¹⁷ ڪي فاني انسان ايشور ري اگ ۾ نيڪ ٿي سگهي تو؟

ڪي ڪوئي انسان آپري ٺاهڻ واري ري موهر ۾ پويتر ٿي سگهي تو؟

¹⁸ جوئو، ايشور آپري فرشتان تي پڻ پروسو ڪوتو ڪري

آن آپري فرشتان را پڻ عيب ڪڍي تو۔

¹⁹ تو پچي انسانان تي ڪين پروسو ڪري سگهي تو،

جڪو مٽي سين ٺهيل جسم ۾ زندگي گذارين تا

آن جڪان ري بنياد پڻ مٽي تي آهي،

او ڪيڙي ري جين لتاڙيا جائين تا۔

²⁰ او ساڪڙ تائين جيتا رهين ٿا،

پڻ سانج رو ماريا جائين ٿا.

ڪوئي پڻ ڪو آهي جڪو اُٿان ري سنڀال ڪري

آن او هميشه سارون تباھ ڪريا جائين ٿا.

²¹ اُٿان ري تنبوٿان را رڻڍو وڍيا جائين ٿا

آن عقل اڻ سين موهر ئي مري جائين ٿا.“

5

مدد سارون پُڪار

¹ اَلِفْزِ اَيُّوبَ نَا اِي پڻ ڪهيو ته،

”اي اَيُّوبَ، هي تُون پلين پُڪاري جوئو،

ڪُون تَنَا تسلي ڏي تو؟

ڪي ڪوئي پوِتر هسٽي آئي تاهجي مدد ڪرسي؟

² حقيقت ۾ ڪاوڙ آن حسد

بيوقوف نا ئپ ماري ڇڏسي.

³ مين بيوقوف نا پاڙه هڻتي ڏنو،

پڻ مين اوئي ري گهر تي لعنت ڏني آهي،

⁴ اوئي را پاڙ محفوظ ڪو آهين

آن او شهر ري دروازي تي ڇپليا جائين ٿا،

آن ڪوئي پڻ اُٿان نا بچاڻ وارو ڪو آهي.

⁵ بيوقوف ماڙهو رو فصل بُڪيا ڪائي جائين ٿا

آن او ڪنٿان ۾ پڻ فصل ڪڍي ڪائي جائين ٿا.

لالچي ماڙهو اُوي رِي ملڪت نا ريڙهي جائين تا.

⁶ ڪي ته مُصِيبَت زمين سين ڪوئي اُگي

آن نڪوئي ڏک زمين سين نسري تو.

⁷ جيھڙي نموني جوت رين چڻنگان اُونچين اُڏي تين،

ايھڙي نموني انسان پڻ ڏک سھڻ سارون پيدا ٿيو آھي.

⁸ پڻ اي ايوب، جي هُون تاهجي جگها تي هونت،

تو هُون رُگو ايشور نا پُڪارنت

آن آرين سجين تڪليفان اُوي تي چڙي ڏينت.

⁹ حقيقت ۾ ايشور را وڏا وڏا ڪم سمجھ سين ٻاهر آھين

آن اُوي رِي عجيب ڪمان نا گئي ڪوتا سگهان .

¹⁰ ايشور، زمين تي ميه ورسائي تو

آن پنيان نا پاڻي ڏي تو.

¹¹ ايشور ئي نيچ ماڙهوٿان نا عزت ڏي تو

آن ڏکويل ماڙهوٿان نا تسلي ڏي تو.

¹² او چالاڪ ماڙهوٿان رِي رٿان نا برباد ڪري چڙي تو

ته جين اُوتان رين ٺاهيل رٿان ناڪام ٿي جائين.

¹³ او ڏاهان نا اُوتان رِي چالاڪي ۾ قاسائي تو

آن او آري صلاح مشوران ۾ چيڪائي ناڪام ٿي جائين تا.

¹⁴ ڏينهن رو اُوتان تي اُندارو ٿي جائي تو

آن او ٻيپاران رو پڻ اُندان رِي جين هلين تا.

¹⁵ ايشور موٽاجان نا طاقت واڙان رِي زبان رِي تلوار

آن ظلم سين بچائي لي تو.

¹⁶ اِيئي ري ڪري موٽاجان نا اُميد رهي تي
آن بُران ماڙهوٿان را مُونه بند ٿي جائين تا.
¹⁷ برڪت واڙو آهي او جڪي نا ايشور دڙڪو ڏي تو،
اِيئي ري ڪري قُدرت واڙي ايشور ري دڙڪي نا گهٽ نه سمجه.
¹⁸ جي او زخم ڏي تو ملم پتي پڻ ڪري تو.
او زخم ڏي تو شفا پڻ اوئي ري هت ۾ آهي.
¹⁹ او تِنا ايٿان مُصِيبَتان سين بچاسي،
پڻ او تِنا هر مُصِيبَت سين بچاتو رهي.
²⁰ جڏهين ڏُڪار پڙسي تڏهين ايشور تِنا مرڻ ڪنهي ڏي
آن جنگ ۾ پڻ تِنا تلوار سين بچاسي.
²¹ تُون مُخالفان ري سخت واتيان سين بچل رھيس
آن جڏهين مُصِيبَت آسي تڏهين تِنا پيه ڪنهي ٿي.
²² تُون تباهي آن ڏُڪار پڙڻ تي هيس
آن زمين ري خطرناڪ جناوران سين بلڪل ڪنهي پيهاجين.
²³ تاهجي ٻني ۾ ڪوئي پتر ڪنهي هوئي
آن خطرناڪ جناور تين تي حملو ڪنهي ڪرين.
²⁴ تِنا خبر پڙسي ته تاهجو گهر بچيل آهي
آن جڏهين تُون آپري جناوران ري واڙي ۾ جائيس،
تڏهين تاهجو ڪوئي جناور گهٽ ڪنهي هوئي.
²⁵ تِنا اي پڻ خبر پڙي جاسي ته،
تاهجو مڙهي گهڻو اولاد هوسي
آن او زمين ري ڪڪ ري جين وڌتو جاسي.

²⁶ تُون وڏي جمار رو ٿي مري جائيس آن پوريو جائيس،
 جين اناج را گڏا آپري وقت تي پيڙا ڪريا جائين تا-
²⁷ جوئو، اي وات سچ آهي،
 ڪي ته آسان آپ ائي وات ري جانچ ڪري آهي-
 ائي وات نا ڏيان سين سنڀر آن فائدو لي-“

6

ايوب رو ايفز نا جواب ڏين

¹ پڇي ايوب ڪهيو ته،
² ”جي مانهجي ڏڪان رو حساب ڪريو جائي
 آن مانهجي سڃيان مُصِيبَتان نا توڙيو جائي،
³ تو او سمندر ري واري سين پڻ پاري هوسين-
 ائي ري ڪري مانهجين واتين بيڪار آهين-
⁴ قُدرت واري ايشور را تير منا لگا آهين
 آن تيران رو زهر مانهجي اندر ۾ پڪڙي پيو-
 ايشور را خوفناڪ حملا مين سارون تيار آهين-
⁵ ڪي جهنگلي گڏهي ڪڪ جڙڻ سين پڇي پڻ پُونڪي تو؟
 آن ڪي ڍڳو ڪڪ ڏين ري ٿاڻي رنبي تو؟
⁶ ڪي ڦڪو کاڌو لوڻ سوا کائي سگهان تا؟
 ڪي اينڌي ري اچاڻ ۾ ڪو سواد آهي؟
⁷ هُون ايهڙيان شينان نا هت پڻ ڪوتو لگائون،
 ڪي ته منا ايئن سين نفرت آهي-“

⁸ ايشور ڪري مانھجو عرض سنڀريو ڄاڻي

آن ايشور مانھجي اُميد پوري ڪري.

⁹ جي ايشور ري اي مرضي هونت تو منا چلي ڇڏت

آن آڀرو هت وڌائي منا ماري ڇڏت،

¹⁰ تو منا تسلي ٿينت،

آن هون ايئي هميشه ري سوز ري ڪري پڻ خوش رھنت

ڪي ته مين اوئي پوٽر هستي رين واتين ڪو لڪائين.

¹¹ مين ۾ اتي طاقت ڪو آهي ته هون انتظار ڪران

آن سني زندگي ساڙون صبر ڪران.

¹² هون پتر جيھڙو مضبوط ڪو آهان

آن نڪو مانھجو ڏيل پتڙو ٺھيل آهي.

¹³ هي هون بي وس ٿي گيو آهان

آن مين ۾ جيتو رهڻ ري اُميد ڪو رهي.

ايوب ري آڀري دوستان تي ميار

¹⁴ ايوب اي پڻ ڪهيو ته،

”جڪو آڀري نا اُميد ٿيل دوست تي ديا ڪوتو ڪري،

او اوئي ماڙهو جيھڙو آهي،

جڪو قدرت واڙي ايشور سين پيهاجي ڪوتو.

¹⁵ مانھجي سنگتيان منا ايھڙو دوکو ڏنو،

جين ميه ري موسم ۾ ندين ڪپان تائين پر جي وهڻ لگين تين.

¹⁶ او ندين برف سين پر جي ڄاڻين تين،

¹⁷ پڻ اونهاري ۾ اُوئي نديان رو پاڻي ختم ٿي جائي تو

آن او سُڪي جائين تين۔

¹⁸ پڇي پاڻي ڀرڻ سارون ٽولان را ٽولا رستي سين پتڪي جائين تا

آن رڻ پت ۾ جائي مري جائين تا۔

¹⁹ تيما علائقي را ٽولا پاڻي ڀرڻ سارون جوتا رهين تا

آن سڀا علائقي را مسافر پاڻي ري آسري ۾ هوئين تا۔

²⁰ اوڻان نا ڀروسو هوئي تو ته پاڻي جڙسي،

پڻ جڏهين پاڻي ڪوتو جڙي تڏهين او پریشان ٿي جائين تا

آن اُت پڄي پڇتائين تا۔

²¹ اوڻان نديان ري جين اوهين پڻ مانهجي ڪهي ڪم را ڪو آهو،

ڪي ته اوهين مانهجي مُصِيبَت ڏيڪي گهبرائي ڪيا آهو۔

²² ڪي مين اوهان سين ڪوئي سُوڪڙي منگي؟

يا اوهان آپري ملڪت سين مين سارون ڪوئي رشوت ڏني؟

²³ ڪي مين اوهان نا ڪهيو ته مِنا دُشمنان ري هٿان سين ڇڏائو؟

يا پئيسا پري مِنا ظُلَميان ري هٿان سين بچائو؟“

ايوب رو آپ نا بي ڏوهي ثابت ڪرڻ

²⁴ پڇي ايوب ڪهيو ته،

”اوهين مِنا سنڀڙائو آن مانهجو ڏوه ثابت ڪرو؟

تو هُون چُپ ٿي جائيس۔

²⁵ سچائي رين واتين گهڻين اثر وارين هوئين تين،

پڻ اوهانجين واتين بلڪل بي اثر آهين۔

²⁶ اوهين جکان واتیان نا بیکار سمجهو تا،
او مین نا امید ٿي ڪهین،
اوهين اوتان واتیان ري ڪري مین تي ڏوه نه ڏيو۔
²⁷ اوهين آپري سنگتیاں نا پڻ ویچی ڇڏو تا
آن یتیمان نا لیڻ سارون پُکو نا کو تا۔
²⁸ هي مهرباني ڪري مانجهي وات سنڀرو،
هُون اوهان جي آگ ۾ ڪوڙ ڪو ٻولان۔
²⁹ هُون اوهان نا منت ڪران تو ته نه انصافي م ڪرو
آن آپري غلطي مڃو ڪي ته هُون حق تي آهان۔
³⁰ ڪي هُون ڪوڙ ٻولان تو؟
ڪي مِنا نِگي واري واتیان ري سمجه ڪو ٿي آئي؟“

7

ايوب ري ايشور نا دانهن

¹ پڇي ايوب ڪهيو ته،
”انسان دُنيا ۾ سخت محنت ڪري تو
آن اوئي ري زندگي هيڪ مڙور جيهڙي آهي۔
² جين ڪوئي غلام چانه رو انتظار ڪري تو
آن مڙور آپري مڙوري جڙڻ ري اُميد ڪري تو۔
³ مين سارون ڏکان را مهينا
آن تڪليف ڏيڻ سارون راتين مقرر ڪرين گين آهين۔
⁴ جڏهين هُون وڇاڻي تي سوئي رهان تو،

تڏهين سوچان تو ته ڪڏهين ڏينهن اُگسي؟

ڪي ته راتين مڙهي وڏين ٿين ٿين،

هُون ڏينهن اُگڻ تائين اُٿل پُٿل ٿيتو رهان تو.

⁵ مانهجو ڏيل ڪيڙان آن مٽي سين پريو پيو آهي،

مانهجا ڦٽ ٺيڪ ٿيڻ سوا،

اُوٿان ۾ پرون پرڃي جائي ٿي.

⁶ مانهجي زندگي را ڏينهن مڙهي چيڪا گذرين پيا

آن هُون اُميد سوا جيٿان پيو.

⁷ اي ايشور، تنه خبر آهي ته،

مانهجي زندگي گهڙي ڪن ري آهي،

مانهجين اُنڪين وڙي خوشي ڪنهي ڏيڪين.

⁸ تُون مِنا هيٺان ڏيڪين پيو،

وڙي ڪڏهي ڪنهي ڏيڪين.

تُون مِنا جوئيس پڻ هُون ڪنهي جُڙان.

⁹ جين ڪڪر لنگهي گم ٿي جائين تا،

اين ئيج جڪو پُوريو جائي تو،

او ڪڏهي ٻاهر ڪوتو آئي.

¹⁰ او وڙي آپري گهري پڇو ڪنهي آئي

آن ماڙهو اُوئي نا وساري ڇڏسين.

¹¹ اِيئي ري ڪري هُون آپرو مُونه بند ڪوتو رکي سگهان.

پڻ هُون آپري ڏک ۾ ٻولتو رهيس

آن آپري تڪليف ري دانهن ڏيتو رهيس.

¹² ڪي هُون سُمندري يا سُمندري حيوان ري جين خطرناڪ آهن،

جڪو تين مين تي پهرو لگايو آهي؟

¹³ جڏهين هُون ڪهان تو ته وڃائي تي مِنا آرام جڙسي

آن سوئڻ سين مانهاجا ڏک گهٽ ٿيسي.

¹⁴ تڏهين تُون سڀنان ۾ آئي مِنا ٻيهاڙين تو

آن سڀنان ۾ آئي مِنا پريشان ڪرين تو.

¹⁵ هي اِئي ڏک پري زندگي سين سُنو آهي،

ته ڪوئي مِنا گهٽيو ڏي ماري ڇڏي.

¹⁶ مِنا آپري زندگي سين نفرت ٿي گئي آهي،

مانهجي مرضي ڪو آهي ته هُون وڌيڪ جيئان.

مِنا هيڪلو ڇڏي ڏي،

ڪي ته مانهجي زندگي توڙهي آهي.

¹⁷ انسان ري ڪيهڙي حيثيت آهي،

جڪو تُون اوئي نا عزت ڏين آن اوئي تي ڏيان ڏين؟

¹⁸ يا هر روز ساڪڙو تُون اوئي ري خبر رکين

آن هر وقت اوئي نا آزمائين؟

¹⁹ تُون مِنا هيڪلو ڇڏ

آن مِنا موهلت ڏي ته جين هُون سُڪ رو ساس لي سگهان.

²⁰ اي ايشور، تُون جڪو انسانان تي نظر رکين تو،

جي مين پاپ ڪريو آهي،

تو تاهجو ڪيهڙو نقصان ٿيو آهي؟

تين مِنا ئي ڪي ري ڪري نشانو ٺاهيو آهي؟

هُون تين سارُون پار ڪي ٿي گيو آهان؟
²¹ هي تُون مانهجو پاپ معاف ڪي ڪوتو ڪرين
 آن مانهجي بُرائي نا مين سين اڙگي ڪي ڪوتو ڪرين؟
 ڪي ته هي هُون مِتي ۾ ملي جائيس،
 پڇي تُون مِنا جوئيس پڻ هُون ڪنهي جُڙان.“

8

بلدد ري ايُوب سين وات چيت

¹ پڇي بلدد سُوخي ايُوب نا ڪهيو ته،
² ”تُون ڪِتي تائين ايهڙين واتين ڪرتو رهيس
 آن ڪِتي تائين تُون وائوڙ ري جين تڪو ٻولتو رهيس؟
³ ڪي ايشور بي انصاف آهي؟
 نه، قُدرت واڙو ايشور سچائي سين انصاف ڪري تو-
⁴ ٿي سگهي تو ته تاهجي اولاد اُوئي رو ڪوئي پاپ ڪريو هوئي
 آن اوٿان نا اوٿان ري پاپ ري سزا جُڙي هوئي-
⁵ هي جي تُون قُدرت واڙي ايشور سين مدد منگين
 آن اُوئي نا رحم سارُون پُڪارين،
⁶ جي تُون پوِتر آن سچو ٿي جائين،
 تو پڇي ضرور او تاهجي مدد ڪرسي
 آن تاهجي گهر نا وڙي آباد ڪرسي-
⁷ پلين شروع ۾ تين ڪنهن توڙهو هتو،
 پڻ اڻ واڙي ڏينهان ۾ تين ڪنهن ايئي سين گهڻو هوسي-“

⁸ هي اڱلوڪي زماني ري ماڙهوٿان ري باري ۾ خبر لي
آن جڪو ڪينهڪ پاپ ڏاڏان سڪايو، اُوئي تي ڌيان ڏي.

⁹ اَسين اَجان پاڙ اهان آن ڪئين خبر ڪو آهي
آن زمين تي اسانجي زندگي گهٽ آهي.

¹⁰ تون پاپ ڏاڏان ري ڏاهپ سين سڪ

آن اوٿان ري واتيآن تي ڌيان ڏي.

¹¹ ڪي ڪنول رو ڦل گپ سوا ٿڙي سگهي تو؟

يا سر رو ڪانو پاڻي سوا وڌي سگهي تو؟

¹² او سئا هوئين تا آن جڏهين پاڻي ڪوتو جڙي،

تڏهين پيجان پوتان سين موهر سڪي جائين تا.

¹³ اوٿان ماڙهوٿان سين پڻ اين رو اين ٿي تو،

جڪو ايشور نا وساري ڇڏين تا،

او اُميد سوا جيئين تا.

¹⁴ اوٿان رو پروسو گيلڙ ري جاري ري جين هوئي تو،

جڪو چيڪو ٿئي جائِي تو.

¹⁵ ڪي ڪوئي جاري نا ٿيڪ لگائي سگهي تو؟

يا ڪوئي جاري نا جهلي پيچي سگهي تو؟

¹⁶ بُرا ماڙهو اوٿان پوتان ري جين هوئين تا،

جڪان رين تازين ڪاڙهو لگڻ سين موهر سئائين هوئين تين

آن باغ ۾ چاري پاسي پڪڙي جائين تين.

¹⁷ اوٿان رين پاڙهان جبل تي پڪڙي جائين تين

آن پٿران سين ويڙهجي جائين تين.

¹⁸ جڏهين اُٿان نا اُٿي جڳها سين اُڪيڙيو جائي تو،

تڏهين او آساني سين نسري آئين تين

آن ڪوئي ڪو ڪهي ته پيهلڪا اُٿ ڪينھڪ هتو.

¹⁹ جوئو، اُٿان ري زندگي رُگو اتي آهي،

پڇي اُٿي جڳها پيجا ٻوٽا اُگي آئين تا.

²⁰ ياد رک، ايشور بُران ماڙهوٿان ري نه،

پڻ نيڪ ماڙهوٿان ري مدد ڪري تو.

²¹ ايشور تِنا وڙي خوشين ڏيسي

آن تون خوشي را نعرا هڻيس.

²² جڪو تين سين نفرت ڪرين تا او ڦڪا ٿيسين

آن بُران ماڙهوٿان را گهر برباد ٿيسين.

9

ايوب رو بلدد نا وڙتي ڏيڻ

¹ پڇي ايوب بلدد نا وڙتي ڏني ته،

² ”منا خبر آهي ته تاهجين واتين صحيح آهين،

پڻ انسان ايشور ري آگ ۾ ڪين نيڪ ٿي سگهي تو؟

³ جي انسان ري مرضي هوئي ته ايشور سين بحث ڪري،

تو او هزار واتيان ۾ هيڪ وات ري پڻ وڙتي ڪوتو ڏي سگهي.

⁴ ايشور ڏاهو آن قدرت واڙو آهي،

ڪوڻ اُٿي سين بحث ڪري ڪامياب ٿيو آهي؟

⁵ ايشور جبلان نا هٽائي ڇڏي تو

آن اُٺان نا خبر پڻ ڪوتِي پڙي،
 او آڀري قهر ۾ آئي اُٺان نا اُنڌا ڪري ڇڏي تو-
⁶ ايشور زمين نا اُٺي ري جڳها سين لوڏي ڇڏي تو
 آن اُٺي ري بُنياد لڏي جائي تي-
⁷ او ڪهي تو ته سُورج نه نِسري تو او ڪوتو نِسري،
 او تاران تي مُهر لڳائي تو او ڪوتا چمڪين-
⁸ هيڪ ئيج ايشور آهي جڪي آڪاس ٺاهيا
 آن او سمنڊ ري چوليان تي هلي تو-
⁹ ايشور ڪت، ٿيڙو، ڪتي تارا ٺاهيا
 آن ڏڪڻ را بُرج پڻ ٺاهيا-
¹⁰ ايشور مڙهي وڏا وڏا ڪم ڪريا آهن،
 جڪان نا ڪوئي پڻ سمجهي ڪوتو سگهي-
 آن اِتا چمتڪار ڪريا آهن جڪان نا ڪوئي گڻي ڪوتو سگهي-
¹¹ جوئو، ايشور مانهجي پاسي ۾ مٽي جائي تو،
 پڻ مِنا ڏيڪائو ڪوتو ڏي،
 او مانهجي موهر ۾ ته هوئي تو،
 پڻ مِنا خبر ڪوتِي پڙي-
¹² جوئو، جي او ڪينهڪ ڦڙي لي،
 تو ڪوڻ اُٺي نا روڪي سگهي تو؟
 آن ڪوڻ اُٺي نا ڪهي سگهي تو ته، ’تُون اي ڪي ڪرين پيو؟‘
¹³ جڏهين ايشور آڀري ڪاوڙ ڏيڪاري تو،
 تڏهين سمنڊري حيوان رهب را ساڻي پڻ،

پيهاجي اُوئي ري اڳ ۾ جُھڪي جائين تا.

¹⁴ مانھجي ڪيھڙي حيثيت آھي تہ ھون اُوئي نا وڙتي ڏيان؟

آن اُوئي سين بحث ڪرڻ سارون سنا اکر ٻولان؟

¹⁵ پلين ھون سچو آھان، توئي پڻ اُوئي نا وڙتي ڪو ڏيان،

پڻ ھون ديا سارون اُوئي نا منت ڪريس.

¹⁶ جي او مانھجي پُڪار تي وڙتي ڏينت،

توئي پڻ ھون ڀروسو نہ ڪرنت تہ اُوئي مانھجي فرياد سنڀري آھي.

¹⁷ او طوفان ميلھي مٺا برباد ڪري تو

آن بنا ڏوھ ري مٺا گھڙي گھڙي زخمي ڪري تو.

¹⁸ او مٺا ساس پڻ ڪوتو لڻ ڏي،

پڻ مانھجي برداشت سين وڌيڪ ڏک ڏي تو.

¹⁹ جي طاقت ري وات ڪري جائي،

تو ايشور سوا ڪوڻ طاقتور آھي؟

آن جي انصاف ري وات ڪري جائي،

تو ڪوڻ مٺا انصاف ڏيراسي؟

²⁰ جي ھون بي ڏوھي آھان،

توئي پڻ مانھجي زبان مٺا ڏوھاري ڪرسي

آن جي ھون نيڪ آھان،

توئي پڻ مانھجي زبان مٺا پاپي ڪرسي.

²¹ ھون بي گناھ آھان،

مٺا آپري جيو ري پرواھ ڪو آھي.

آن مٺا آپري زندگي سين نفرت آھي.

²² اِيئي سين ڪوئي فرق ڪوتو پڙي،

ڪي ته ايشور بي گناه آن بران ماڙهوٿان پيان نا ماري ڇڏي تو.

²³ جڏهين پڻ اوچتي مُصِيبَت سين بي گناه ماڙهو مَرين تا،

تڏهين ايشور اي ڏيڪي هسي تو.

²⁴ ايشور زمين بران ماڙهوٿان ري حوالي ڪري ڇڏي آهي

آن اوئي سرداران ري انڪيان تي پتي ٻڌي ڇڏي آهي،

اي سڀ ڪُجه ايشور سَوا پيجو ڪوڻ ڪري سگهي تو؟

²⁵ مانهجي زندگي را ڏينهن بنا خوشي آن اُميد سين،

مڙهي چيڪا گذرين پيا.

²⁶ مانهجي زندگي را ڏينهن،

ڪانان ري ٻيڙي ري جين،

چيڪا گذرين پيا،

اوئي باز ري جين جڪو آپري شڪار تي حملو ڪري تو.

²⁷ جي هون اي ڪهان ته،

هون آپرا ڏک وساري ڇڏان

آن اداسي ڇڏي خوش رهيس.

²⁸ توئي پڻ مِنا اڻ وازي ڏڪان رو پيه آهي،

مِنا خبر آهي ته ايشور مِنا ڏوهاري ڪرسي.

²⁹ جڏهين مِنا ڏوهاري ڪريو جاسي،

تو هون هرو ڀرو ڪي ري ڪري خوش رهڻ ري ڪوشيش ڪران؟

³⁰ جي هون صابوڻ سين جهلان

آن آپرا هٿ ڪار سين ڌوٿان،

³¹ توئي پڻ ايشور مينا ڪني گپ واڙي ڪڏ ۾ غوطو ڏيسي
 آن مانهجا گيا مين سين نفرت ڪري.
³² او ايشور آهي، مانهجي جين انسان نه،
 ته هون عدالت ۾ حاضر ٿي اوئي رو مقابلو ڪران.
³³ جي اسانجي وچ ۾ ڪوئي فيصلو ڪرڻ واڙو هونت،
 جڪو مانهجو آن ايشور رو فيصلو ڪرت،
³⁴ ته جين ايشور مينا وڌيڪ سزا نه ڏي
 آن اوئي رو پيه مينا پريشان نه ڪري،
³⁵ تڏهين هون ايشور سين بي خوف ٿي واتين ڪرت،
 آن ايئي حالت ۾ اوئي سين وات ڪوتو ڪري سگهان.“

10

ايوب ري ايشور نا دانهن

¹ پڇي ايوب ڪهيو ته،
 ”هون آڀري زندگي سين بيزار آهان،
 ايئي ري ڪري دل ڪولي ايشور نا دانهن ڏيس
 آن آڀري دل را ڏڪ اوئي نا سنڀرائيس.
² اي ايشور، تون مينا ڏوهاري نه ٺاه،
 پڻ مينا سنڀرا ته تون مين سين ڪي ري ڪري جهڳڙو ڪرين تو؟
³ ڪي تينا ظلم ڪرڻ سٺو لگي تو،
 ته آڀري هتان سين ٺاهيل انسان نا رد ڪرين؟
 ڪي اين ڪري تون بران ماڙهوٺان رين رٿان پورين ڪوتو ڪرين؟

⁴ ڪي تاهجين اُنڪين انسان ري جين آهين؟

آن ڪي تون انسان ري جين جوئين تو؟

⁵ ڪي تاهجي زندگي را ڏينهن آن سال انسان ري جين ٿوڙها آهين؟

⁶ تو پڇي تون ڪي ري ڪري مين ۾ ڏوه آن پاپ جوئين تو؟

⁷ تن خبر آهي ته هون بي ڏوهي آهان،

آن مِنا تاهجي هٿان سين ڪوئي ڪوتو ڇڏائي سگهي.

⁸ تين ئيج مِنا آڀري هٿان سين ٺاهيو آهي،

ڪي هي تون مِنا ماري ڇڏيس؟

⁹ اي ايشور، ياد ڪر ته تين مِنا مٽي سين ٺاهيو آهي،

ڪي تاهجي مرضي آهي ته وڙي مِنا مٽي ۾ ملائيس؟

¹⁰ تين هيڪي ڦڙي ري صورت ۾،

مِنا مانهجي ما ري پيت ۾ ميلهيو

آن اُت مانهجو جسم نهڻ شروع ٿيو.

¹¹ پڇي تين مانهجي ڏيل تي مانس ڀريو،

مانهجي هڏين آن نوزان ٺاهين

آن اوٿان تي ڪل ڇاڙهي.

¹² تين زندگي ڏي مين تي ديا ڪري

آن مانهجي زندگي ري سنڀال ڪري.

¹³ توئي پڻ تين اي واتين آڀري دل ۾ لڪائي رکين،

پڻ مِنا تاهجي ارادي ري خبر پڙي گئي آهي.

¹⁴ ته جڏهين هون ڪوئي پاپ ڪريس،

تڏهين تون مِنا جوتو هوئيس

آن مانهجا ڏوه معاف ڪو ڪرين.

¹⁵ جي هُون ڏوهاري آهان تو مين تي افسوس،

جي هُون بي ڏوهي آهان توئي پڻ هُون شرم ۾ ٻُڌل آهان،

ڪي ته مانهجي مڙهي گهڙي بي عزتي ٿئي

آن مِنا مڙهي گهڻا ڏک ڏنا ڳيا.

¹⁶ جي هُون وڏائي ڪران تو تُون ببر شينهن ري جين مانهجو شڪار ڪريس

آن عجيب ڪمان سين گهڙي گهڙي مِنا ڏک ڏيس.

¹⁷ تُون مانهجي خلاف نوان شاهدان نا پيچاريس،

آن تاهجين فوجان مين تي چڙهي آسين،

ايهڙي نموني مانهجا ڏک وڙي پڻ وڌي جاسين.

¹⁸ تين مِنا ما ري پيت سين جنم ڪي ري ڪري ڏنو؟

سُڻو هونت ته هُون ڪهي ري ڏيڪڻ سين موهر ئي مري جانت.

¹⁹ سُڻو هونت ته هُون جنم سين موهر ئي مري جانت

آن ٻُوريو جانت جين هُون هتو ئي ڪو.

²⁰ مانهجي زندگي را ڏينهن مڙهي توڙها رهي ڳيا آهين،

بس ڪر آن مِنا چڙي ڏي،

ته جين هُون توڙهي دير سارون سُڪ رو ساس ڪڍي سگهان.

²¹ ڪي ته مِنا چيڪو اُت اُوئي جگها تي جاڻو آهي،

جڪا سين ڪوئي پڇو ڪوتو آئي.

مطلب پاتار جت رُگو اُندارو آن موت ري چانه آهي.

²² اُت گهور اُندارو آن موت ري چانه آهي

آن اُٿلي روشني پڻ اُنداري ري جين آهي.

صُوفَرُ رُو پِيهَلَكِي دَفْعَا وَات چِت ڪرڻ

¹ پڇي صُوفَرُ نِعْمَاتِي ڪهڻ لڳو ته،

² ”ڪي اِيٿان سڄيان واتيائين رو جواب نه ڏيڻ ڪپي؟

ڪي گهڻو ٻولڻ وازو نيڪ سمجهيو جاسي؟

³ اي اِيُوب، ڪي تاهجي آجايان واتيائين سين ماڙهو ماڻ ٿي جاسي

آن جڏهين تون ٺٺولين ڪرين تڏهين ڪوئي تڻا ڦڪو پڻ نه ڪري؟

⁴ تون ڪهين تو ته، ’مانهجي ڏاهپ رين واتيائين سڄين آهين

آن هون ايشور ري نظر ۾ بي ڏوهي آهان۔‘

⁵ ڪتو سٺو هونت ته ايشور آپ تين سين وات ڪرنت

آن تڻا ورتي ڏينت۔

⁶ ايشور آپ آپري ڏاهپ را پيد تين تي ظاهر ڪرنت

آن تون اوئي را پيد سمجهنت،

تڏهين تڻا خبر پڙنت ته جتا پاپ تين ڪريا آهين،

ايشور تڻا اتي سزا ڪو ڏني۔

⁷ ڪي تون آپري سمجه سين ايشور ري پيد نا اوڙڪي سگهين تو؟

ڪي تون ڦڏرت واري ايشور ري اونڌي پيد نا سمجهي سگهين تو؟

⁸ ايشور رو پيد آڪاس سين اونچو آهي،

جت تون پڄي ڪوتو سگهين،

او پاتار سين پڻ اونڌو آهي،

تون اوئي ري باري ۾ جاڻي ڪوتو سگهين۔

⁹ اُوئي ري درگاهئي زمين سين وڌيڪ

آن ويڪڙ سمنڊر سين پڻ وڌيڪ آهي.

¹⁰ جي ايشور تڻا قيد ڪري آن عدالت ۾ لي آئي

تو اُوئي نا ڪوڻ روڪي سگهي تو؟

¹¹ ايشور بُران ماڙهوڻان نا اوڙڪي تو

آن اوڻان ري بچڙائي تي نظر رکي تو

آن اوڻان ري ڪمان نا ڪوتو وساري.

¹² بيوقوف ماڙهو رو ايڻان واتيآن نا سمجهڻ ايتو ڏکيو آهي،

جتو جهنگلي گڏهي سين انسان رو پيدا ٿيڻ.

¹³ اي ايوب، تون آڀري پوري دل سين ايشور تي ڀروسو رک

آن آڀرا هٿ دعا سارون اُوئي سمهان ڪڻ.

¹⁴ جي تاهجي هٿان سين ڪوئي پاپ ٿيو هوئي،

تو اُوئي رو اقرار ڪر

آن بُرائي نا آڀري گهر سين ڪڍي ڇڏ.

¹⁵ تڏهين تون ڦڪو ڪنهي ٿي،

تون دليري سين پيتو رهيس

آن تڻا ڪوئي ٻيو ڪنهي ٿي.

¹⁶ تون آڀرا ڏک پُلجي جائيس،

او تڻا رڱو گذريل ٻوڏ ري جين ياد رهسين.

¹⁷ تاهجي زندگي پيپاران سين وڌيڪ چمڪدار هوسي

آن تاهجي زندگي رو آندارو ساڪڙ ري روشني ۾ بدلي جاسي.

¹⁸ تون سُڪ شانتِي سين رهيس،

ڪي ته تڻا اُميد هوسي،
تُون آڀري چاري پاسي بنا ٻيه ري اُونگهاجيس۔
¹⁹ جڏهين تُون آرام ڪريس،

تو تڻا ڪهي رو ٻيه ڪنهي ٿي،
پڻ مڙهي گهڻا ماڙهو تڻا خوش ڪرڻ ري ڪوشيش ڪرسين۔
²⁰ پڻ بُران ماڙهو تڻا نا ڪئين ڏيڪڻ ۾ ڪنهي آئي
آن اوڻان ري بچڻ رو ڪوئي رستو ڪنهي هوئي،
اوڻان ري آخري اُميد موت هوسي۔“

12

ايوب رو آڀري دوستان نا وڙتي ڏين

¹ تڏهين ايوب ڪهيو ته،
² ”اين لڳي تو ته جين رڳو اوھين ئيج ڏاها اھو
آن جڏهين اوھين مرسو تڏهين ڏاهپ پڻ اوھان پيڙي ختم ٿي جاسي۔
³ پڻ مين ۾ اتي سمجھ اھي جتي اوھان ۾۔
ڪي اوھين مين سين وڌيڪ سمجھدار اھو؟
ايھڙو ڪوڻ اھي جڪي نا ايٿان واتيان ري خبر ڪو اھي؟
⁴ مانھجو حال اوئي ماڙهو جيھڙو اھي،
جڪي را دوست پڻ اوئي تي نٿولين ڪرين تا،
ھون او ماڙهو اھان جڪي رين دُعائين ايشور سنڀرتو،
پڻ سڄي آن نيڪ ماڙهو تي نٿولين ڪرين جائين تين۔
⁵ جڪي ري زندگي ۾ سُڪ هوئي،

او ڏک ري ماريل ماڙهو تي نٺولين ڪري تو
آن ڪرڻ واري نا ڌڪو ڏي تو.

⁶ ڌاڙيل آڀري گهران ۾ سڪون سين رهين تا
آن جڪو ايشور نا ڪاوڙ ڏيرائين تا،

او سڪ شانتِي سين رهين تا
آن اوٿان را ڏيو اوٿان ري هٿان ۾ آهين.

⁷ تون زمين ري جناوران سين پُڄ،
او تِنا سِڪاسين

آن آڪاس ري پڪيان سين پُڄ،
تو او پڻ تِنا سنڀڙاسين.

⁸ تون زمين ري ڪهي مخلوق سين پُڄ،
ته او تِنا سِڪاسي.

يا سمندر ري مڇيان سين پُڄ،
تو او تِنا سنڀڙاسي.

⁹ ايٿان سجان نا خبر آهي ته
اي سڀ ڪُجه پرميشور ئي ٺاهيو آهي.
¹⁰ هر ساس واري آن هر انسان ري زندگي،
ايشور ري هٿ ۾ آهي.

¹¹ اسين ڪن سين وات نا پرڪان تا
جيھڙي نموني زبان سين ڪاڌي ري سواد ري خبر پڙي تي.

¹² پوڙها ماڙهو ڏاها هوئين تا
آن وڏي عمر واڙا سمجهدار هوئين تا.

- ¹³ ڏاهپ آن طاقت ايشور ڪنهن آهي
- آن سمجھ آن سٺان مشوران رو مالڪ پڻ اوهيچ آهي.
- ¹⁴ ايشور جيڪي نا ڊاهي ڇڏي، اُوئي نا وڙي ڪوئي ڪوتو ناهي سگهي
- آن جيڪي نا او قيد ڪري اُوئي نا ڪوئي آزاد ڪوتو ڪري سگهي.
- ¹⁵ جي ايشور ميه نه ورسائي تو ڏڪار پڙي تو
- آن جي گهڻو ميه ورسائي تو زمين تي ٻوڏ آئي ٿي.
- ¹⁶ ڏاهپ آن طاقت ايشور ڪنهن آهي.
- دوڪو ڏيڻ واڙو آن دوڪو ڪاڻ واڙو ٻئي اُوئي ري هٿ ۾ آهين.
- ¹⁷ او وزيران سين اوٿان رو اختيار پڇو لي تو
- آن سرداران ري سمجھ لي تو.
- ¹⁸ او بادشاهان نا تخت سين اُتاري ڇڏي تو
- آن اوٿان نا غلام ناهي ڇڏي تو.
- ¹⁹ او پوجاريان سين اوٿان رو اختيار ڦڙي لي تو
- آن طاقت واڙان نا هارائي ڇڏي تو.
- ²⁰ او پروسي واڙي ماڙهوٿان را مونه بند ڪري ڇڏي تو
- آن پوڙهان سين ڏاهپ ڦڙي لي تو.
- ²¹ او اختيار واڙان نا ذليل ڪري تو
- آن طاقت واڙان نا ڪمزور ڪري ڇڏي تو.
- ²² او اُنداري ۾ لڪيل پيد ظاهر ڪري ڇڏي تو
- آن گهور اُنداري نا روشني ۾ بدلائي ڇڏي تو.
- ²³ او قومان نا وڌائي وڙي اوٿان نا ختم ڪري ڇڏي تو.
- او قومان نا پيڙين ڪري وڙي ٿڙ پڪڙ ڪري ڇڏي تو.

²⁴ او دُنیا ري اگوائان ري عقل پڇي لي
 اُوئان نا ايهڙي بيابان ۾ رُلائي ڇڏي تو
 جڪا سين ڪوئي رستو ڪوتو جڙي.
²⁵ او روشني سوا آنداري ۾ اين پتڪتا رهين تا،
 جين ڪوئي شرابي اِها اُها ٿرتو ڪرتو رهي تو.“

13

¹ پڇي ائوب ڪهيو ته،
 ”جوئو، مين اي سڀ ڪُجه آڀري اُنڪيان سين ڏنو
 آن آڀري ڪنان سين سنڀريو آهي آن سڀ ڪُجه سمجهان تو.
² جڪو ڪُجه اوهان نا خبر آهي اُوئي ري مِنا پڻ خبر آهي
 ڪي اوهين مين سين وڌيڪ سمجهدار آهو؟
³ مانهجي مرضي آهي ته هُون قُدرت واڙي ايشور سين وات ڪران
 آن اُوئي سين بحث ڪران.
⁴ پڻ اوهين جڪو ڪوڙين واتين ڪرڻ واڙا
 آن سڄائي بيڪار حڪيم ري جين آهو.
⁵ سُنو هونت ته اوهين ماڻ ڪري پيسنت
 آن ايهيچ اوهانجي عقلمندي هونت.
⁶ هي هُون آڀرين واتين ثبوت سين ڪهان تو
 آن جڪو هُون ڪهان اُوئي تي ڌيان ڏيو.
⁷ ڪي اوهين ايشور ري حق ۾ ڪوڙين واتين ڪرسو
 آن اُوئي ري باري ۾ سچ ڪنهي ٻولو؟

⁸ ڪي اوهين ايشور ري طرفداري ڪرسو

آن اُوئي سارون ڪيس وڙهسو؟

⁹ جي ايشور اوهان نا پرڪي،

تو ڪي اوهين اُوئي نا دوکو ڏي سگهو تا،

جين انسان نا ڏيو تا؟

¹⁰ جي اوهين لڪي لڪي اُوئي ري طرفداري ڪرسو،

تو او اوهان نا ضرور جهڙبي ڏيسي.

¹¹ ڪي اوهان نا اُوئي ري جلوي رو پيه ڪنهي ٿي

آن اُوئي ري طاقت سين پيه ڪنهي لگي؟

¹² پڇي اوهانجين اي ڪهاوتان ڪهي ڪم رين ڪو آهين

آن اوهانجا ثبوت مٽي ۾ ملي جاسي.

¹³ اوهين ماڻ ڪرو، منا پولڻ ڏيو،

پڇي مين سين جڪو پڻ ٿيسي، ڏنو جاسي.

¹⁴ هون آپري زندگي خطري ۾ گهٽڻ سارون تيار آهان،

منا آپري زندگي ري ڪوئي پرواه ڪو آهي.

¹⁵ پلين ايشور منا ماري ڇڏي،

توئي پڻ مانهجي اميد اُوئي ۾ آهي،

هي هون اُوئي ري اگ ۾ آپري حق ۾ پوليس.

¹⁶ ايهڙي نموني هون بچي جائيس،

ڪي ته جڪو ايشور نا ڪوتا مجين،

او اُوئي ري اگ ۾ ڪوتا جائي سگهين.

¹⁷ مانهجين واتين ڌيان سين سنڀڙو

آن جڪو هُون ڪهان اُئي تي ڏيان ڏيو.

¹⁸ جوئو، مين آپري ڪيس تي ڏيان ڏنو آهي

آن مِنا خبر آهي ته هُون بي گُناه آهن.

¹⁹ جي ڪوئي مِنا ڏوهي ثابت ڪري،

تو هُون مرڻ گهڙي تائين ماڻ ڪري پيسيس.

ايوب ري دُعا

²⁰ پڇي ايوب ڪهيو ته،

”اي ايشور، تُون مانجهين به درخواستان قبول ڪر،

ته جين هُون تاهجي سمهون آئي سگهان.

²¹ پيهلڪي درخواست اي آهي ته تُون مِنا وڌيڪ سزا نه ڏي،

آن پيڇي درخواست اي آهي تاهجو پيه مِنا پریشان نه ڪري.

²² پڇي تُون مِنا منگا آن هُون تِنا جواب ڏيس

يا مِنا ٻولڻ ڏي آن تُون ائي رو جواب ڏي.

²³ مين سين ڪتا پاپ آن غلطين تين آهن؟

تُون مانجهجا ڏوه آن پاپ مِنا سنڀرا.

²⁴ تُون مين سين ڪي ري ڪري ناراض آهن؟

تُون مِنا آڀرو دشمن ڪي ري ڪري سمجهين تو؟

²⁵ هُون اڏڻ واري سُڪل پَن

آن بوه ري جين آهن،

تُون مِنا پریشان ڪي ري ڪري ڪرين تو؟

²⁶ تاهجي مرضي سين مين تي اي الزام لگين،

تہ جین ھون آپري جواني ري پاپان ري سزا کٿان۔
²⁷ تین مانھجي پگان ۾ سنڪزان ٻڌي چڏين آھين۔
 تون مانھجي سجان رستان تي نظر رکين تو
 آن مانھجي پگان را نشان اوڙڪين تو۔
²⁸ ھون سڙيل شئي ري جين آھان جڪو ناس ٿي جائِي تي
 آن ايهڙي گپي ري جين آھان،
 جڪي نا ڪيڙي ڪٽري چڏيو ھوئي۔“

14

فاني زندگي

¹ پڇي ايوب ڪهيو ته،
 ”انسان ڏوسي سين پيدا ٿي تو،
 او توڙهان ڏينهان رو آهي آن ڏڪان سين پريل آهي۔
² او گل ري جين ٿڙي تو آن ڪومائجي جائِي تو،
 او چانه ري جين مٽي جائِي تو آن هيڪي جگها ڪوتو پيچي۔
³ تون ڪي ري ڪري مين تي نظر رکين تو؟
 تون ڪي ري ڪري منا عدالت ۾ منگائين تو؟
⁴ ڪي ڪوئي پليت شئي سين پويتر شئي ڪڍي سگهي تو؟
 ڪوئي پڻ نہ۔
⁵ انسان ري عمر مقرر آهي،
 تنہا خبر آهي ته او ڪٿو عرصو جيتو رهسي۔
 تين اوئي ري عمر ري حد مقرر ڪري ڇڏي آهي،

جڪي نا او وڌائي ڪوتو سگهي.
⁶ تون اُوئي سين آڀري نظر هٽائي ڇڏ،
 ته جين او سُڪ رو ساس ڪٿي سگهي،
 جيھڙي نموني مڙور نا آڀرو ڪم ختم ڪرڻ سين پڇي آرام جڙي تو.
⁷ جي وڻ نا وڍيو جائي،
 تو اُوئي ري وڙي اُگڻ ري اُميد هوئي تي
 آن اُوئي سين نوين تازين نسرين آئين تين.
⁸ پلين اُوئي رين پاڙهان زمين ۾ پُراڻين ٿي جائين
 آن اُوئي رو تڙ متي ۾ گڙي جائي،
⁹ پڇي جڏهين اُوئي نا توڙهو پاڻي جڙي تو،
 تو اُوئي سين نوا گونچ نسري آئين تا
 آن او نوي ٻوٽي ري جين سائو ٿي جائي تو.
¹⁰ پڻ جڏهين انسان رو دم نسري جائي تو،
 تڏهين او مري جائي تو
 آن اُوئي ري طاقت ختم ٿي جائي تي،
 پڇي او وڙي جيتو ڪوتو ٿي.
¹¹ جين ڊنڊ رو پاڻي سُڪي جائي تو
 آن دريا رو پاڻي گهٽ ٿي سُڪي جائي تو،
¹² اين رو اين انسان مرڻ سين پڇي وڙي جيتو ڪوتو ٿي.
 جتي تائين آڪاس قائم آهي، انسان ڪنهي جاگي
 آن نڪو ئي اُوئي نا جاگايو جائي.
¹³ سٺو هونت ته تون مينا پاتار ۾ لڪائي ڇڏنت

آن جتي تائين تاهجي ڪاوڙ گهٽ نه ٿينت،
 اُوئي وقت تائين تون مِنا لڪائي رڪنت،
 پڇي مقرر وقت تي مِنا ياد ڪرنت.
¹⁴ جي انسان مري وڙي جيتو ٿينت،
 تو هون آڀرين تڪليفان برداشت ڪرتو رھنت،
 جتي تائين تون مِنا نه ڇڏانت.
¹⁵ پڇي تون مِنا سڏ ڪرنت آن هون تِنا وڙتي ڏينت،
 آن تون مين تي ڌيان ڏينت،
 ڪي ته تين انسان نا آڀري هٿان سين ٺاهيو آهي.
¹⁶ تون مانھجي سجان رستان ۾ سنڀال ڪرنت
 آن مانھجي پاپان رو حساب نه ڪرنت.
¹⁷ تون مانھجا سجا پاپ معاف ڪرنت
 آن مانھجا سجا گناه ڍڪي ڇڏنت.
¹⁸ جين جبل ڪري ختم ٿي جائي تو
 آن ٽڪر آڀري جگها سين هتي جائي تو.
¹⁹ جين پٿر تي پاڻي ڪرتو رهي تو او گسجي جائي تو
 آن ٻوڏ مٽي نا لوڙهي لي جائي تي،
 ايهڙي نموني تون انسان ري اُميد نا ختم ڪري ڇڏين تو.
²⁰ تون انسان تي هميشه رُعب رکين تو،
 ايئي ري ڪري او مري جائي تو.
 تون اُوئي رو مونه خراب ڪري اُوئي نا ختم ڪري ڇڏين تو.
²¹ پڇي پلين اُوئي ري ٻازان نا عزت جڙي يا خواري،

اُوئي نا ڪوئي خبر ڪوتي پڙي.
22 او رڳو آڀري جسم رو سُوڙ محسوس ڪري تو
آن آڀ سارون ئي ماتم ڪرتو رهي تو.“

15

ايفز رو پيڇي دفعا وات چيت ڪرڻ

1 پيڇي ايفز تيماني ايوڻ نا ڪهيو ته،
2 ”جي تون ڏاهو هونت تو سڻي وڙتي ڏينت،
آن آجائين واتين ڪري وڙتي نه ڏينت،
جين ڪوئي بيوقوف آجائين واتين ڪري تو.
3 ڪي تڻا جڳائي تو،
ته تون آجايو بحث آن بيڪار واتين ڪرين؟
4 تڻا ايشور رو ڪوئي خوف ڪو آهي
آن تون اُوئي ري پگتي نا آجائي سمجهين تو؟
5 تاهجي واتيان سين خبر پڙي تي ته تون ڏوهاري آهين،
ڪي ته تون نگان ري جين وات ڪرين تو.
6 تون آڀري واتيان سين ڏوهاري ٿين تو.
هون نه پڻ تاهجو مونه تاهجي خلاف شاهدي ڏي تو.
7 ڪي دنيا ۾ پيهلڪو انسان تون ئيچ پيدا ٿيو تو؟
ڪي تون جبل ٺهڻ سين موهر پيدا ٿيو تو؟
8 ڪي تڻا ايشور ري پيد ري خبر آهي؟
ڪي رڳو تون ئيچ هيڪ ڏاهو ماڙهو آهين؟

⁹ تِنَا اِيهڙِي ڪِهِي وات ري خبر آهي جڪو آسان نا خبر ڪو آهي؟

تِن ۾ اِيهڙِي ڪِيهڙِي سمجھ آهي جڪو آسان ۾ ڪو آهي؟

¹⁰ آسانجي وچ ۾ اچي مٿي واڙا آن پوڙها آھين،

جڪو عُمر ۾ تاهجي آبا سين پڻ وڏا آھين۔

¹¹ ڪِي ايشور رو دلا سو تين سارون گهڻو ڪو آهي؟

ڪِي او واٽين جڪو تين سين نرمي سين ڪرين جائين تين، گهٽ آھين؟

¹² تُون آپري جوش نا قابو ۾ ڪي ري ڪري ڪوتو رکين

آن ڪاوڙ ۾ تاهجين انڪين ڪي ري ڪري رتين آھين؟

¹³ تُون ڪاوڙ ۾ ايشور ري خلاف ڪي ري ڪري ٻولين تو؟

تُون آپري مُونھ سين ڪاوڙ واڙين واٽين ڪي ري ڪري ڪرين تو؟

¹⁴ انسان ري ڪِيهڙِي حيثيت آهي ته او پويتر ٿي؟

ڏوسي سين جنم ليڻ واڙو انسان ڪين نيڪ ٿي سگهي تو؟

¹⁵ جوئو، ايشور آپري فرشتان تي پروسو ڪوتو ڪري،

ڪِي ته اوئي ري نظر ۾ او پڻ پويتر ڪو آھين۔

¹⁶ تو پڇي او انسان تي ڪين پروسو ڪري،

جڪو بُرو آن نفرت ري قابل آهي

مطلب بُرائي ڪرتو رهي تو۔

¹⁷ مانھجي وات سنڀڙ، هُون تِنَا سمجھائون تو،

جڪو مين ڏٺو آهي او تِنَا سنڀڙائون تو۔

¹⁸ هُون او واٽين سنڀڙائيس،

جڪو مين ڏاهان ماڙهون سين سنڀڙين

آن اوٿان آپري ٻاپ ڏاڏا سين سنڀڙين

آن اُٺان اِٺان وائيان نا لڪائي ڪو رکين.

¹⁹ ايشور آسانجي ٻاپ ڏاڏان نا رهڻ سارون ملڪ ڏنو

آن اُٺان ري وچ ۾ ڪوئي پرديسي ڪو هتو.

²⁰ بُرا ماڙهو جڪو پيجان تي ظلم ڪرين تا

او سڄي زندگي سوڙان ۾ ڦٽڪتا رهين تا.

²¹ پيهڙڻ واڙا آواز اُٺان ري ڪنان ۾ گونجتا رهين تا.

جڏهين او امن سين رهتا هوسين،

تڏهين ڌاڙيل اُٺان تي حملو ڪري ڇڏسين.

²² اُٺان نا اُٺاري سين بچي نسرڻ ري ڪوئي اُميد ڪو آهي،

ڪي ته تلوار اُٺان رو انتظار ڪري پئي.

²³ او آپ رُلتا رُلتا گرجهان رو کاڌو ٿي جاسين،

اُٺان نا خبر آهي ته هي موت نيڙو آهي.

²⁴ ڏک آن تڪليفان اُٺان نا اين پيهڙين تين

جين ڪوئي بادشاه حملو ڪري پيهڙي تو.

²⁵ اي سڀ ڪُجه اِيئي ري ڪري ٿيو ڪي ته او ايشور ري خلاف ٿيا

آن ڦڌرت واڙي ايشور ري اڳ ۾ مغروري ڪري.

²⁶ او ضدي ماڙهو ري جين آپري وڏي آن مضبوط ڍال لي

ايشور سين مقابلو ڪرين تا.

²⁷ خوشحالي ري ڪري اُٺان ري مونه

آن جسم تي چرهي چڙهي گئي آهي.

²⁸ توئي پڻ او ويران شهران ۾ رهسين،

هوئي، ايهڙي ويران گهران ۾ جڪو ڪري تباھ ٿيڻ واڙا هتا.

²⁹ او امير ڪنهي رهين،

اُوٿان ري دولت هميشه قائم ڪنهي رهي
آن نڪو ئي زمين تي اُوٿان ري ملڪت وڌي.

³⁰ او موت ري مُونه سين ڪڏهي نِسري ڪنهي سگهين،

جوت اُوٿان ري تازيان نا ٻاڙي ڇڏسي
آن ايشور اُوٿان نا هيڪ ئي ڦونڪ سين پهسم ڪري ڇڏسي.

³¹ او ڪوڙ تي پروسو ڪري آڀرو آپ نا دوکو نه ڏين

ڪي ته ڪوڙ ئي اُوٿان رو اجر هوسي.

³² وقت سين موهر اُوٿان رين تازين ڪومائجي جاسين

آن اُوٿان رين تازين وڙي سائي ڪنهي ٿين.

³³ او انگور ري اُوئي ويله ري جين هوسين

جڪي رو ميوو پڇڻ سين موهر ڇڻي جائي تو

آن زيتون ري اُوئي وڻ جين

جڪي را گل ڇڻي جائين تا.

³⁴ جڪو ماڙهو ايشور نا ڪوتا مجين،

اُوٿان رو ڪڏهي پڻ اولاد ڪنهي ٿي

آن رشوت ليڻ وازان را گهر جوت سين پهسم ٿي جاسين.

³⁵ او حرامپائي سين پريل هوئين تا،

آن بُرائي نا جنم ڏين تا،

اُوٿان را دل هميشه دوڪي سين پريل رهين تا.“

ايوب رو اليغز نا ورتي ڏيڻ

¹ تڏهين ايوب ڪهيو ته،

² ”مين ايهڙين گهڻين واتين سنڀرين آهين،

جڪي سين مِنا تسلي نه پڻ تڪليف ٿي ٿي.

³ ڪي تون آجائين واتين ڪرڻ بند ڪنهي ڪرين؟

ايهڙي ڪيهڙي وات آهي جڪو آهان نا ٻولڻ تي مجبور ڪري ٿي؟

⁴ جي هون آهانجي جگها تي هونت

تو هون پڻ آڀرو مٿو لوڏي لوڏي

آهانجي خلاف واتين ڪري سگهيو ٿي.

⁵ پڻ هون اين ڪو ڪرنت

پڻ مانهجي واتيان سين آهان نا تسلي جُزنت

آن آهانجو ڏک گهٽ ٿينت.

⁶ پڻ جڏهين هون ٻولان تو مِنا تسلي ڪوتي جُڙي

آن جي ماڻ رهان تو مِنا سڪون ڪوتو جُڙي.

⁷ اي ايشور، تين مِنا ڏک ڏي ٽڪائي ڇڏيو آهي

آن مانهجي سڄي آکا نا تباھ ڪري ڇڏي آهي.

⁸ تين مِنا گهڻا ڏک ڏنا آهين

آن اي وات مانهجي خلاف شاهدي ٿي گئي آهي،

ڪي ته مانهجي ڪمزوري مانهجي خلاف شاهدي ڏي ٿي.

⁹ ايشور ڪاوڙ ۾ آئي مين سين اين ڪريو

جين ڪوئي جهنگلي جناور آڀري شڪار نا چيري ڦاڙي ڇڏي تو

آن جين ڪوئي ماڙهو ڪهي تي ڏنت پيسي آن انڪين ڏيکاري تو.

¹⁰ ماڙهو رڙين ڪري مين تي نٿولين ڪرين تا

آن مانهجي گل تي چنبو هڻي مانهجي بي عزتي ڪرين تا،
او سجا مانهجي خلاف پيڙا ٿي ڳيا آهن.

¹¹ ايشور منا ظلميان ري حوالي ڪري ڇڏيو آهي
آن اوئي منا بران ماڙهوٿان ري هٿان ۾ ڏي ڇڏيو آهي.

¹² مانهجي زندگي سڪون سين گذري پي

ايشور منا چپلي ڇڏيو

آن منا ڪنڌ ۾ جهلي ٽڪرا ٽڪرا ڪري ڇڏيو،
اوئي ڏک ڏيڻ سارون منا نشانو ٺاهيو آهي.

¹³ اوئي ري تير هلاڻ واڙان منا چاري پاسي گهيري ليو.

ايشور مين تي ديا ڪو ڪري،

اوئي تير سين مانهجي گڙدان نا چيري ڇڏيا

آن مانهجو لوهي زمين تي وهڻ لڳو.

¹⁴ اوئي منا وڙي زخم ڏي ڪمزور ڪري ڇڏيو،

او هيڪ پهلوان ري جين مين تي حملو ڪري تو.

¹⁵ مين ڪٿي نا آڀرو ويس ٺاهيو

آن مانهجو سڄو شان آن مان مٽي ۾ ملي ڳيو آهي.

¹⁶ روئي روئي مانهجو مونھ سڄي ڳيو آهي

آن مانهجي انڪيان تي انڌارو آئي ڳيو آهي.

¹⁷ پلين مانهجي هٿان سين ڪوئي ٻرو ڪم ڪو ٿيو

آن هون صاف دل سين دُعا ڪران تو.

¹⁸ اي زمين، مانهجي لوهي نا نه لڪا

آن انصاف سارون مينا فرياد ڪرڻ ڏي۔
¹⁹ جوئو، مانھجو شاھد ھيٺان پڻ آڪاس تي آھي،
 مانھجي شاھدي ڏيڻ واڙو مٿي آڪاس تي آھي۔
²⁰ مانھجا دوست مين تي ٺٺولين ڪرين تا،
 پڻ ھون روئي روئي ايشور نا مدد سارون پڪاران تو۔
²¹ سٺو ھونت تہ ڪوئي ايشور ري آگ ۾ مين سارون وات ڪرنت،
 جين انسان آپري دوست ري حق ۾ وات ڪري تو۔
²² مانھجي زندگي را ڏينھن پورا ٿيڻ واڙا آھين
 آن پڇي ھون اوئي رستي تي ھليو جائيس،
 جڪا سين ڪوئي پڻ پڇو ڪوتو آئي۔

17

¹ مانھجو ساس لڪي ۾ اٽڪل آھي،
 مانھجي زندگي را ڏينھن گھٽ ڪريا گيا آھين
 آن قبر مانھجو انتظار ڪري پئي۔
² پلين، ھر ڪوئي مين تي ٺٺولين ڪري تو۔
 ھون اوٿان ري حرامپائي نا جوتو رھان تو۔“

ايوب رو ايشور نا پڪارڻ

³ پڇي ايوب ڪھيو تہ،
 ”اي ايشور، تون مانھجو ضامن ٿي،
 ڪي تہ تين سوا مانھجو پيجو ڪوئي ضامن ڪو آھي۔
⁴ تين مانھجي دوستان ري سمجھ ختم ڪري ڇڏي آھي،

ايئي ري ڪري تون اوتان نا وٽيان ۾ جيتڻ ڪنهي ڏين-
5 هيڪ ڪهاوت آهي ته،

’جڪو آڀري دوستان ري خلاف ڪوڙي شاهدي ڏين تا،
اوتئي را ٻار آندا ٿي جاسين-‘

6 اي ايشور، هون ماڙهوٿان ۾ هيڪ برو مثال ٿي گيو آهان-
منا ڏيڪي ماڙهو مانجهي مونھ تي ٿڪين تا-

7 ڏڪان ري ڪري مانجهي نظر گهٽ ٿي گئي آهي
آن مانجهي جسم رين رگو هڏين بچي گين آهين-

8 اي جوئي نيڪ ماڙهو حيران آهين آن سوچين تا ته،
مين ايشور ري خلاف ڪوئي پاپ ڪريو آهي-

9 توئي پڻ نيڪ ماڙهو آڀري سچائي تي قائم رهسي
آن جڪي ري هٿان سين ڪوئي پاپ ڪو ٿيو،
او مضبوط ٿيتو جاسي-

10 جي آوهين سجا وڙي مين سين وات ڪرسو،
توئي پڻ منا آوهان ۾ هيڪ پڻ عقلمند ماڙهو ڪنهي جڙي-

11 مانجهي زندگي را ڏينهن پورا ٿي گيا آهين
آن مانجهين خواهشان آن دل رين اُميدان
سجين مٽي ۾ ملي گين آهين-

12 مانجهي دوست رات نا ڏينهن ڪهين تا
آن ڪهين تا ته، ’روشنِي نيڙي آهي‘

پڻ منا خبر آهي ته هون آنداري ۾ آهان-

13 جي هون اي اُميد رکان ته پاتار مانجهو گهر هوسي،

آن آنداري ۾ آڀرو بسترو وڃائي
¹⁴ قبر نا ڪهان ته، ’تُون مانھجو ٻاپ آھين‘
 آن ڪيڙي نا ڪهان ته، ’تُون مانھجو ما آن ٻيھن آھين-‘
¹⁵ تو پڇي اي ڪيھڙي اُميد ھوسي؟
 آن مانھجي اُميد نا ڪوڻ جوسي؟
¹⁶ پاتاڙ ۾ ڄاڻ سين پڇي
 ھون آن مانھجي اُميد ڏوڙ ۾ ملي جاسان-“

18

بلدد رو وڙي وات چيت ڪرڻ

¹ پڇي بلدد سُوخي ڪھيو ته،
² ”اي ايوب، تُون ڪتي تائين ٻولتو رھيس؟
 ڏاھو ٿي آن آسانجي وات سنڀر-
³ تُون آسان نا جناوران ري جين نا سمجھ ڪي ري ڪري تو سمجھين؟
 آسين تاهجي نظر ۾ سمجھدار ڪي ري ڪري ڪو آھان؟
⁴ تُون ڪاوڙ ۾ آڀرو نقصان ڪي ري ڪري ڪرين تو؟
 ڪي تاهجي ڪاوڙ ڪرڻ سين زمين اُڏڙي جاسي؟
 ڪي تڪر آڀري جگھا سين ڪسڪي جاسي؟
⁵ حقيقت ۾، بُران ماڙھوڻان ري زندگي رو ڏيئو اُونجھاجي جاسي
 آن اوڻان ري زندگي ختم ٿي جاسي-
⁶ بُران ماڙھوڻان ري گھران ۾ آندارو ٿي جاسي
 آن اوڻان ري زندگي رو ڏيئو اُونجھاجي جاسي-

- ⁷ اُوٿان ري هلڻ ڦرڻ ري طاقت ختم ٿي جاسي
آن او آڀري رٿان ري ڪري ختم ٿي جاسين.
- ⁸ او آڀري وڇايل جاڙ ۾ ڦاسجي جاسين
آن آڀري ئي ڪوٽل ڪڏ ۾ ڪري جاسين،
- ⁹ اُوٿان را پڳ آڀري ئي ڦندي ۾ ڦاسي جاسين.
- ¹⁰ اُوٿان نا جهلڻ ساڙون زمين ۾ رنڊوڙي رو ڦندو لڪايو گيو آهي.
- اُوٿان ري رستي ۾ ڪڙڪي اڏي ڇڏي آهي.
- ¹¹ خوفناڪ شين هر پاسي اُوٿان نا پيهائين
آن اُوٿان رو پيو ڪنهي ڇڏين.
- ¹² بڪ ري ڪري او آڀرا ٿي جاسين
آن او هر وقت مُصِيبَت ۾ پيا رهين.
- ¹³ اُوٿان ري بدن ري چنڀڙي بيماري ري ڪري گزي جاسي
آن خطرناڪ بيماري اُوٿان ري بدن نا کائي جاسي.
- ¹⁴ او آڀري گهران تي ڀروسو رکين تا،
پڻ اُوٿان نا آڀري گهران سين ڪڍيا جاسين
- آن اُوٿان نا موت ري بادشاهه ري حوالي ڪريا جاسين.
- ¹⁵ اُوٿان ري گهران تي جوت آن گندرف ورسائي جاسي.
- ¹⁶ او ايهڙي وڻ ري جين ٿي جاسين
جڪي رين پاڙهان گزي جائين تين
آن تارين سڪي جائين تين.
- ¹⁷ اُوٿان نا زمين تي ختم ڪريا جاسي
اُوٿان رو ڪٽ پڻ نان نشان ڪنهي رهي.

¹⁸ اُوٿان نا سوجهاڪي سين ڪڍي
 پاتاڙ ري آنداري ۾ ناڪيا جاسين
 آن زمين سين اُوٿان رو نان نشان ختم ڪريو جاسي-
¹⁹ اُوٿان ري قوم ۾ اُوٿان ري نسل ختم ٿي جاسي
 آن جت او رهتا، اُت ڪوئي پڻ ڪنهي بچي-
²⁰ اُوٿان رو حال ڏيکي آنتوڻي پاسي واڙا پيهاجي جاسين
 آن اُگوڻي پاسي واڙا پيهاجي جاسين-
²¹ واقعي، بُران ماڙهوٿان رو ايهيج حال ٿي تو
 آن جڪو ايشور نا ڪوتا مڃين،
 اُوٿان سين اين ئيج ٿي تو-“

19

ايوب رو بلدد نا وڙتي ڏيڻ

¹ پڇي ايوب ڪهيو ته،
² ”اوهين ڪٿي تائين مڻا ڏک ڏيئا رهسو
 آن آڀري واتيائين سين مڻا پريشان ڪرنا رهسو؟
³ اوهين گهڙي گهڙي الزام ڏي مڻا تنگ ڪرو تا،
 اوهان نا شرم ڪوتي آئي؟
⁴ جي مين سين ڪوئي غلطي ٿئي پڻ آهي،
 تو ايئي سين اوهانجو ڪيھڙو نقصان-
⁵ اوهين هر وات ۾ آپ نا مين سين وڏو سمجهو تا
 آن سمجهو تا ته جڪو مُصِيبَت مين تي آئي آهي،

او مانهجي پاپ رو ثبوت آهي.

⁶ پڻ اي وات ڪو آهي پڻ ايشور آپ منا ڏک ڏنو

آن آڀري جاز سين منا وڪوڙي ڇڏيو آهي.

⁷ جوئو، هون رڙين ڪران تو ته مين تي ظلم ٿي پيو،

پڻ ڪوئي مانهجي ڪوتو سنڀري.

هون مدد سارون پڪاران تو،

پڻ منا انصاف ڪوتو جڙي.

⁸ ايشور مانهجا مارگ بند ڪري ڇڏيا آهن،

ته جين هون مٽي نه سگهان،

اوهي مانهجي مارگان تي اندارو ڪري ڇڏيو آهي.

⁹ اوهي مانهجو شان آن مان مين سين ليو آهي

آن مانهجي مٽي سين تاج اٿاري ڇڏيو آهي.

¹⁰ اوهي منا هر پاسي برباد ڪري ڇڏيو آهي،

هون بلڪل برباد ٿي گيو آهان.

اوهي مانهجي اُميد نا اين ختم ڪري ڇڏي آهي،

جين وڻ پاڙهان سين اُڪيڙيو جائي تو.

¹¹ او منا آڀرو دشمن سمجهي تو

آن اوهي رو قهر مانهجي خلاف پڙڪيو آهي.

¹² اوهي ري فوج مين تي حملو ڪرڻ سارون پيڙي ٿئي آهي

آن مانهجي تنبو نا چاران پاسان سين گهيري ليو آهي.

¹³ اوهي مانهجا پائي مين سين ازگا ڪري ڇڏيا آهن

آن مانهجي اوڙڪاڻ واڙا پڻ مين سين مونه ڦيري گيا آهن.

- ¹⁴ مانهجا عزيز مِنا چڙي ڳيا آهين
 آن مانهجا نيڙا دوست پڻ مِنا پُلجي ڳيا آهين.
- ¹⁵ مانهجا مهمان آن مانهجين ٻانهين مِنا ڌاريو سمجهين ٿين،
 هُون اُوڻان رِي نظر ۾ هيڪ پرديسي آهان.
- ¹⁶ جڏهين هُون آپري ٻانهي نا سڏ ڪران تو،
 تو او مِنا ڪوئي وڙتي ڪوتو ڏي.
- هُون اُوئي نا مِنت پڻ ڪران،
 توئي پڻ او مانهجي ڪوتو سنيڙي.
- ¹⁷ مانهجي ڏوسي نا مانهجي مُونه سين ڌپ آئي تي
 آن مانهجا پائي مين سين نفرت ڪرين تا.
- ¹⁸ ننڍا ٻار پڻ مِنا گهٽ سمجهين تا
 آن مِنا ڏيڪي مين تي نٺولين ڪرين تا.
- ¹⁹ مانهجا جڳري دوست پڻ مين سين نفرت ڪرين تا.
- جڪان سين هُون پريم ڪرتو اوھيج مانهجي خلاف ٿي ڳيا آهين.
- ²⁰ مانهجو جسم مڙهي گهڻو ڪمزور ٿي ڳيو آهي،
 آن مانهجي جسم تي ڪل آن هڏين ئي بچين آهين
 آن هُون مرئي مرئي بچيو آهان.
- ²¹ اي مانهجان دوستان، مين تي قياس ڪرو، مين تي قياس ڪرو،
 ڪي ته ايشور رو هٿ مانهجي خلاف ٿيو آهي.
- ²² اوهين ڪي ري ڪري ايشور ري جين مِنا ڏک ڏيو تا
 آن ڪتي تائين مين تي حملو ڪرتا رهسو؟
- ²³ سٺو ٿينت ته مانهجين واتين ڪتاب ۾ لکين جانت

آن محفوظ ٿي جانت.

²⁴ سُنو ٿينت ته اي واٽين لوهر ري چيرڻي

آن هٿوڙي سين هميشه سارون پٿر تي لکين جانت.

²⁵ پڻ مٺا خبر آهي ته مانھجو ڇڏاڻ واڙو جيتو آهي

آن او مانھجي مدد ڪرڻ سارون ضرور آسي.

²⁶ جي مانھجي جسم سين ڪل اُتاري ڄاڻي،

توئي پڻ هون ايشور نا جوئيس.

²⁷ هوئي، هون ايشور نا جوئيس،

ڪوئي پيجو نه پڻ هون آپ آڀري انڪيان سين اوئي نا جوئيس،

مانھجو دل اوئي گهڙي سارون تڙپي پيو.

²⁸ جي اوھين ڪهو تا ته، ’آسين اوئي نا ستاسان‘

آن او مڃي جاسي ته سڄي مسئلي رو ذميوار او آپ آهي.

²⁹ تو اوھين ايشور ري سزا سين پيهاجو،

ڪي ته ايشور رو قهر ايتي رو بدلو ليسي

آن اوھين سمجھي ڄاڻو ته انصاف ٿيسي.“

20

صوفرو پيڇي دفعا وات چيت ڪرڻ

¹ پيڇي صوفرو نعماتي وڙتي ڏني ته،

² ”تاهجي واٽيان مٺا پريشان ڪري ڇڏيو آهي،

ايتي ري ڪري هون ايتان واٽيان ري ضرور وڙتي ڏئيس.

³ مين تاهجين واٽين سنڀرين آھين،

جڪي سين مانهجي بي عزتي ٿئي آهي،
 پڻ مانهجي عقل منا ورتي ڏيڻ سارون مجبور ڪري ٿي-
⁴ ڪي تنا پراڻي زماني ري ايئي وات ري خبر ڪو آهي،
 ته جڏهين سين انسان زمين تي آباد ڪريو گيو،
⁵ تڏهين سين لي بري ماڙهوٿان ري جيت عارضي آهي
 آن جڪو ايشور نا ڪوتا مڃين،
 اوٿان ري خوشي توڙهي دير سارون هوئي ٿي-
⁶ پلين اوٿان رو قد آڪاس تائين جائي پڄي
 آن اوٿان رو متو ڪڪران سين جائي ٽڪراجي،
⁷ توئي پڻ او گند ڪچري ري جين هميشه سارون تباھ ٿي جاسين-
 پڄي جڪان اوٿان نا موهر ڏنا تا،
 او ڪهسين ته، 'هٿيا او ڪٽ آهين؟'
⁸ او سڀني ري جين هوسين
 آن پڄي ڏيڪڻ ۾ ڪنهي آئين،
 ماڙهو اوٿان نا رات ري سڀني ري جين پلجي جاسين-
⁹ جڪي پڻ اوئي نا ڏٺو،
 او وڙي اوئي نا ڪڏهي ڪنهي ڏيڪين
 آن اوٿان را گهر واڙا اوٿان نا وڙي ڪنهي ڏيڪين-
¹⁰ جڪو دولت بري ماڙهوٿان پيڙي ڪري هوسي،
 او سڄي اوٿان نا غريبان نا پڄي ڏيئي پڙسي،
 آن اوٿان ري اولاد غريبان سين پنسين-
¹¹ اوٿان رو جسم طاقتور آهي،

توئي پڻ او مٽي ۾ ملي جاسين.
¹² بُري ماڙهو نا بُرائي اين پسند آهي،
 جين ڪهي نا منان پسند آهي.
¹³ او مناس نا اُتي تائين محسوس ڪرتو رهي تو،
 جتي تائين اُوي ري مونھ ۾ رهي تي.
¹⁴ پڻ جڏھين او مونھ سين پيٽ ۾ جائي تي،
 تڏھين ناگ ري زھر ري جين تي جائي تي.
¹⁵ جڪو دولت اُوي بي ايمانِي سين هڙپ ڪري آهي،
 او اُوي نا هضم ڪنهي تي
 آن ايشور او دولت اُوي سين پڇي ليسي.
¹⁶ جڪي نا او مناس سمجھي چُونپي پيو،
 حقيقت ۾ او ناگ رو زھر آهي،
 جڪي سين او مري جاسي.
¹⁷ او اُوان درياھان آن نديان نا ڪنهي ڏيکي سگهي،
 جڪي ۾ ڏڏ آن ماکي وهي تي.
¹⁸ جڪان شيان سارون اُوي سخت محنت ڪري،
 او اُوي نا هضم ڪنهي تي
 آن اُوي نا سڀ ڪُجھ پڇو ڏيڻو پڙسي.
 جڪو دولت اُوي آپري ڪاروبار سين ڪمائي،
 اُوي سين اُوي نا ڪوئي خوشي ڪنهي جڙي.
¹⁹ ڪي ته اُوي غريبان تي گهڻو ظلم ڪريو،
 اُوان رو خيال ڪو ڪريو

آن اُوئي پيجان ري گهران تي زوري قبضو ڪريو.

²⁰ اُوئي نا لالچ ري ڪري ڪڏهي پڻ سُڪ ڪو جُڙيو

آن اُوئي او سڀ ڪُجه ڪريو جڪو اُوئي ري مرضي هتي.

²¹ ايهڙي ڪوئي پڻ شئي ڪو بچي،

جڪو اُوئي هڙپ نه ڪري هونءِ.

اِيئي ري ڪري اُوئي ري خوشحالي قائم ڪنهي رهي.

²² پلين اُوئي ڪنهن مڙهي گهڻي دولت هونءِ،

توئي پڻ اُوئي نا سُڪ ڪنهي جُڙي.

آن سجين آفتان پيڙين آئي اُوئي تي ڪڙڪسين.

²³ جڏهن اُوئي رو پيٽ ڀرجڻ وازو هوسي،

تڏهن ايشور اُوئي تي آڀرو قهر ورساسي،

هونءِ، او ميه ري جين اُوئي تي آڀرو قهر ورساسي.

²⁴ جڏهن او تلوار ري ٻيه سين ڀجسي،

تڏهن پتڙ رو تير اُوئي نا چيري ڇڏسي.

²⁵ جڏهن او تير آڀري پُٺان سين ڪڍسي،

تڏهن تير ري چُونچ اُوئي ري ڪارجي نا چيري ٻاهر نرسري

آن اُوئي تي گهڻين مُصِيبَتان آسين.

²⁶ اُوئي را خزانان تباھ ٿي جاسين

آن ايشور ري جوت اُوٺان نا ٻاڙي پهسم ڪري ڇڏسي،

اُوئي ري تنبو ۾ جڪو ڪينهڪ بچي گيو هوسي،

او جوت سين پهسم ٿي جاسي.

²⁷ آڪاس اُوئي را پاپ ظاهر ڪرسي

آن زمين اُوئي ري خلاف شاهدي ڏيسي.
²⁸ ٻوڏ اُوئي رو گهر لوڙهي ڇڏسي
 آن ايشور رو قهر اُوئي نا برباد ڪري ڇڏسي.
²⁹ بُري ماڙهوٿان رو ايهيچ نتيجو ٿي تو.
 ايشور اي سزا ميراث ري جين اُوٿان سارون مقرر ڪري آهي.“

21

ايوب رو صوفر نا وڙتي ڏيڻ

¹ پڇي ايوب وڙتي ڏني ته،
² ”منا ايئي وات سين تسلي جڙسي،
 جڏهين اوهين مانهجي وات ڌيان سين سنڀڙسو.
³ مهرباني ڪري صبر سين مانهجي وات سنڀڙو،
 جڏهين مانهجي وات پوري ٿي جائي،
 تڏهين اوهين مين تي نٿولين ڪريا.
⁴ هون ڪهي انسان نا دانهن ڪوتو ڌيان،
 ايئي ري ڪري هون صبر ڪي ري ڪري ڪران؟
⁵ منا ڌيان سين جوئو،
 تو اوهين گهڻا حيران ٿي ماڻ ٿي جاسو.
⁶ جڏهين هون سڀ ڪجهه ياد ڪران تو،
 تڏهين ٻيه سين مانهجو جسم ڏڪي جائي تو.
⁷ بُري ماڙهوٿان ري عمر ڪي ري ڪري وڌيڪ هوئي ٿي؟
 او پوڙها ٿيڻ تائين طاقتور ڪي ري ڪري رهين تا؟

⁸ اُوٺان رو اولاد اُوٺان ري آگ ۾ وڌتو رهي تو
 آن اُوٺان ري نسل اُوٺان ري انڪيان ري آگ ۾ طاقتور ٿيڻي جائي ٿي.
⁹ اُوٺان ري گهران ۾ امن آن شانتِي آهي
 آن ايشور رو قهر اُوٺان تي ڪوتو پڙي.
¹⁰ اُوٺان رو ڍگو نسل وڌاڻ ۾ ناڪام ڪوتو ٿي
 آن اُوٺان رين گائين وقت تي ڦڙڏين تين
 آن اُوٺان ري گائين ڪڏهي پڻ ٿرئين ڪوتين.
¹¹ بُري ماڙهوٺان را ٻار خوشي سين ٻاهر نسرين تا
 آن ريڍان آن ٻڪريان ري ڦڙيان ري جين نچين آن ڪڏين تا.
¹² او ماڙهو دڦلي آن ستار وڄائي گيت گائين تا
 آن بانسري ري آواز تي خوش ٿين تا.
¹³ اُوٺان ماڙهوٺان ري زندگي خوشحال رهي ٿي
 آن آخر ۾ او سڪون سين مري جائين تا.
¹⁴ او ايشور نا ڪهين تا ته،
 ’آسان سين هليو جا
 ڪي ته آسان نا تاهجي اڳواڻي ري ضرورت ڪو آهي.
¹⁵ قدرت وازو ايشور ڪوڻ آهي،
 جڪي ري آسپن پگتي ڪران؟
 آن اوئي سين دُعا منگڻ سين آسان نا ڪيهڙو فائدو ٿيسي؟‘
¹⁶ او سمجهين تا ته خوشحالي اُوٺان ري هٿ ۾ آهي،
 پڻ هون اي وات ڪوتو مڃان.
¹⁷ ڪي بُري ماڙهوٺان ري زندگي ڪڏهي ختم ٿي ٿي؟

يا اُٺان تي ڪڏهي مُصِيبَت آئي ٿي؟
ڪي ايشور ڪاوڙ ۾ آئي ڪڏهي اُٺان نا سزا ڏي تو؟
¹⁸ ڪي هَوا اُٺان نا بوھ ري جين
آن وائوڙ اُٺان نا ڪڪ ري جين اُڏائي لي جائِي ٿي؟ ڪڏهي پڻ نه.
¹⁹ اوهانجو خيال آهي ته ايشور اُٺان ري پاپان ري سزا،
اُٺان ري اولاد نا ڏيسي،
پڻ هُون ڪهان تو ته اُٺان ري پاپان ري سزا اُٺان نا جُڙڻ ڪپي،
ته جين اُٺان ئيج نا بُرائي ري نتيجي ري خبر پڙي.
²⁰ قُدرت واري ايشور رو قهر اُٺان تي پڙڪي
آن او آپري تباهي آپري اُنڪيان سين ڏيڪين.
²¹ ڪي ته جڏهين او مري جاسين،
تو اُٺان نا ڪين خبر پڙسي ته اُٺان ري اولاد سين ڪي ٿيو؟
²² ڪُون ايشور نا ڏاهپ رين واتين سڪائي؟
ڪي ته ايشور آڪاسي مخلوق رو پڻ انصاف ڪري تو.
²³ هيڪ ماڙهو آپري پوري زندگي طاقت، امن
آن شانتِي سين گذاري مري جائِي تو.
²⁴ اوئي ري جسم ۾ همت آن هڏين مضبوط هوئين تين
²⁵ آن هيڪ ماڙهو بيماري ري حالت ۾ مري جائِي تو
آن اوئي نا ڪڏهي سُڪ ڪوتو جڙي.
²⁶ پڻ مرڻ سين پڇي او ٻئي مٽي ۾ ملي جائين تا
آن ڪيڙا ماکوڙا اُٺان نا ڪائي جائين تا.
²⁷ جوئو، هُون اوهانجي خيالان نا سمجھان تو

آن اُٺان رٿان ري پڻ خبر آهي،
 جڪو اوهان مانهجي خلاف ٺاهين آهين-
²⁸ اوهين ڪهو تا ته، ’هي امير رو گهر ڪٿ گيو
 آن او تنبو ڪٿ گيو جڪي ۾ بُرا ماڙهو رهتا؟‘
²⁹ اوهان ڪڏهي مسافران سين پڇو،
 تو او اوهان نا سنڀراسي ته،
³⁰ ’قهر ري ڏينهن بُري ماڙهو نا چڏيو جائِي تو
 آن مُصِيبَت ري وقت اُوئي رو ڪوئي نقصان ڪوتو ٿي-‘
³¹ ڪوئي اُوئي ري مُونه تي اُوئي نا ڏوهاري ڪوتو ڪهي
 آن اُوئي ري غلط ڪم ري سزا ڪوتو ڏي-
³² توئي پڻ اُوئي نا قبر ۾ ٻُوريو جائِي تو
 آن اُوئي قبر ري سنڀال ڪري جائِي تي-
³³ اُوئي ري لاش تي مڙهي گهڻا ماڙهو آئين تا
 آن اُوئي نا قبر ري نرم مٽي سين ٻُوريو جائِي تو-
³⁴ اوهين مِنا آجايان واتيان سين تسلي نه ڏيو،
 مِنا اوهانجي واتيان ۾ ڪوئي سچائي نظر ڪوتي آئي-“

22

ايفزرو تريجي دفعا وات چيت ڪرڻ

¹ پڇي ايفز تيماني وڙتي ڏني ته،
² ”ڪي ڪوئي انسان ايشور نا فائدو ڏي سگهي تو؟
 جي ڪوئي عقلمند پڻ آهي ته اُوئي سين رڳو اُوئي آپ نا فائدو آهي-

³ جي تُون نيڪ آهين آن آڀري پوري زندگي سڃاڻي سين گذاري آهي
تو ايئي سين قدرت واري ايشور نا ڪيهڙو فائدو؟

⁴ ڪي تنا ايئي ري ڪري سزا جڙي آهي
ته تُون ايشور سين وفادار آهين،

⁵ ڪڏهي پڻ نه، تين ضرور مڙهي گهڻا بُرا ڪم ڪريا آهين
يا ڪوئي وڏو پاپ ڪريو آهي.

⁶ جڏهين تين آڀري پاڻي نا قرض ڏنو،

تڏهين تين اوئي ري گروي رکيل شين تي قبضو ڪري ڇڏيو
آن اوئي را پهريل ڳيا پڻ ڦڙي ليا.

⁷ تين ترسي نا پاڻي ڪو پياڙيو

آن ڪهي بُڪي نا روئي ڪو ڪارائي.

⁸ تين آڀري طاقت سين زمين تي قبضو ڪري ڇڏيو

آن هيڪ عزت واري ماڙهو ري جين اُت آباد رهيو.

⁹ تين رنڏول ڏوسيان ري مدد ڪو ڪري

آن يتيمان تي مڙهي گهڻو ظلم ڪريو.

¹⁰ ايئي ري ڪري تاهجي چاري پاسي مُصِيبَت ئي مُصِيبَت آهي

آن تُون اوچتو پهاجي جائين تو.

¹¹ هوئي، ايئي ري ڪري ته تين تي اِتو اَنڌارو ٿي ڳيو آهي

جڪو تُون ڏيکي ڪوتو سگهين.

تُون ٻوڏ ري پاڻي ۾ ٻڏي ڳيو آهين.

¹² جوئو، ايشور جڪو تاران سين پڻ اُونچو آهي،

او آڪاس ري هر شئي تي نظر رکي تو.

¹³ پڇي تون ڪي ري ڪري ڪهين تو ته، 'ايشور نا ڪئين خبر ڪو آهي

آن او ڪاڙي ڪڪران سين انصاف ڪين ڪري سگهي تو؟

¹⁴ او تو گهاٽان ڪڪران ۾ لڪيل رهي تو،

ايئي ري ڪري جڏهين او آڪاس ري مٿي هلي تو

تڏهين اوئي نا ڪئين پڻ ڏيڪڻ ۾ ڪوتو آئي،

¹⁵ ڪي تون اوئي پراڻي مارگ تي هلتيو رهيس،

جڪي تي برا ماڙهو هلتيو؟

¹⁶ او ماڙهو آڀري وقت سين موهر ماريو گيا،

جيھڙي نموني ٻوڏ گهران ري بنيادان نا لوڙهي جائي تي.

¹⁷ او ماڙهو ايشور نا ڪهتا ته، 'اسان سين هليو جا.

آن اي پڻ ڪهتا ته، 'قدرت وازو ايشور اسانجو ڪي ڪري سگهي تو؟'

¹⁸ توئي پڻ ايشور اوٿان ري گهران نا سنيان سنيان شنيان سين پري ڇڏي تو،

پڻ هون بران ماڙهوٿان ري رٿان سين اڙگو رهان تو.

¹⁹ بري ماڙهوٿان ري تباهي ڏيڪي

نيڪ ماڙهو خوش ٿين تا

آن بي ڏوهي اوٿان تي نٿولين ڪري ڪهين تا ته،

²⁰ 'جوئو، اسانجا دشمن ختم ٿي گيا آهين

آن اوٿان ري ملڪت نا جوت پاڙي پھسم ڪري ڇڏي آهي.

²¹ اي ايوب، تون ايشور ري چرٿان ۾ آ

آن اوئي سين صلح ڪر،

تو تون خوشحال ٿي جائيس.

²² هون تنامنت ڪران تو ته تون ايشور ري حڪمان تي هل

آن اُوئي رين واتين آپري دل ۾ رک۔
23 جي تون قدرت واري ايشور ڪنهن پڇو آئين
آن بُرائي نا آپري گهر سين ڪڍي ڇڏين،
تڏهين او تڻا وڙي خوشحال ڪري۔
24 جي تون آپرو خزانو مٽي ۾
آن اوفير علائقي ري سون نا
ندي ري پٿران ۾ اڇلائي ڇڏين،
25 تو قدرت وڙو ايشور تين سارون
سون آن چاندي رو خزانو هوسي۔
26 تڏهين تون قدرت واري ايشور ۾ خوش رهيس
آن تون ڪڏهي پڻ ايشور ري آگ ۾ ڦڪو ڪنهي ٿين۔
27 پڇي جڏهين تون ايشور سين دُعا ڪريس،
تڏهين او تاهجي سنڀڙسي
آن تاهجين اڇنائين پورين ڪري۔
28 جڪي وات رو تون ارادو ڪريس،
تو اُوئي ۾ تون ڪامياب ٿيس
آن تاهجي مارگان ۾ هميشه روشني هوسي۔
29 جڪو ماڙهو هينا ڪيرايو آهين،
جي تون اوتان سارون دُعا ڪريس،
تو ايشور اوتان نا بچاسي۔
30 ايشور بي ڏوهي ماڙهو تان نا معاف ڪري،
ايئي ري ڪري جي تاهجا هٿ پويتر آهين

تو او ٽنا پڻ معاف ڪرسي.“

23

ايوب ري وڙي وات چيت

¹ پڇي ايوب ڪهيو ته،

² ”مانهجي آڄ پڻ ايشور نا گهڻي دانهن آهي،

ڪي ته اي سزا مانهجي برداشت سين ٻاهر آهي.

³ جي، منا خبر هونت ته ايشور ڪٿ جڙي سگهي تو،

ته جين هون اوئي ري تخت تائين پڇي سگهان.

⁴ تڏهين هون آڀرو ڪيس اوئي ري اڱ ۾ پيش ڪرنت

آن آڀري صفائي ۾ گهڻو ڪجهه ٻولي سگهنت.

⁵ جڏهين او وڙتي ڏينت تو منا اوئي ري واتان ري خبر پڙي جانت

آن جڪو ڪينهڪ او ڪهانت، هون سمجهي لينت.

⁶ ڪي قدرت وازو ايشور مين سين وڙهنت؟

بلڪل نه، پڻ او مانهجي وات ڏيان سين سنڀرنت.

⁷ پڇي هون ايشور سين بحث ڪرنت ته هون سچو آهان،

تڏهين ايشور انصاف ڪرنت آن هون هميشه سارون بي گناه ثابت هونت.

⁸ جوئو، جي هون اڳوڻي پاسي جائون تو ايشور اُت ڪوتو هوئي

آن جي آنتوئي پاسي جائون تو اُت پڻ ڪوتو جڙي.

⁹ جي هون اوئي نا اتر واري پاسي جوئان تو او ڏيڪڻ ۾ ڪوتو آئي

آن جي ڏڪڻ واري پاسي جائون تو او اُت پڻ نظر ڪوتو آئي.

¹⁰ پڻ ايشور نا مانهجي مارگ ري خبر آهي

آن جڏهين او مانهجي جانچ ڪري،
 تڏهين او مٺاڻج سون ري جين ڏيکسي-
¹¹ هُون اُوئي ري سنڀال مارگ تي هلتن رهيو،
 هُون نه سُبتي پاسي مڙيو نه اُبتي پاسي پڻ سڌو هلتن رهيو-
¹² هُون ايشور ري حڪمان تي هلتن رهيو
 آن اُوئي ري واتيان نا آڀري کاڌي سين پڻ وڌيڪ سنڀالي رڪين-
¹³ ايشور ري رٿان نا ڪوڻ بدلائي سگهي تو؟
 جڪو ڪينهڪ اُوئي ري مرضي آهي او ڪري تو-
¹⁴ ڪي ته جڪو ڪينهڪ اُوئي مين سارون مقرر ڪريو آهي،
 اُوئي نا او ضرور پورو ڪري،
 ايهڙين پيچين پڻ رٿان اُوئي ري هت ۾ آهين-
¹⁵ ايتي ري ڪري هُون اُوئي ري آگ ۾ گهبرائي جائون تو
 آن جڏهين هُون ايتان واتيان ري باري ۾ سوچان تو پيهاجي جائون تو-
¹⁶ قدرت واري ايشور مانهجو حوصلو ختم ڪري ڇڏيو آهي
 آن اُوئي مٺا پيهاري ڇڏيو آهي-
¹⁷ ايشور مانهجي زندگي ۾ گهور اندارو ڪري ڇڏيو آهي،
 پڻ هُون ماڻ ڪري ڪو ٻيو-“

24

ايوب ري وات چيت

¹ پڇي ايوب ڪهيو ته،
 ”قدرت وارو ايشور عدالت رو وقت مقرر ڪي ري ڪري ڪوتو ڪري؟“

ايشور را ماڙهو بُران ماڙهوئان رو نتيجو ڪڏهين ڏيکسين؟
² بُرا ماڙهو زمين ري حد نا وڌائي ڇڏين تا
 آن پيجان ري ڌڻان را ولر ڦڙي آڀري ڌڻان ري ولر پيڙا ڪرين تا.
³ او يتيمان را گڏهي هڪلي جائين تا
 آن رنڌول ڏوسيان را ڍگا پڻ گروي رکين تا.
⁴ او غريبان رو حق مارين تا
 آن اوئان نا لڪڻ تي مجبور ڪرين تا.
⁵ جوئو، غريب بيابان ۾ جهنگلي گڏهي ري جين ڪم ڪرين تا
 آن سخت محنت ڪري روزي روڻي جوئين تا،
 ڪي ته او بيابان سين آڀري ٻازان سارون روزي روڻي هٿ ڪرين تا.
⁶ او پيجان ري پٺيان ۾ فصل پيڙو ڪرين تا
 آن بُري ماڙهوئان ري انگوران ري باغ سين
 بچيل انگور توڙين تا.
⁷ او سڄي رات گيان سوا پيا رهين تا
 آن سيٺاڙي ۾ اوئان ڪنهن اوڍڻ سارون ڪئين ڪوتو هوئي.
⁸ او جبلان تي ورسڻ واري ميه سين پنتا رهين تا
 آن پناه ليڻ سارون پٿران ري پُنيا لڪي جائين تا.
⁹ بُرا ماڙهو يتيم ٻازان نا ما ري جهوڙي سين ڦڙي لين تا
 آن اوئان نا گروي رکي قرض ڏين تا.
¹⁰ غريب گيان سوا ڦرتا رهين تا
 آن بُڪيا رهي پڻ گڏا ڪٽتا رهين تا.
¹¹ بُران ماڙهوئان سارون غريب ماڙهو زيتونان سين تيل ڪڍين تا

آن اَنگُوران نا پگان سين لتاڙي رس ڪڍين تا،

پڻ آپ ترسيا رهين تا.

¹² شهر ري ماڙهوٿان رين آهين سنيڙ ۾ آئين تين

آن زخمي ماڙهو مدد ساڙون پڪارين تا،

پڻ ايشور اُٿان تي ڌيان ڪوتو ڏي.

¹³ بُرا ماڙهو روشني ري خلاف آهين،

او اُٿي نا ڪوتا اوڙڪين

آن نڪو اُٿي ۾ اُٿان ري هلڻ ري مرضي آهي.

¹⁴ خوني ماڙهو ساڪڙو ويهلو اُٿي تو،

ته جين موٽاج آن غريب نا ماري

آن رات رو چور ري جين هوئي تو.

¹⁵ زناڪار رات ري اُٽاري رو انتظار ڪري تو

آن نسرڻ ري وقت مُونه نا ڍڪي ڇڏي تو،

ته جين ڪوئي اُٿي نا جوئي نه سگهي.

¹⁶ او رات ري اُٽاري ۾ گهران ۾ کات هڻين تا،

آن ڏينهن ري وقت لڪيل رهين تا،

ايئي ري ڪري اُٿان نا روشني ري باري ۾ خبر ڪو آهي.

¹⁷ گهور اُٽارو اُٿان ساڙون ڏينهن ري روشني ري جين آهي،

ڪي ته اُٽاري ري خوف سين اُٿان ري دوستي آهي.

صُوفر رو آپري وات ڪرتو رهڻ

¹⁸ ”بُرا ماڙهو پاڻي ري گوگان ري جين هوئين تا،

اُوٿان ري حصي ري زمين تي لعنت آهي،
 ايئي ري ڪري مڙور اُوٿان ري انگوران ري باغ سمهان ڪوتا جائين.
¹⁹ جين ڪاڙهي آن سخت گرمي سين برف ختم ٿي جائي ٿي،
 ايهڙي نموني پاتاڙ پڻ پاپيان نا ختم ڪري ڇڏي تو.
²⁰ ڪيڙا ماکوڙا اُوٿان نا ڪائي جاسين
 آن ڪوئي پڻ اُوٿان نا ياد ڪنهي ڪرين،
 اتي قدر ته اُوٿان ري ما پڻ اُوٿان نا وساري ڇڏسي،
 ايهڙي نموني بُرائي نا وڻ ري جين وڏيو جاسي.
²¹ بُرا ماڙهو وانجهياڻيان ڏوسيان تي ظلم ڪرين تا
 آن رندولان سين پڻ سڻو سلوڪ ڪوتا ڪرين.
²² قدرت واڙو ايشور طاقت واڙان نا برباد ڪري ڇڏي تو
 آن جڏهين ايشور اُوٿان ري خلاف ٿي جائي تو،
 تو اُوٿان ري جيتي رهڻ ري اُميد ختم ٿي جائي ٿي.
²³ ايشور اُوٿان نا آرام ڏي تو
 آن سمجهين تا ته اُوٿان نا ڪوئي خطرو ڪو آهي
 توئي پڻ ايشور اُوٿان نا جوتو رهي تو.
²⁴ اُوٿان نا ٿوڙهي دير سارون عزت تو جڙي ٿي،
 توئي پڻ او پيجان ري جين برباد ٿي جائين تا
 آن اُوٿان نا فصل ري جين لڻيو جائي تو.
²⁵ جي اين ڪو آهي،
 تو ڪوئي اي ثابت ڪري ته مانجهين واتين ڪوڙين آهين.“

بلدد رو تريجي دفعا وات چيت ڪرڻ

- ¹ پڇي بلدد سُوخي ڪهيو ته،
- ² ”ايشور سجان سين طاقتور آهي،
آسان نا رُگو اُوئي سين پهاجن ڪپي
ڪي ته اوهيج آڪاس تي امن قائم رکي تو۔
- ³ ڪي ڪوئي ايشور ري فوج نا گئي سگهي تو؟
يا ڪوڻ آهي جڪي تي اُوئي ري روشني ڪوتي پڙي؟
- ⁴ تو پڇي انسان ڪين ايشور ري اگ ۾ نيڪ ٿي سگهي تو؟
جڪو ڏوسي سين پيدا ٿيو آهي او ڪين پويتر ٿي سگهي تو؟
- ⁵ جوئو، ايشور ري نظر ۾ چندر ري روشني ڪئين پڻ ڪو آهي
آن تارا اُوئي ري نظر ۾ پويتر ڪو آهين۔
- ⁶ تو پڇي انسان ڪيهڙي شئي آهي؟
جڪي ري حيثيت رُگو ڪيڙي ماکوڙي جتي آهي۔“

ايوب رو بلدد نا وڙتي ڏيڻ

- ¹ پڇي ايوب ڪهيو ته،
- ² ”واھ، تين هيڪ لاچار ماڙهو ري سُني مدد ڪري
آن مين ڪمزور نا سُنو سهارو ڏنو۔
- ³ تين مين بي سمجھ نا ڪيهڙي سُني صلاح ڏني

آن آڀري ڏاهپ رين واتين مٺا سٺڙائين.

⁴ تٺا ايهڙين واتين ڪرڻ سارون ڪي ڀريو

آن ڪي تٺا ٻولڻ سارون ايهڙي سمجھ ڏني؟“

بلده ري ائوب سين وات چيت

⁵ ”پاتار ۾ موٽڙان رين آتمائين خوف سين ڏڪتين رهين تين.

⁶ ايشور نرگ آن پاتار ري تر نا صاف ڏيکي تو.

⁷ ايشور آڪاس نا چاري پاسي پڪيڙي چڙيو آهي

آن زمين نا بنا سھاري خالي جگھا تي رکي.

⁸ اوئي آڀري ڪڪران نا پاڻي سين ڀري چڙيا،

پڻ او پاڻي ري پار سين ڦاٽي ڪوتا.

⁹ او سجي چندر نا ڍڪي تو

آن اوئي نا ڪڪران پٺيا لڪائي چڙي تو.

¹⁰ اوئي پاڻي ري حد مقرر ڪري

آن روشني نا اٺڌاري سين ڌار ڪري.

¹¹ ايشور ري ڌڙڪي سين

آڪاس را ٿنڀا پڻ ٻيھ سين ڏڪڻ لگين تا.

¹² ايشور آڀري ڦڌرت سين سمنڊر نا پيچاڙي چڙي تو.

او آڀري ڏاهپ سين سمنڊري حيوان رھب را ٽڪرا ٽڪرا ڪري چڙي تو.

¹³ ايشور آڀري ڦونڪ سين آڪاس نا سينگارو

آن آڀري هٿ سين خطرناڪ ناگ نا چچري چڙيو.

¹⁴ جوئو، اي ايشور ري عجيب ڪمان رو هيڪ نمونو آهي،

اَسِين رُگو اُوئي رو ڌيمو آواز سنيڙان تا،
پڻ اُوئي ري گجگوڙ ڪرڻ واڙي آواز ري ڦڌرت نا ڪوڻ سمجهي سگهي تو؟“

27

ايوب ري وات چيت

- ¹ ايوب وڙي ڪهيو ته،
- ² ”جڪي مين سين نا انصافي ڪري آن ڏک ڏنو،
اُوئي جيتي آن ڦڌرت واڙي ايشور رو قسم،
- ³ جتي تائين هون جيتو آهان
آن مين ۾ ساس آهي،
- ⁴ اتي تائين هون ڪڏهي ڪوڙ ڪنهي ٻولان
آن نڪو ئي مانجهي مونھ سين ڪوئي نڳي واڙي وات نسري.
- ⁵ هون آوهانجين واتين ڪڏهي ڪنهي ميان
آن مرڻ گهڙي تائين سچائي تي قائم رهيس.
- ⁶ هون آپري سچائي تي پڪو آهان آن هميشه رهيس،
جتي تائين هون جيتو آهان،
- مانهجو ضمير مين تي الزام ڪنهي لگائي.
- ⁷ ايشور ڪري، مانجهي دشمنان سين اوھيج سلوڪ ٿي،
جڪو بران ماڙهوٿان سين ٿيسي
- آن جڪو مانجهي خلاف آھين اوٿان رو پڻ انجام ايهڙو ئي ٿي.
- ⁸ اُوئي وقت ايشور نا نه مڃڻ واڙان ري ڪيهڙي اُميد هوسي،
جڏھين ايشور اوٿان نا ماري ڇڏسي؟

⁹ جڏهين اُٿان تي مُصِيبَت آسي،
 تو ڪي ايشور اُٿان ري پُڪار سنڀڙسي؟
¹⁰ ڪي او قُدرت واري ايشور سين خوش رهسين
 آن هر وقت اُٿي نا پُڪارسين؟
¹¹ هي هُون اوهان نا سنڀڙائيس ته،
 قُدرت واري ايشور ري طاقت ڪي آهي؟
 آن اُٿي ري ڪوئي پڻ وات اوهان سين ڪنهي لڪائون-
¹² جوئو، اوهان آپ سڀ ڪُجه ڏيکي ڇڏيو آهي،
 تو پڇي آجائين واتين ڪي ري ڪري ڪرو تا؟“

صُوفر رو تريجي دفعا وات چيت ڪرڻ

¹³ ”جوئو، بُري ماڙهوٿان رو نتيجو ڪيهڙو ٿيسي؟
 ظُلميان نا قُدرت واري ايشور سين ڪيهڙي ميراث جُڙسي؟
¹⁴ پلين اُٿان نا مڙهي گهڻو اولاد هوسي،
 پڻ او سجا تلوار سين ماري جاسين
 آن اُٿان ري اولاد بُڪ سين مڙسي-
¹⁵ جڪو بچي جاسين او خطرناڪ بيماريان سين مري جاسين،
 پڻ اُٿان رين رندولان اُٿان تي ماتم ڪنهي ڪرين-
¹⁶ پلين او چاندي را ڍُگ ڪري ڇڏين
 آن اُٿان ڪنهن مڙهي گهڻا ڳيا هوئين،
¹⁷ پڻ اُٿان ري چاندي بي گناه ماڙهو وڙهائي ليسان
 آن اُٿان را ڳيا نيڪ ماڙهو پيهري ليسان-“

¹⁸ بُران ماڙهوٿان رو گهر گيلڙ ري جاري ري جين ڪمزور هوئي تو،
جين چوڪيدار ري جهونپڙي هوئي تي-
¹⁹ او شاهوڪار ماڙهو ري جين سوئي رهين تا،
پڻ جڏهين انڪ کلي تي تو اُٿان ڪنهن ڪئين ڪوتو رهي-
²⁰ اُٿان تي ٻوڏ ري جين خوفناڪ مُصِيبَتان آسين
آن رات ري وقت وائوڙ اُٿان نا ڪڪ ري جين اُڏائي لي جاسي-
²¹ اُگوئي پاسي ري وائوڙ اُٿان نا اُڏائي لي جاسي
آن اُٿان نا آپري جگها سين ڪٿي اڙگا ناڪي ڇڏسي-
²² او اُئي بي رحم وائوڙ سين بچي پڄڻ ري ڪوشيش ڪرين،
پڻ او اُٿان رو پيڇو ڪنهي ڇڏي-
²³ او وائوڙ اُٿان نا اين ڪڍسي،
جين ماڙهو ڪهي ري بي عزتي ڪري گهر سين ڪڍي ڇڏين تا-“

28

ڏاهپ آن سمجھ رو پيد

¹ پلين، چاندي ري ڪاٿان هوئين تين
آن هيڪ خاص جگها تي سون نا گاڙي صاف ڪريو جائي تو-
² لوه زمين سين ڪوتري ڪڍيو جائي تو
آن تامو پٿران سين ڪڍيو جائي تو-
³ انسان اُنداري ۾ لنگهي
زمين رين اُونڌين اُونڌين جگهايان تي،
ايٿان شين نا جوئين تا-

⁴ انسان آبادي سين اڙگو سُرنگه ڪوترين تا
آن جڏهين او سُرنگهان ۾ رنڊوڙيان ري وسيلي جائي ڪم ڪرين تا،
تو آڻ جاڻ واڙان نا اوڻان ري ڪوئي خبر ڪوتي هوئي.
⁵ زمين تي فصل ٿين تا،

پڻ زمين رو مهينلو حصو اين بدلي تو،
جين اوئي ۾ جوت لڳي هوئي.
⁶ زمين ري هينا نيلم پتر آهين
آن اُت سون را ٽڪرا پڻ آهين.

⁷ ايئن سُرنگهان ري باري ۾ ڪهي شڪاري پڪي نا خبر ڪو آهي
آن نڪو ڪوئي باز اوئي نا ڏيکي سگهي تو.

⁸ ايئن ري باري ۾ ڪهي جهنگلي جناور نا پڻ خبر ڪو آهي
آن نڪو ئي ڪوئي ببر شينهن ايئن ۾ پگ رکي سگهي تو.

⁹ انسان سخت پٿران نا پڻ توڙي ڇڏي تو
آن جبلان ري بُنيادان نا هلائي ڇڏي تو.

¹⁰ انسان جبلان ۾ سُرنگه ڪوتري
اوئي ۾ لڪيل قيمتي شين جوئي لي تو.

¹¹ انسان واهتل نديان نا بند ڪري
اوڻان ۾ لڪيل شين نا ظاهر ڪري تو.

¹² پڻ ڏاهپ ڪيها سين آئي تي

آن سمجه ڪت جڙي تي؟

¹³ انسان نا ايئي ري قدر ري خبر ڪو آهي

آن اي ايئي دنيا ۾ ڪوتي جڙي.

¹⁴ سَمُنڊر ڪهي تو ته، ”ڏاهپ مين ڪنهن ڪو آهي“
 آن اُونڌو پاڻي پڻ ڪهي تو ته، ”اي مين ڪنهن پڻ ڪو آهي.“
¹⁵ ڏاهپ نا نج سون
 آن چانڊي سين لي ڪوتا سگهان.
¹⁶ ڏاهپ نا اوفير علائقي ري سون،
 قيمتي سلیماني پٿر آن نيلم پٿر سين پڻ لي ڪوتا سگهان.
¹⁷ سون آن قيمتي شيشو ڏاهپ ري برابر ڪوتو ٿي سگهي
 آن نڪو اي نج سون ري ٽولان سين لي سگهان تا.
¹⁸ قيمتي پٿر آن چمڪڻ واڙا پٿر پڻ،
 ڏاهپ ري مُقابلي ۾ ڪئين پڻ ڪو آهي.
 ڏاهپ ري قدر قيمتي موتيان سين پڻ گهڻي آهي.
¹⁹ اُتوپيا مُلڪ رو پُڪراج پٿر ڏاهپ ري برابر ڪو آهي
 آن ڏاهپ ري قدر نج سون سين پڻ وڌيڪ آهي.
²⁰ پڇي ڏاهپ ڪيها سين آئي تي
 آن سمجھ ڪت جڙي تي؟
²¹ ڏاهپ سجان ساس واڙان سين لڪيل رهي تي
 آن پڪي پڻ اوئي نا ڏيڪي ڪوتا سگهين.
²² پاتاڙ آن موت اوئي ري باري ۾ ڪهين تا ته،
 ”اسان رڱو ڏاهپ ري مشهوري سنڀري آهي.“
²³ پڻ رڱو ايشور نا ڏاهپ ري رستي ري خبر آهي
 آن اوئي نا خبر آهي ته ڏاهپ ڪت جڙي تي.
²⁴ ڪي ته ايشور سجي زمين

آن آكاس ري هينا سڄيان شٽيان نا ڏيکي تو.
²⁵ ايشور هوا رو وزن مقرر ڪريو
 آن ڪڪران ري پاڻي ري ماپ مقرر ڪري.
²⁶ ايشور ميه سارون قانون ٺاهيو
 آن ڪڪران ۾ چمڪڻ واري ڪيڻ سارون رستو ٺاهيو.
²⁷ اوئي وقت ايشور ڏاهپ نا ڏني
 آن اوئي ري جانچ پڙتال ڪري اوئي نا قائم ڪري.
²⁸ پڇي پرميشور انسان نا ڪهيو ته،
 ”جوئو، مان هجو پيه رڪڻ ڏاهپ آهي
 آن بچڙائي سين ازگو رهڻ سمجه آهي.“

29

ايوب رو آپري سٺي وقت نا ياد ڪرڻ

- ¹ ايوب ڪهيو ته،
- ² ”ڪٿو سٺو هونت ته مان هجي زندگي ايهڙي هونت،
 جي هڙي موهر هتي،
 جڏهين ايشور مان هجي سنڀال ڪرتو.“
- ³ جڏهين ايشور رو تجلو مين تي چمڪتو،
 تڏهين هون اوئي تجلي ري مدد سين اٽاري سين مٿي جاتو.
- ⁴ جڏهين هون خوشحال هتو،
 تڏهين ايشور مان هجي گهر ري سنڀال ڪرتو.
- ⁵ جڏهين قدرت واڙو ايشور مين پيڙو هتو،

تڏهين مانھجا پاڙ مانھجي چاري پاسي ھتا۔

⁶ جڏھين مين ڪنھين سڀ ڪُجھ ھتو،

تڏھين مين ڪنھين ڏڏ آن تيل رين ندين وھتين۔

⁷ ھون جڏھين پڻ شھر ري دروازي ڪنھين

چوڪ تي ماڙھوئان را فيصلا ڪرڻ سارون ڪُسي تي بيسٽو،

⁸ تڏھين جوئاڻ مڻا ڏيکي مارگ ڇڏي ڏيٿا

آن پوڙھا ماڙھو مانھجي عزت ڪرڻ سارون اُئي پيچتا۔

⁹ سردار مڻا ڏيکي ماڻ ٿي جاتا

آن آپري مُونھ تي ھٿ رکي ڇڏتا۔

¹⁰ اڳواڻ بلڪل ماڻ ٿي جاتا

جين اوئان ري زبان تاروي سين چونھتي ڪئي ھوئي۔

¹¹ جڪو پڻ مانھجين واتين سنڀرتو،

او مڻا برڪت واڙو ڪھاتو

آن جڪي مڻا ڏنو،

اوئي مانھجي واکاڻ ڪري۔

¹² ڪي تہ جڏھين ڪوئي غريب

آن بي سھارو يتيم آئي فرياد ڪرتو،

تو ھون اوئي ري مدد ڪرتو۔

¹³ جڏھين ھون رنڌول ڏوسيان آن ڏک ري ماريل ماڙھوئان ري مدد ڪرتو،

تڏھين اوئان را ڍل خوشي سين پرڄي جاتا

آن او مڻا برڪت ري دُعا ڏيٿا۔

¹⁴ ھون سچائي آن انصاف سين فيصلا ڪرتو۔

میں انصاف نا چوغي آن پوتیئي ري جين پيهري ليو تو۔

¹⁵ هُون اَنڌان سارُون اَنکين

آن لُولهان سارُون پگ هتو۔

¹⁶ هُون غريبان سارُون ٻاپ ري جين هتو

آن جڏهين هُون ڌاريان ماڙهُونان رو فيصلو ڪرتو،

تڏهين موهر سُنِي نموني جانچ پڙتال ڪرتو،

تہ جين اُوڻان سين نا انصافي نہ ٿي۔

¹⁷ هُون ظالم را ڏنت پڇي

اُوئي ري مُونھ سين مظلوم نا ڇڏاتو۔

¹⁸ اُوئي وقت هُون اي سوچتو تہ،

مانهجي عُمر مڙهي وڌي هوسي

آن هُون آپري گهر ۾ سُڪ شانتِي سين مريس۔

¹⁹ هُون ايهڙي وڻ ري جين اهان،

جڪي رين پاڙهان پاڻي تائين پڪڙيل هوئي تين

آن سڄي رات اُوئي ري ٿاڙيان تي ماڪ پڙي ٿي۔

²⁰ مانهجي عزت هميشه ٿيئي رهسي

آن مانهجي طاقت ڪڏهي پڻ ختم ڪنهي ٿي۔

²¹ ماڙهو مانهجين واتين سنڀڙڻ سارُون انتظار ڪرتا

آن ماڻ ٿي مانهجا مشورا سنڀڙتا۔

²² او مانهجي واتيان تي پروسو ڪرتا

آن مانهجين واتين اُوڻان نا هلڪي ميه ري جين سُنين لگتين۔

²³ ماڙهو مانهجو اين انتظار ڪرتا،

جين هاري ميه رو انتظار ڪري تو۔
 ماڙهو مانهجي واتيان سارون اين سکتا،
 جين سڪي زمين ميه ري پاڻي سارون سڪي ٿي۔
²⁴ جڏهين او پريشان ٿيئا،
 تڏهين مانهجو هستو مونه اوتان نا حوصلو ڏيتو۔
²⁵ هون سردار ري جين اوتان ري اگواڻي ڪرتو۔
 هون فوج ري وچ ۾ بادشاه ري جين هتو
 آن ڏڪان ري مارييل ماڙهوٿان نا تسلي ڏيتو۔“

30

ايوب رو آڀرا ڏک سنڀاڻ

¹ پڇي ايوب ڪهيو ته،
 ”هي او ماڙهو پڻ مين تي ٺٺولين ڪرين تا،
 جڪو مين سين عمر ۾ ننڍا آهن۔
 هون تو اوتان ري پاپ ڏاڏان نا
 مانهجي رڍان پڪريان ري ولر ري سنڀال ڪرڻ واري ڪٿي ري برابر پڻ ڪو سمجهتو۔
² اوتان سين منا ڪوئي فائدو ڪو ٿيو،
 ڪي ته اوتان ري طاقت ختم ٿي گئي ٿي۔
³ او بڪ آن ڏڪار ري ڪري ڪمزور ٿي گيا تا۔
 او رات رو جهنگ آن ويران جگها تي
 سڪل پاڙهان ڪاڻ سارون جوتا رهتا۔
⁴ او لوڻڪ آن ٻوتان را پن توڙي کاتا

آن وٿان رين پاڙهان اُوٿان رو کاڌو هتو.
⁵ ماڙهوٿان اُوٿان نا آپري ٿولي سين ڪڍي ڇڏيا تا
آن اُوٿان نا چور چور ڪهي پڄائي ڇڏتا.
⁶ او سُڪل نديان، جبلان ري غاران
آن زمين ري سُرنگهان ۾ رهتا.
⁷ او وٿان ري وچ ۾ بک سين رڙين ڪرتا
آن ڪنٿان واري وٿان هينا پيڙا پيا رهتا.
⁸ او بيوقوف هتا جکان نا ڪوئي ڪوتو اوڙڪي
آن جکان نا ماڙهوٿان ڪُٽي ڪُٽي
مُڪ سين ڪڍي ڇڏيا تا.
⁹ پڻ هي اُوٿان ري اولاد مين تي نٿولين ڪري تي
آن او مانهجي بُري حالت ڏيکي مثال ڏين تا.
¹⁰ هي او مين سين نفرت ڪرين تا
آن اڙگا پيچي مين تي ٿڪين تا.
¹¹ ايشور مين تي آقت ميلهي مانهجي ڪمان توڙي ڇڏي آهي
آن مِنا ڪمزور ڪري ڇڏيو آهي،
هي ماڙهوٿان ري جڪو مرضي آهي او مين سين ڪري سگهين تا.
¹² مانهجي سُبتي پاسي سين ماڙهو مين تي حملو ڪري
مِنا پڇو ڌڪي ڇڏين تا.
او مِنا ختم ڪرڻ سارون رت ٺاهين تا.
¹³ جکان ماڙهوٿان رو ڪوئي مددگار ڪو آهي،
اوهيچ مانهجو رستو بند ڪري مِنا تڪليف ڏين تا.

¹⁴ او مِنا تباھ ڪرڻ سارُون ڌپ توڙي

دُشمن ري جين حملو ڪرين تا.

¹⁵ خوف مِنا گهيري ليو آهي

آن مانهجي عزت آن دولت مِتي ۾ ملي گئي آهي.

¹⁶ مِنا ڏُڪان گهيري ليو آهي

آن هي مانهجو موت پڪو آهي.

¹⁷ رات رو مانهجي هڏيان ۾ سُوڙ ٿي تو

آن اي سُوڙ مِنا سوئڻ ڪوتو ڏي.

¹⁸ ايشور مِنا گلي ۾ جهلي قابو ڪري ڇڏيو آهي.

¹⁹ اوئي مِنا گپ ۾ ڌڪي ڇڏيو آهي،

هي هُون مِتي آن رڪ ري جين ٿي گيو آهان.

²⁰ اي ايشور، هُون تِنا پُڪاران تو

پڻ تُون مانهجي ڪوتو سنڀرين،

جڏهين هُون دُعا منگان تو،

تڏهين تُون مين تي ڌيان ڪوتو ڏين.

²¹ هي تُون مين تي رحم ڪوتو ڪرين

آن آپري طاقت سين مِنا ڏک ڏين تو.

²² تُون مِنا هوا ري جين اُڏائي لي جائين تو

آن طوفان ري جين اڙگو اُڇلائي ڇڏين تو.

²³ هوئي، مِنا خبر آهي ته

هي تُون مِنا نپ ماري ڇڏيس

آن مِنا اوئي گهر ۾ پُجائيس

جڏهن هڪ ڏينهن سڄان نا ڄاڻو آهي.

²⁴ حقيقت ۾ ايهڙي ماڻهو تي ڪڏهي پڻ هٿ ڪوتو ڪٿيو ڄاڻي،
 جڪو موهر ئي مُصِيبَت ۾ هوئي آن مدد سارون پُڪارتو هوئي.

²⁵ ڪي هُون ڪهي نا ڏک ۾ ڏيکي رويو ڪوتو؟
 ڪي غريبان ري حالت ڏيکي منا ترس ڪو آتو؟

²⁶ جڏهن هُون پلائي ري اُميد رکان تو،
 تڏهن مين سين بَرو ٿي ڄاڻي تو
 آن جڏهن روشني رو انتظار ڪران تو،
 تڏهن اُندارو ٿي ڄاڻي تو.

²⁷ مانهجا آنترا بَزين پيا
 آن منا آرام ڪوتو جُڙي،
 ڪي ته مين تي مُصِيبَت را ڏينهن آئي ڳيا آهين.

²⁸ مانهجو رنگ ڪاڙهي سين نه،
 پڻ ڏکان ري ڪري ڪاڙو ٿي ڳيو آهي.

هُون ماڻهوئان ري وڏي ميڙ ۾ پيچي مدد سارون پُڪاران تو.

²⁹ مانهجي پُڪار گڏريا اُٺ پڪي ري رڙ ري جين بيڪار آهي.

³⁰ مانهجي ڪل ڪاڙي ٿي جسم سين اُتري پئي
 آن مانهجين هڏين تپ سين بَزين پين.

³¹ هي مانهجي بربط سين ماتم رو
 آن مانهجي بانسري سين روئڻ رو آواز نسري تو.

ايوب رين آخري واتين

¹ پڇي ايوب ڪهيو ته،

”مين آڀري انڪيان سين وڃن ڪريو آهي،

تو پڇي هون ڪين ڪهي ڪونٽاري نينگري نا بُري نظر سين جوئي سگهان تو؟

² ايهڙي انسان نا ايشور ري طرف سين ڪي جڙسي

آن قدرت واڙي آڪاسي ايشور سين ڪي ميراث جڙسي؟

³ ڪي اين ڪو آهي ته بُري ماڙهو سارون آقت

آن بدڪار سارون تباهي مقرر آهي؟

⁴ ايشور نا مانهجي مارگان ري خبر آهي

آن مانهجي هروڪ تي نظر رکي تو.

⁵ جي هون بُري مارگان تي هليو آهان

آن مانهجا پگ نڱي ري مارگ تي هليا آهين،

⁶ او منا انصاف ري تڪڙي ۾ توڙي

اوڙڪي لي ته هون بي گناه آهان.

⁷ جي هون صحيح مارگ سين پتڪي گيو آهان

آن مانهجي انڪيان مانهجي دل نا ڀلائي چڏيو آهي،

يا مانهجي هٿان سين ڪوئي پاپ ٿيو هوئي،

⁸ تو مانهجو پوڪيل فصل ڪوئي ٻيجو ڪائي جائي

آن مانهجي ٻني ري اُپت تباه ٿي جائي.

⁹ جي مين ڪهي ري ڏوسي نا بُري نظر سين جويو هوئي

آن آڀري پاڙي واڙي ري دروازي تي نظر رکي هوئي،

¹⁰ تو مانهجي ڏوسي ڪهي ٻيجي ري ٻانهي ٿي

آن ڌاريا مرد اُوئي سين زنا ڪرين.

¹¹ جي هُون ايهڙو شرم جيهڙو پاپ ڪرنت

تو جج مِنا اِيئي پاپ ري ضرور سزا ڏينت.

¹² حقيقت ۾، زناڪاري هيڪ ايهڙي جوت آهي،

جڪو پاتار تائين سڀ ڪُجه ٻاڙي پھسم ڪري ڇڏي ٿي.

جي مين اين ڪريو هونت،

تو مانھجو سڄو فصل تباھ ٿي جانت.

¹³ جي مين آڀري ٻانهي يا ٻانهي رو حق ماريو هوئي،

يا مين اوٿان ري دانھن نہ سنڀري هوئي.

¹⁴ تو جڏھين ايشور انصاف ڪرسي تو هُون ڪي ڪريس؟

آن جڏھين او جانچ پڙتال ڪرسي تو هُون ڪيهڙي وڙتي ڏئيس؟

¹⁵ جڪي ايشور مِنا ٺاهيو،

اُوئي مانھجي ٻانهان نا پڻ ٺاهيا

آن اُوئي اُپان نا ما ري پيت ۾ رکيا.

¹⁶ مين هميشه غريبان آن رنڌولان ري مدد ڪري.

¹⁷ مين جڏھين پڻ روٽي کاڌي

تو یتيم نا پڻ ڪارائي.

¹⁸ مين ننڍپڻ سين یتيم نا

اولاد ري جين پاڙيو

آن ننڍپڻ سين ئي رنڌولان ري مدد ڪري.

¹⁹ جڏھين ماڙهو ڳيان سوا موٽا پي

يا ڪهي غريب نا کڻي ري ضرورت هتي،

²⁰ تڏهين مين اُٿان نا آپري رڍان ري اُن سين ٺهيل گرم ڳيا ڏنا
اُن اُٿان مڻا دُعا ڪري.

²¹ مين ڪڏهي پڻ ڪهي يتيم تي هٿ ڪو ڪٿيو،

اُوئي وقت پڻ نه جڏهين فيصلو ڪرڻ واڙا مين پيڙا هئا.

²² جي اين ڪونهي تو ايشور مانهجو ڪوئو جوڙ سين ڪڍي ڇڏي
اُن مانهجي ٻانه جهوري جائي.

²³ مڻا ايشور رو ٻيه هتو،

متان او مين تي ڪوئي آقت نه ميلهي،

هُون اُوئي ري قُدرت اُن طاقت سين پيهاجتو.

²⁴ مين سون تي پڻ نڇ سون تي ڪڏهي پڻ ڀروسو ڪو ڪريو.

²⁵ مين ڪڏهي پڻ اِيئي وات تي وڌائو ڪو ڪريو

ته مين ڪنهن مڙهي گهڻو ڏن آهي،

يا مين گهڻو ڪينهڪ حاصل ڪري ليو آهي.

²⁶ مين ڪڏهي پڻ چمڪتي سُورج

يا چمڪتي چندر ري پُوجا ڪو ڪري.

²⁷ مانهجي ڍل ڪڏهي پڻ اُٿان نا ڪو مڃيو

اُن نڪو ئي هٿ جوڙي اُٿان نا عزت ڏني.

²⁸ اي ايهڙو ڏوه آهي جڪي ري جج سزا ڏين تا،

ڪي ته جي هُون اين ڪرنت

تو آڪاسي ايشور سين بي وفائي ڪرنت.

²⁹ هُون آپري دُشمنان ري بربادي تي ڪڏهي خوش ڪو ٿيو

اُن نڪو ئي اِيئي وات سين خوش ٿيو جڏهين اُٿان تي آقت آئي.

³⁰ مانهجي مُونه سين ڪڏهي پڻ اي پاپ ڪو ٿيو

ته اُٿان تي لعنت ڏيان.

³¹ مانهجا پاڙيسري اِيئي وات ري شاهدي ڏين تا

ته اِيُوب ري گهر سين ڪوئي پڻ بکيو ڪو گيو.

³² ڪڏهي پڻ پرديسي نا ٻاهر گلي ۾ رات گزارڻي ڪو پڙي،

ڪي ته مانهجي گهر رو دروازو هميشه اُٿان سارون کليو رهندو.

³³ مين پيجان ري جين آڀرو پاپ دل ۾ ڪو لڪايو.

³⁴ مِنا ماڙهوٿان يا عزيزان رو ٻيه ڪو هتو،

ته او ڪي ڪهسين،

ڪي ته مين ايهڙو ڪوئي ڪم ڪو ڪريو،

ته ماڻ ڪري گهري پيسي رهان.

³⁵ جي، ڪوئي مانهجي وات سنڀزنت،

هُون آڀري واتيان تي صحيح ڪران تو.

اي قدرت واڙا ايشور، مِنا وڙتي ڏي.

جي، مانهجي خلاف او الزام لکي لي آئين،

جڪو اُٿان مين تي لگايا آهن.

³⁶ هُون يقين سين، اُٿان الزامان ري ڪتاب نا آڀري ڪوئي تي ڪُنت،

پڻ آڀري مڻي تي پوتِيئي ري جين ٻڌي لينت.

³⁷ هُون ايشور نا آڀري ڪمان رو پورو حساب ڏي،

هڪ شهزادي ري جين بنا ٻيه اُوئي ڪنهن جانت.

³⁸ جي مانهجي زمين مانهجي خلاف فرياد ڪري تي

آن اُوئي رين اوڙان پيڙين ٿي روئي گين آهن

³⁹ يا مين مڙوري ڏيڻ سوا
 زمين سين پيداوار لئي آهي
 يا اُوئي را مالڪ مانهجي ڪري مري ڳيا آهين،
⁴⁰ تو مين ساڙون اناج ري بدلي ڪانديرا ٿين
 آن جو ري بدلي ڪارا ڏاڻا اُگين.“
 ايهڙي نموني ايوب رين سجين واتين پورين ٿين.

32

اليهو ري ڪاوڙ

¹ نيٺ ايوب ري تران دوستان بحث ڪرڻ چڙي ڏنو، ڪي ته ايوب آڀرو آپ نا نيڪ سمجهتو. ² پڇي
 بوز قبيلي سين براڪيل ري ڏڪري اليهو نا ڪاوڙ آئي. اليهو رام ري خاندان سين هتو. او ايئي
 وات تي ڪاوڙيو ڪي ته ايوب ايشور نا نه پڻ آڀرو آپ نا نيڪ سمجهيو. ³ او اوتان تران دوستان
 سين پڻ ناراض هتو ڪي ته او ايوب نا صحيح وڙتي ڏي ڪو سگهيا آن نڪو اُوئي نا ڏوهاري ثابت
 ڪري سگهيا. ⁴ اليهو ايئي ري ڪري ماڻ رهيو ڪي ته او ترن اُوئي سين عمر ۾ وڏا هتا. ⁵ پڻ
 جڏهين اُوئي ڏنو ته او ترن ماڻ ٿي ڳيا آهين تڏهين اُوئي نا ڪاوڙ آئي.

اليهو ري وات چيت

⁶ پڇي بوز قبيلي سين براڪيل ري ڏڪري اليهو ڪهيو ته،
 ”هون اڃان تائين ايئي ڪري ماڻ رهيو
 آن لحاظ ڪرتو رهيو ڪي ته او هين مين سين عمر ۾ وڏا آهو.
⁷ مين سوچيو ته موهر او ڏاهپ ري وات ڪري لين،
 جڪو مين سين عمر ۾ وڏا آن تجربي ۾ وڌيڪ آهين.

⁸ پڻ جڪو آتما انسان ۾ قدرت واري ايشور ري طرف سين آهي،
اوهيچ انسان نا سمجه ڏي ٿي۔

⁹ رڳو پوڙها ماڙهو ئي عقل مند ڪوتا هوئين
آن ضروري ڪو آهي ته رڳو وڏي عمر واڙا انصاف نا سمجهين تا۔
¹⁰ ايئي ري ڪري مانجهي وات سنڀرو،

منا جڪو ڪينهڪ خبر آهي او اوهان نا سنڀرائيس۔

¹¹ جوئو، هون اوئي وقت ماڻ رهيو،

جڏهين اوهين ٻوليا پي،

مين اوهانجي ڏاهپ رين واتيان تي ڌيان ڏنو پي۔

¹² مين پوري ڌيان سين اوهانجين واتين سنڀرين پي

پڻ اوهان ۾ ڪوئي پڻ ايوب نا غلط ثابت ڪري ڪو سگهيو

آن نڪو ئي اوئي نا صحيح وڙتي ڏي سگهيو۔

¹³ خبردار، آڀرو آپ نا ڏاها نه سمجهو،

ڪي ته ايوب نا ايشور سوا ڪوئي پڻ وڙتي ڏي ڪوتو سگهي۔

¹⁴ ايوب آڀري واتيان سين منا نشانو ڪو ناھيو

آن هون اوئي نا اوهان ري جين وڙتي ڪنهي ڌيان۔“

¹⁵ پڇي اليهو ايوب نا ڪهيو ته،

”تاهجا ترن دوست ٻيهاجي ماڻ ٿي ڳيا آھين،

ڪي ته هي ايٿان ڪنھين ڪھڻ سارون ڪئين پڻ ڪو بچيو۔

¹⁶ هي او ماڻ ٿي ڳيا آھين

آن وڙتي ڪوتا ڏين۔

ڪي هي هون آجان پڻ ماڻ رهان؟

¹⁷ هي هُون پڻ وڙتي ڏئيس
 آن جڪو ڪينھڪ مڻا خبر آهي او اوهان نا سنڀڙائيس۔
¹⁸ مانھجي دل ۾ مڙهي گھڻين واتين آھين
 آن مانھجي آتما مڻا ٻولڻ تي مجبور ڪري ٿي۔
¹⁹ جوئو، جي مين آڀري وات نہ سنڀڙائي،
 تو هُون اين ڦاٽي جائيس،
 جين نوي شراب سين بند ڏيڙين ڦونڪجي ڦاٽي جائين تين۔
²⁰ هُون ضرور ٻوليس، تہ جين مڻا سُڪ شانتِي جڙي،
 هُون آڀرو موندھ ڪولي ضرور وڙتي ڏئيس۔
²¹ هُون ڪهي پڻ انسان ري طرف داري ڪنهي ڪران
 آن نڪو ئي ڪهي ري چاڀلوسي ڪران۔
²² ڪي تہ مڻا چاڀلوسي ڪرڻ ڪوتي آئي،
 جي مين اين ڪريو،
 تو ايشور مڻا جلدي ماري ڇڏسي۔“

33

¹ پڇي اليهو ڪهيو تہ،
 ”اي ايوب، هي مانھجي وات سنڀڙ
 آن مانھجي سڄيان واتيان تي ڌيان ڏي۔
² جوئو، مانھجي مرضي آهي تہ هُون جڪو ڪينھڪ ڪهان
 آن مانھجي مرضي آهي تہ جڪو واتين تين سين ڪران تو،
³ هُون او سڄين واتين سڄي دل سين ڪريس

آن جڪو ڪينھڪ مِنا خبر آھي او ايمانداري سين سنڀرائيس۔

⁴ ايشور ري آتما مِنا ٺاهيو آھي

آن قُدرت واڙي ايشور مِنا زندگي ڏني آھي۔

⁵ جي تُون مِنا وڙتي ڏي سگھين تو،

تو آڀرين وائين سنڀاڙ سارون تيار ٿي مُقابلو ڪر۔

⁶ جوئو، ايشور ري نظر ۾ آڀين برابر آھان،

ڪي ته آڀين مِٽي سين ٺاهيا گيا آھان۔

⁷ مانھجو مقصد تِنا ٻيھاڙڻ ڪو آھي

آن نڪو ئي مانھجي مرضي آھي ته تِنا پريشان ڪران ۔

⁸ تين جڪو ڪينھڪ ڪھيو آھي،

او بلڪل مين سنڀريو آھي،

⁹ تين ڪھيو ته، ’هُون بي ڏوھي آھان

آن مين ڪوئي ڏوھ ڪو ڪريو،

مين ڪوئي پاپ ڪو ڪريو

آن نڪو ئي وڙي مين ڪوئي بُرائي ڪري۔

¹⁰ توئي پڻ ايشور مانھجي خلاف وجه جوئي تو

آن مِنا آڀرو دُشمن سمجھي تو۔

¹¹ اوئي مانھجي پگان ۾ سنڪڙان ٻڌي ڇڏين آھين۔

آن مانھجي سجان مارگان تي نظر رکي تو۔‘

¹² اي ايوب، جوئو، هُون تِنا ڪھان تو ته،

تاهجين اي وائين غلط آھين،

ڪي ته ايشور انسان سين مڙهي گھڻو مھان آھي۔

¹³ تُون اي ڪهي ايشور سين ڪي ري ڪري جهيڙو ڪرين تو

ته او ڪهي پڻ وات ري وڙتي ڪوتو ڏي؟

¹⁴ ايشور ڌار ڌار طريقن سين وات ڪري تو،

پڻ انسان اوئي نا سمجهي ڪوتو سگهي.

¹⁵ ايشور ڪڏهي خيال ۾، ڪڏهي سڀني ۾،

ڪڏهي پري اُونگه ۾

آن ڪڏهي وڃائي تي سوئڻ ري ٿاڻي انسان سين وات ڪري تو.

¹⁶ تڏهين ايشور اوڻان نا آڀرين واتين سنڀرائي تو

آن ٻيهاڙي اوئي نا خبردار ڪري تو،

¹⁷ ته جين انسان نا بري ڪمان

آن مغرور ٿيڻ سين روڪي سگهي.

¹⁸ ايشور اوئي ري آتما نا پاتاڙ سين

آن اوڻان ري زندگي نا موت سين بچائي تو.

¹⁹ ايشور انسان نا بيمار ڪري وڙهي تو

آن اوئي ري هڏيان ۾ هميشه سوز رهي تو.

²⁰ اتي تائين جڪو اوئي نا روئي

آن هر قسم ري سني سني طعام سين پڻ نفرت ٿي جائي تي.

²¹ اوئي رو جسم سڪي ڪمزور ٿي جائي تو

آن اوئي رين هڏين ڏيڪڻ ۾ آئين تين.

²² اوئي رو مرڻ نيڙو آئي جائي تو

آن اوئي ري بچڻ ري ڪوئي اُميد ڪوتي رهي.

²³ جي هزاران فرشتان ۾ ڪوئي فرشتو

انسان ڪنهن آئي ڪهي،

ته اُوئي نا ڪي ڪرڻ ڪپي.

²⁴ تو او فرشتو اُوئي تي قياس ڪري ايشور نا ڪهسي ته،

’تون ايئي نا موت ري ڪڏ سين بچائي لي،

ڪي ته منا ايئي رو عيوضو جڙي گيو آهي.

²⁵ ايئي رو جسم ٻاڙ ري جسم جيھڙو ٿي جائي

آن او وڙي پڇو جوئاڻ جماڻ ٿي جائي،‘

²⁶ پڇي او انسان ايشور سين دُعا منگسي

آن ايشور اُوئي تي ديا ڪسي.

او خوش ٿي ايشور ري پگتي ڪسي

آن ايشور اُوئي نا وڙي ڪامياب ڪسي.

²⁷ او ماڙهوئاڻ ري اگ ۾ اقرار ڪسي ته،

’پاپ ڪري هون سڌي مارگ سين پتڪي گيو تو،

پڻ ايشور منا اتي سزا ڪو ڏني جتا مانھجا پاپ هتا.

²⁸ ايشور منا موت ري مونھ سين بچايو آهي،

هي هون زندگي ري سوجهري نا ڏيکيس.

²⁹ جوئو، ايشور انسان سين گهڙي گهڙي اين ڪري تو،

³⁰ ته جين انسان موت ري مونھ ۾ جاڻ سين بچي جائي،

آن اُوئي ري زندگي خوشيان سين پرچي جائي.

³¹ اي ايوب، ماڻ ڪر

آن مانھجي وات ڌيان سين سنڀڙ.

³² جي تنا ڪينھڪ ڪھڻو آهي تو منا سنڀڙا،

ڪي ته مانهجي مرضي آهي ته تون بي ڏوهي هونين.
33 جي تون ڪوتو ٻولين تو مانهجين واتين سنڀڙ،
ماڻ ڪري سنڀڙ تو هون تڻا ڏاهپ رين واتين سڪائيس.“

34

1 پڇي اليهو اي پڻ ڪهيو ته،
2 ”اي ڏاهان ماڙهوٿان، مانهجين واتين سنڀڙو،
اي عقل واڙان، مانهجين واتيان تي ڏيان ڏيو.
3 آسڻ ڪن سين وات نا پرڪان تا،
جيھڙي نموني زبان سين ڪاڏي ري سواد ري خبر پڙي تي.
4 آئو، آسڻ ايٿان واتيان ري جانچ پڙتال ڪران
آن خبر پڙي ته حقيقت ڪي آهي؟
5 ڪي ته ايوب ڪهيو آهي ته،
’هون سڄو آهان آن ايشور مين سين نا انصافي ڪري آهي.
6 هون حق تي آهان،
توئي پڻ مڻا ڏوهاري سمجهيو گيو آهي.
هون بي ڏوهي آهان، پڻ مڻا ايھڙا زخم جڙيا آھين،
جڪان رو ڪوئي علاج ڪو آهي،‘
7 ايوب جيھڙو ڪوڻ آهي،
جڪو ايشور ري خلاف واتين ڪرتو رهي تو؟
8 او بران ري سنگت مڻا ائي پيسي تو
آن بران ماڙهوٿان پيڙو گهمي ڦري تو.

⁹ ڪي ته اُوئي ڪهيو آهي ته،

’ ايشور ري پگتي ڪرڻ رو ڪوئي فائدو ڪو آهي.‘

¹⁰ اِيئي ري ڪري اي ڏاهان ماڙهوٿان، مانهجي وات سنپڙو،

اين ٿي ڪوتو سگهي ته ايشور بُرائي ڪري،

يا قُدرت واڙو ايشور بُچڙائي ڪري.

¹¹ ايشور انسان نا اُوئي ري ڪمان رو بدلو ڏيسي

آن هر هيڪ نا اُوئي ري ڪمان ري مُطابق آجر جُڙسي.

¹² حقيقت ۾ ايشور بُرائي ڪوتو ڪري

آن قُدرت واڙو ايشور نا انصافي ڪوتو ڪري.

¹³ ڪي زمين نا ايشور ري حوالي ڪري؟

آن ڪي اُوئي نا دُنيا تي اختيار ڏنو؟ ڪهي پڻ نه.

¹⁴ جي ايشور ماڙهوٿان رو ساس ڪڍي لي،

¹⁵ تو سجا ماڙهو ختم ٿي جاسين

آن انسان وڙي مِٽي ۾ ملي جاسي.

¹⁶ اي ايوُب، جي تين ۾ سمجھ آهي تو سنپڙ

آن مانهجي واتيان تي ڌيان ڏي.

¹⁷ جڪو انصاف رو دُشمن آهي،

ڪي او حُڪومت ڪري سگهي تو؟

تُون قُدرت واڙي ايشور تي الزام لڳائين تو،

جڪو انصاف ڪري تو.

¹⁸ جڏهين بادشاه آڻ اڳواڻ بُرائي ڪرين تا.

تڏهين ايشور اُوٿان نا دڙڪو ڏي تو.

¹⁹ او اميران ري طرف داري ڪوتو ڪري،

اُوئي ري نظر ۾ امير آن غريب برابر آهين،

ڪي ته اُوٿان پيان نا ايشور ئي ٺاهيا آهي.

²⁰ ماڙهو آڏي رات رو يڪدم مري جائين تا،

او پيهاجي مري جائين تا

آن طاقتور ماڙهو پڻ بنا هت لگاڻ سين مري جائين تا.

²¹ ايشور انسان ري سجان ڪمان نا اوڙڪي تو

او اُوئي ري هر وڪ تي نظر رکي تو.

²² ايهڙو ڪوئي اُٿارو يا پونر اُٿارو ڪو آهي،

جٿ بدڪار ماڙهو لڪي سگهين.

²³ ايشور نا ڪوئي ضرورت ڪو آهي

ته ڪهي انسان نا آپري عدالت ۾ منگائي.

²⁴ او بنا جانچ پڙتال ري،

طاقت وازان را ٽڪرا ٽڪرا ڪري ڇڏي تو.

آن اُوٿان ري جگها تي پيجان نا مقرر ڪري تو.

²⁵ ڪي ته ايشور نا اُوٿان ري ڪمان ري خبر آهي

آن رات ري وقت اُوٿان نا برباد ڪري ڇڏي تو.

²⁶ ايشور ايهڙي بُري ماڙهوٿان نا،

سجان ري اڱ ۾ سزا ڏي تو.

²⁷ ڪي ته اُوٿان ايشور نا مڃڻ سين انڪار ڪريو

آن اُوئي ري ڪهي پڻ حڪم نا ڪو مڃيو.

²⁸ اُوٿان ري ظلم ري ڪري غريبان ري فرياد ايشور تائين پُڳي

آن ايشور ڏڪان ري ماريل ماڙهوٿان ري پڪار سنڀري،
29 جڏهين ايشور ماڻ اهي،

تو پڇي ڪوڻ اوئي تي الزام لڳائي سگهي تو؟
جي ايشور آڀرو مونھ لڪائي ڇڏي تو ڪوڻ اوئي نا جوئي سگهي تو؟
ڪي ته او هر قوم تي پڻ هر انسان تي حڪومت ڪري تو،
30 ته جين برا ماڙهو حڪومت نه ڪرين

آن ماڙهو اوٿان ري ڦندي ۾ ڦاسي نه جائين.

31 ڪي ڪوئي ايشور نا ڪهي سگهي تو ته،

’منا مانھجي پاپان ري سزا جڙي گئي اهي،

هي هون وڙي پاپ ڪنھي ڪران.

32 جڪو منا ڏيڪڻ ۾ ڪوتو آئي، او منا ڏيڪان،

جي مين ڏوه ڪريو اهي تو هي اين ڪنھي ڪران.

33 ايشور جڪو ڪينھڪ ڪريو، تون اوئي نا ڪوتو مڃين.

ڪي ايشور تڻا او اجر ڏيسي، جين تاهجي مرضي اهي؟

هي فيصلو تاهجي هت ۾ اهي نه تو مانھجي هت ۾.

جڪو ڪينھڪ تڻا خبر اهي او سنڀرا.

34 ڏاها آن عقلمند ماڙهو جڪو مانھجين واتين سنڀرين پيا،

او اين ڪهسين ته،

35 ’ايوب چڙيان ري جين وات ڪري تو

آن اوئي رين واتين ڏاهپ سين خالي آهين.

36 جي، ايوب نا پوري نموني آزمايو جانت،

ڪي ته او بران ماڙهوٿان ري جين وڙتي ڏي تو.

³⁷ او ايشور سين بغاوت ڪري آڀري پاپان نا وڌائي تو
آن تاڙين وڃائي ايشور ري خلاف مڙهي گهڻين واتين ڪري تو.“

35

- ¹ پڇي اليهو ايوب نا اي پڻ ڪهيو ته،
- ² ”تون جڪو آڀرو آپ نا ايشور ري اڳ ۾ سڄو سمجهين تو،
ڪي تاهجي اي وات صحيح آهي؟
- ³ تون اي ڪهين تو ته، ’منا ايئي رو ڪيهڙو فائدو،
يا پاپ نه ڪرڻ سين منا ڪيهڙو فائدو ٿيسي؟‘
- ⁴ هون تن اُن تاهجي دوستان نا ڪهان تو ته،
- ⁵ آڪاس سمهون جوئو اُن نظر ڪر
اُن ڪڪران تي ڌيان ڪر جڪو تين سين مڙهي اُونچا آهن.
- ⁶ جي تون پاپ ڪرين تو ايشور نا ڪوئي فرق ڪوتو پڙي
اُن جي تاهجا پاپ وڌتا جائين توئي پڻ اُوئي تي ڪوئي اثر ڪوتو ٿي.
- ⁷ جي تون نيڪي ڪرين تو ته ايشور تي ڪيهڙو ٿورو ڪرين تو؟
يا تاهجي هتان سين اُوئي نا ڪيهڙو فائدو؟
- ⁸ تاهجي پاپ ڪرڻ سين
رُگو انسان نا نقصان ٿي تو
- اُن تاهجي نيڪي ڪرڻ سين ماڙهوٿان روئي فائدو ٿي تو.
- ⁹ جڏهين ماڙهوٿان تي وڌيڪ ظلم ٿي تو،
تڏهين او ظلم ڪرڻ وازان ري خلاف ايشور نا پُڪارين تا.
- ¹⁰ پڻ ڪوئي اي ڪوتو ڪهي ته، ’ايشور ڪٿ آهي جڪي اسان نا ٺاهيا

آن آسان نا ڏُڪان ري وقت گاڻ سارُون خوشي را گيت ڏنا؟
¹¹ ايشور آسان نا زمين ري جناوران سين پڻ وڌيڪ سمجھ ڏي تو
 آن پڪيان سين پڻ وڌيڪ ڏاهپ ڏي تو.
¹² جڏهين ماڙهو پُڪارين تا تو ايشور ڪوئي وڙتي ڪوتو ڏي.
 ڪي ته او بُرا آن مغرور آهين.
¹³ اي سچ آهي ته ايشور ڪوڙان ماڙهوٿان ري فرياد ڪوتو سنڀري
 آن قدرت واڙو ايشور اُٿان سمهون ڏيان ڪوتو ڏي.
¹⁴ اي ايوب، پڇي ايشور تاهجي پُڪار ڪين سنڀري،
 جڏهين تون ڪهين تو ته، ’ايشور مِنا نظر ئي ڪوتو آئي،
 مانهجو ڪيس اُوئي ري اڳ ۾ آهي آن مِنا فيصلِي رو انتظار آهي.
¹⁵ تون اي پڻ ڪهين تو ته، ’ايشور آپري قهر ۾ سزا ڪوتو ڏي
 آن پاپان تي ڏيان ڪوتو ڏي.
¹⁶ ايتي ري ڪري اي ايوب، جڏهين تون ٻولين تو،
 تو آجائين واتين ڪرين تو
 آن تاهجي واتيان ۾ ڪوئي ڏاهپ ڪو آهي.“

36

¹ پڇي اِيهُو ايوب نا اي پڻ ڪهيو ته،
² ”توڙهي دير صبر ڪري مانهجين واتين سنڀر،
 ڪي ته مانهجي مرضي آهي ته هُون ايشور ري حق ۾ ڪينهڪ وڌيڪ سنڀرائُون.
³ مين ڪنهن اِتو علم آهي ته،
 هُون آپري خالق نا سچو ثابت ڪري سگهان تو.

⁴ حقيقت ۾، مانهجين واتين ڪوڙين ڪو آهين،
ڪي ته هون وڌيڪ ڏاهو آهان.
⁵ جوئو، قدرت واڙو ايشور ڪهي نا گهٽ ڪوتو سمجهي،
ڪي ته او ڏاهپ سين پرل آهي.
⁶ ايشور بُران ماڙهوئان نا جيتا ڪوتو رکي
آن جڪو مُصِيبَت ۾ آهي اوئان رو انصاف ڪري تو.
⁷ او نيڪ ماڙهوئان ري سنپال ڪري تو
آن اوئان نا عزت ڏي هميشه سارون بادشاهي تخت تي پيساري تو.
⁸ جڏهين بُرا ماڙهو سنڪزان سين ٻڌيا جائين تا،
يا اوئان تي مڙهي گهڻين آفتان آئي تين،
⁹ تڏهين ايشور اوئان نا اوئان را ڪم آن پاپ ڏيڪاري تو،
ڪي ته اوئان مغروري ڪري تي.
¹⁰ ايشور اوئان نا سڌارڻ سارون اوئان را ڪن ڪولي تو
آن اوئان نا حڪم ڏي تو ته او بُرائي نه ڪرين.
¹¹ جي او ايشور ري وات مڃي اوئي ري پگتي ڪرين،
تو ايشور اوئان ري زندگي نا خوشحال آن ڪامياب ڪري تو.
¹² جي او ايشور ري وات ڪوتا مڃين،
تو او اوچتا تلوار سين ماريا جاسين.
¹³ بُران ماڙهوئان ري دل ۾ ڪاوڙ پريل رهي تي،
پڻ جڏهين ايشور اوئان نا سزا ڏي تو،
تڏهين او مدد سارون ڪوتا پُڪارين.
¹⁴ اوئان ري زندگي بي حياتي ري ڪمان سين تباھ ٿي جائِي تي

آن او جَوَانِي ۾ ئي مري جائين تا۔

¹⁵ پڻ ايشور مُصِيبَت ۾ ڦاٿل ماڙهوٿان نا ڇڏائي تو

آن ڏُڪان ري وسيلي اُوٿان نا سِڪائي تو۔

¹⁶ اي ايوُب، ايشور ري مرضِي آهي ته او تِنا پڻ ڏُڪان سين ڇڏائي

آن اُوئي ري مرضِي آهي تِنا ايهڙي کُلي جگها لي آئي،

جِت تاهجي ٿيبل سُنان سُنان کاڌان سين پريل رهي۔

¹⁷ پڻ اِيئي وقت تِنا او سزا جُڙي آهي،

جڪو بُران ماڙهوٿان نا جُڙي تي،

اِيئي ري ڪري ايشور تِنا عدالت

آن اِنصاف سارُون جهليو آهي۔

¹⁸ خبردار، تاهجي ڪاوڙ تِنا گمراه نه ڪري

آن مڙهي گهڙي ملڪت تِنا پتڪائي نه ڇڏي۔

¹⁹ ڪي تاهجي طاقت تِنا مُصِيبَت سين بچائي سگهي ٿي؟

يا تاهجي ملڪت تِنا اِيٿان مُصِيبَتان سين بچائي سگهي ٿي؟

²⁰ تون اُوئي موت واڙي رات رو انتظار نه ڪر،

جڪي رات قومان جِت پڻ هوئين، برباد ٿي جائين تين۔

²¹ خبردار، بُرائي نه ڪر،

ڪي ته مُصِيبَتان تِنا آزماڻ سارُون چُنڊي ليو آهي۔

²² جوئو، ايشور آپري قُدرت سين وڏا وڏا ڪم ڪري تو،

ڪُون اُوئي ري جين سِڪائي سگهي تو؟

²³ ڪُون ايشور نا رستو ڏيکاري سگهي تو؟

يا ڪُون اُوئي نا غلط ڪهي سگهي تو؟ ڪوئي پڻ نه۔

²⁴ جيهڙي نموني ماڙهو گيت گائي ايشور ري واکاڻ ڪرين تا،

ايهڙي نموني تون پڻ اوهي ري ڪمان ري واکاڻ ڪر.

²⁵ هر هيڪ ماڙهو اوهي رو ڪم ڏنو آهي

آن انسان ازگي پنڌ سين اوهي تي نظر رکي تو.

²⁶ جوئو، ايشور مهان آهي،

اسين اوهي ري قدرت رو اندازو ڪوتا لگائي سگهان.

ڪي ڪوئي ايشور ري عمر رو حساب لگائي سگهي تو؟

²⁷ او پاڻي ري ڦڙان نا ڪر ناهي تو

آن ايئن ڪڪران سين ميه ورسائي تو.

²⁸ ايشور آڪاس سين زمين تي،

انسانان سارون مزهي گهڻو ميه ورسائي تو.

²⁹ ڪي ڪوئي سمجهي سگهي تو،

ته آڪاس تي ڪڪر ڪيهڙي نموني پڪڙي جائين تا

آن ڪيهڙي نموني گجين تا؟

³⁰ جوئو، ايشور ڪيڻ ري چمڪ نا آڀري چاري پاسي پڪيڙي تو

آن سمنڊ ري تڙ نا ڍڪي ڇڏي تو.

³¹ او ڪڪران سين قومان نا پاڙي تو

آن اوڻان نا مزهي گهڻو کاتو ڏي تو.

³² ايشور ڪيڻ نا جت حڪم ڏي تو،

او اُت ئيچ جائي ڪري تي.

³³ ڪڪران ري گجڻ سين طوفان ري خبر پڙي تي،

آن مال متو پڻ طوفان ري اڻ ري خبر ڏي تو.

¹ پڇي اِيهَو ڪهيو ته،

”مانهجو ڏل اي سوچي ڏکي ڄائي تو

آن زور سين ڌڙڪي تو-

² آوهين سجا ايشور رو آواز سنڀرو

آن اوئي ري گجگوڙ ري آواز تي ڌيان ڏيو-

³ او ڪيڻ نا آڪاس سين هيئي ميلهي تو

آن اوئي ري روشني سين زمين چمڪي ٿي-

⁴ پڇي گاج رو آواز سنڀڙ ۾ آئي تو

آن ايشور آپري جلوي سين گجي تو-

جڏهين ايشور رو آواز آئي تو،

تڏهين ڪيڻ چمڪي رهي ٿي-

⁵ ايشور عجيب طريقي سين گجگوڙ ڪري تو،

او ايهڙا وڏا وڏا ڪم ڪري تو،

جڪو آپڻي سمجه سين ٻاهر آهي-

⁶ ايشور برف نا حڪم ڏي تو،

ته او ڄائي زمين تي ڪري

آن ميه نا زور سين ورسڻ رو حڪم ڏي تو-

⁷ ايهڙي نموني ايشور ماڙهوڻان نا ڪم ڪرڻ سين روڪي تو،

ته جين سڄي مخلوق اوئي ري قدرت نا اوڙڪي سگهي-

⁸ پڇي جهنگلي جناور پڻ آپري ڌران ۾ لڪي ڄاين تا

آن آڀري گهران ۾ پناهه لين ٿا.

⁹ ڏاکڻي پاسي سين خطرناڪ وائوڙ آئي ٿي

آن اتر ري هوا سين سي وڌي جائي ٿو.

¹⁰ ايشور ري ڦونڪ سين برف جمبي جائي ٿي

آن سڄو پاڻي برف ٿي جائي ٿو.

¹¹ ايشور ڪڪران نا پاڻي سين پري ڇڏي ٿو

آن اوٿان سين چاري پاسي کيڻ چمڪائي ٿو.

¹² ايشور ري مرضي سين ڪڪر،

ايها اوهه هلندا رهين ٿا

آن اوئي ري حڪم سين زمين تي ورسين ٿا.

¹³ ايشور ايٿان ڪڪران سين

ماڙهوٿان نا سڪائي ٿو،

زمين نا برڪت ڏي ٿو

آن آڀري ديا ڏيکاري ٿو.

¹⁴ اي ايوب، مانهجي وات ڏيان سين سنڀر،

ماڻ ڪري ايشور ري عجيب ڪمان تي ڏيان ڏي.

¹⁵ ڪي تنه خبر آهي ته،

ايشور ڪين ڪڪران نا حڪم ڏي ٿو

آن ڪين آڀري ڪڪران ۾ کيڻ نا چمڪائي ٿو.

¹⁶ ڪي تنه خبر آهي ته ڪڪر ڪيهر ٿي پاسي جاسين؟

اي عجيب ڪم رڳو ايشور ڪري ٿو

جڪو ڏاهپ سين پريل آهي.

¹⁷ جڏهين ڏکڻ سين اڻ واري لُ سين

زمين تي ويرانِي ٿي جائي تي

تو تاهجا گيا گرم ٿي جائين تا.

¹⁸ جڏهين ايشور آڪاس نا

پتڙي ٽڪ ري جين چمڪدار ٺاهيو،

تڏهين ڪي تين اُوئي ري مدد ڪري تي؟

¹⁹ آسان نا سنيڙا ته آسين ايشور نا ڪي ڪهان؟

ڪي ته جتي تائين آسان نا پوري وات ري خبر نه هئي،

آسين آڀرو ڪيس ڪوتا وڙهي سگهان.

²⁰ ڪي ڪوئي ايشور نا ڪهسي،

ته مانهجي مرضي آهي ته هون ٻولان؟

حقيقت، ۾ جڪو اين ڪيهسي او جيتو ڪنهي رهي.

²¹ جڏهين هوا لڳي تي آن ڪر هتي جائين تا،

تڏهين اُوئي وقت چمڪڻ واري سورج سمهون

ڪوئي جوئي ڪوتو سگهي.

²² اُتر واري پاسي چمڪتي روشني آئي تي،

جڪو ايشور ري مهان جلوي نا ظاهر ڪري تي.

²³ آسين قدرت واري ايشور تائين پُجي ڪوتا سگهان،

ڪي ته او گهڻي طاقت وارو آهي.

او انصاف آن سچائي سين فيصلو ڪري تو.

²⁴ ايتي ري ڪري ماڙهو اُوئي سين پهاجين تا.

جڪو آڀرو آپ نا ڏاها سمجهين تا،

او ايشور ري اگ ۾ ڪئين پڻ ڪو آهين۔“

38

پرميشور رو ايوب نا ورتي ڏيڻ

- ¹ پڇي پرميشور وانتوريئي ۾ ايوب نا ڪهيو ته،
- ² ”تُون ڪُون آهين جڪو چڙائي وارين واتين ڪرين تو
آن مانهجي رتان تي پڙدو ڏين تو؟
- ³ هي همت ڪر آن تيار ٿي،
- هي هُون تين سين جڪو پڻ پُڄان اوئي ري ورتي ڏي۔
- ⁴ جڏهين مين زمين ري بُنياد رکي،
- اوئي وقت تُون ڪٿ هتو؟
- جي تُون ڏاهو آهين تو منا سنڀڙا۔
- ⁵ ڪي تڻا خبر آهي ته زمين ري ڊيگهه آن ويڪڙ ڪي مقرر ڪري؟
- زمين ري ماپ ڪي ڪري آهي؟
- ⁶ زمين ري بُنياد ڪيهڙي شئي تي رکي گئي،
- يا اوئي ري بُنياد رو خاص پٿر ڪي رکيو؟
- ⁷ اوئي وقت ساڪڙ ران تاران پيڙا ٿي گيت گايو پي
- آن مانهجان سجان فرشتان خوشي را نعرا هڻيا پي۔
- ⁸ جڏهين سمندر نا ٺاهيو گيو
- تو اوئي نا قابو ڪرڻ سارون،
- ڪي اوئي رين حدان مقرر ڪرين؟
- ⁹ اوئي وقت مين سمندر نا ڪڪران سين ڍڪي ڇڏيو

آن اُوئي نا پونر اَنڌاري ۾ اين وڙهيو،

جين نِنڊي ٻار نا پوتاريان ۾ وڙهيو جائي تو-

¹⁰ مين ئي سمندر ري حد مقرر ڪري،

جين ڪهي شئي نا روڪڻ سارون،

دروازا آن ڪُنڊا لڳايا جائين تا.

¹¹ مين سمندر نا ڪهيو ته، تنارگو اتي تائين آڻو آهي

آن تاهجين طاقتور چولين اِٺ پيچي رهين-

¹² ڪي تين آڀري زندگي ۾ ڪڏهي ساڪڙ تي حڪم هلايو آهي؟

ڪي تون سورج تي حڪم هلائي سگهين تو؟

¹³ ڪي تين ساڪڙ ري روشني نا

سڄي زمين تي پڪيڙي آهي؟

جڪي ري ڪري بُرا ماڙهو پجي لڪي جائين تا.

¹⁴ ساڪڙ ري سوجهري سين زمين ري صورت اين بدلي جائي تي،

جين اُوئي ڪوئي رُوپارو ويس پيهريو هوئي-

¹⁵ جڏهين اي روشني بُران ماڙهوڻان تي پڙي تي

تو اُوڻان ري بُرائي ڪرڻ واري هٿان راڻڪرا ڪريا جائين تا.

¹⁶ ڪي تون سمندر ري چشمان تائين گيو آهين؟

ڪي تون اُوئي ري تڙ تائين پڳو آهين؟

¹⁷ ڪي تين موت نا نيڙي پنڌ سين ڏنو آهي؟

ڪي تين ڪڏهي پاتار ري اَنڌاري نا ڏنو آهي؟

¹⁸ ڪي تنار خبر آهي ته زمين ري ويڪرائي ڪتي آهي؟

جي تناسپ ڪُجه خبر آهي، تو مناسنپزا.

¹⁹ ڪي تڻا خبر آهي ته روشني

آن انڌارو ڪها سين آئين تا؟

²⁰ ڪي تون اوتان نا اوتان ري جگها تي پڄائي سگهين تو؟

ڪي تڻا اوتان ري گهر ري مارگ ري خبر آهي؟

²¹ ڪي تڻا سڀ ڪجه خبر آهي؟

ڪي تين اوئي وقت جنم ليو تو؟

ڪي تاهجي عمر مڙهي وڌي آهي؟

²² ڪي تون اٺ پڄي سگهين تو،

جٽ برف را ڍگ آهين؟

يا گڙان ري گودامان ري خبر آهي؟

²³ جکان نا هون مُصِيبَت ري ڏينهان سارون

سنيالي رکان تو،

ايهڙي وقت سارون

جڏهين لڙائي آن جنگ لڳي جائي.

²⁴ مڻا سنيڙا ته روشني ڪها سين آئي تي

آن اڳوڻي پاسي ري هوا زمين تي ڪين هلي تي؟

²⁵ ميه آن گجڻ واڙي طوفان سارون،

ڪي آڪاس سين مارگ ٺاهيو؟

²⁶ ته جين اوئي سين غير آباد زمين نا ريچ جڙي،

ايهڙي ويران زمين جٽ ڪوئي انسان ڪوتو رهي.

²⁷ ايتي ري ڪري ته ويران آن غير آباد زمين ري ترس ختم ٿي جائي

آن هر جگها سين سائو ڪڪ اڳي جائي.

²⁸ ميه رو ابا ڪوڻ آهي؟

يا ماڪ راڦڙا ڪين ٺهين ٿا؟

²⁹ برف ري ما ڪوڻ آهي؟

آڪاس سين پڙڻ واڙو پارو ڪي پيدا ڪريو آهي؟

³⁰ پاڻي پٿر ري جين ٿي جائِي تو

آن سمندر ري مٿي جمِي جائِي تو.

³¹ ڪي تون تاران ري ٽولي ڪٿي نا پيڙا ٻڌي سگهين تو؟

يا تاران ري ٽولي ڪٿي نا ڌار ڌار ڪري سگهين تو؟

³² ڪي تون تاران ري ٽولي نا اُوڻان ري مقرر وقت تي ڪڍي سگهين تو؟

ڪي تون ڪٿ ان اُوڻي

پيڙا جڪو تارا آهين اُوڻان تي حڪم هلائي سگهين تو؟

³³ ڪي تڻا آڪاس ري قانون ري خبر آهي؟

يا زمين تي اُوڻان نا اختيار ڏي سگهين تو؟

³⁴ ڪي تون وڏي آواز سين ڪڪران نا حڪم ڏي سگهين تو،

ته او تين تي گهاٽو ميه ورسائين؟

³⁵ ڪي تون آڪاس ري ڪيڻ نا زمين تي ميلهي سگهين تو؟

ڪي او تين ڪنهن آئي تڻا ڪهي تي ته، 'هُون حاضر آهان؟'

³⁶ انسان نا سمجه ڏيڻ واڙو ڪوڻ آهي؟

انسان نا ڏاهپ ڪوڻ ڏي تو؟

³⁷ ڪوڻ اِتو ڏاهو آهي جڪو ڪڪران نا گڏي سگهي تو؟

ڪوڻ آڪاس سين ميه ورسائي تو؟

³⁸ جڪي سين مٿي پني نرم ٿي جائِي تي

آن کٽڙا هيڪي پيڇي سين چنڊڙي جائين تا۔
³⁹ ڪي تون شينهن سارون شڪار ڪري سگهين تو
 آن ببر شينهن ري بڪيان پڄان نا ڪارائي سگهين تو؟
⁴⁰ جڏهين او آڀري غاران ۾ بيٺا هون،
 يا جهنگ ۾ شڪار ري تاڙ ۾ بيٺا هون؟
⁴¹ ڪوڻ جهنگلي هاڙي نا کاڌو ڏي تو؟
 جڏهين اوئي را پڇا بڪ ۾ ايشور نا پڪارين تا
 آن کاڌو نه جڙڻ ري ڪري ايها اوهان رلتا رهين تا۔“

39

¹ پڇي پرميشور اي پڻ ڪهيو ته،
 ”ڪي تنه خبر آهي ته جابلو پڪرين ڪڏهين وياجين تين؟
 جڏهين هرڙي وياجي تي تو ڪي تين اوئي نا ڏني آهي؟
² ڪي تنه خبر آهي ته هرڙي را ڦڙ،
 ڪٿا مهينا اوئي ري پيٽ رهين تا؟
 يا ڪي تنه اوٿان ري وياجن ري وقت ري خبر آهي؟
³ جڏهين هرڙي جهڪي ڦڙ ڏي تي،
 تڏهين اوئي نا سور سين آرام جڙي تو۔
⁴ اوئي را ڦڙ متارا هون تا
 آن کلي ميدان ۾ وڌا ٿي جائين تا،
 پڇي او نسري جائين تا
 آن آڀري ما ڪنهن وڙي پڇا ڪوٽا آئين۔

⁵ ڪي جهنگلي گڏهي نا آزادي ڏني
آن ڪي اُوئي نا کليو ڇڏي ڏنو؟
⁶ مين ئي بيابان نا اُوئي رو گهر ناهيو
آن اُوئي نا رهڻ سارون ڪلرائي زمين ڏني.
⁷ او شهر ري هل سين ازگو رهي تو
آن هڪل واري رو آواز ڪوتو سنيڙي.
⁸ او چرڻ سارون جبلان تي ڦرتو رهي تو
آن سائي ڪڪ ري جانچ ۾ رهي تو.
⁹ ڪي جهنگلي ڍگو تاهجي شيوا ڪري سگهي تو؟
ڪي او تاهجي آهوري تي رات رهي سگهي تو؟
¹⁰ ڪي تون جهنگلي ڍگي نا هڙ ۾ جوتي سگهين تو؟
ڪي تون اُوئي سين سوهاگو ڦيري سگهين تو؟
¹¹ ڪي تون اُوئي ري وڏي طاقت نا ڏيڪي
اُوئي تي پروسو ڪري سگهين تو؟
ڪي تون اُوئي سين آڀرا سخت ڪم لي سگهين تو؟
¹² ڪي تنا اُوئي تي اعتبار آهي
ته او تاهجو اناج پيڙو ڪري
اُوئي نا هلر گاهڻ ري جگها تي لي آئي؟
¹³ جڏهين اٺ پڪڻ آڀرين پڪين خوشي سين ڦڙ ڦڙائي تي،
تو ڪي اُوئي رين پڪين ڀگلي ري جين آهين؟
¹⁴ او آڀرا ايندا زمين تي ڇڏي ڏي تي
آن او واري تي گرم ٿي پچين تا.

¹⁵ اُوئي نا اي فڪر ڪوتي هوئي ته،

ڪوئي اُوئي را ايندا پگان سين لتاڙي ڇڏسي،

يا ڪوئي جهنگلي جناور اُوٿان نا لتاڙي ڇڏسي.

¹⁶ اُوئي رو ڊل آڀري پڄان سارون اِٿو سخت آهي،

جين او اُوئي را پڄائي ڪو آهين.

پلين اُوئي ري محنت آڄائي جائي، اُوئي نا ڪوئي فڪر ڪوتي هوئي.

¹⁷ ڪي ته مين ايشور اُوئي نا نڪو سمجھ ڏني آن نڪو عقل.

¹⁸ جڏهين اُٺ پکي ڊوڙن سارون پيچي رهي تو،

تڏهين او گهوڙي آن اُوئي ري سوار نا ڪئين ڪوتو سمجھي.

¹⁹ ڪي گهوڙي نا طاقت تين ڏني آهي؟

يا اُوئي ري ڪنڌ را چمڪڻ واڙا مٿواڙ تين ٺاهيا آهين؟

²⁰ ڪي تون اُوئي نا تڏ ري جين ٿيا ڏيڻ ري طاقت ڏين تو؟

اُوئي ري هٽڪڻ رو آواز ڪٿو رعب دار لڳي تو.

²¹ او آڀري طاقت ري خوشي سين وادي ۾ ڊوڙن ري تياري ڪري تو

آن ڊوڙي جنگ ري ميدان ۾ پڄي جائي تو.

²² اُوئي نا ڪوئي ٻيھ ڪو آهي

آن نڪوئي ڪهي سين پيهاجي تو،

او تلوار ڏيکي پڇو ڪوتو هتي.

²³ اُوئي ري مٿي تيران رو ٿيلهو ڪڙڪي تو،

پڙچي آن پالو چمڪين تا.

²⁴ او جوش ۾ تڪو زمين تي ڊوڙهي تو

آن نرسينگي ري آواز تي ڌيان ڪوتو ڏي.

²⁵ جڏهين نرسينگو وڃي تو تڏهين او زور سين هٽڪار ڪري تو،
 اُوئي نا اڙگي پنڌ سين خبر پڙي جائي تي،
 ته اي جنگ آن جنگي مردان ري نعران رو ڪلهڙ آهي.
²⁶ جڏهين باز ڏڪڻ سمهون آڀرين پڪين پڪيڙي اُڏي تو،
 تو ڪي اُوئي نا اُڏڻ ري سمجه تين ڏني آهي؟
²⁷ ڪي باز تاهجي حڪم سين اتي اُونچائي تي اُڏي تو
 آن اُونچي جگهايان تي آڀرو ڪُونيل ٺاهي تو؟
²⁸ او جبل تي آڀرو گهر ٺاهي تو
 آن جبلان ري چوٽيان تي رهي تو.
²⁹ اُوها سين او آڀري شڪار نا تازي لي تو
 آن اُوئي رين آنڪين اڙگي پنڌ سين شڪار نا ڏيڪي لين تين.
³⁰ اُوئي را ٻچا لوهي پئين تا
 آن جٽ لاشان هوئي، اُت او پُجي جائين تا.

40

¹ پڇي پرميشور ائوب نا اي پڻ ڪهيو ته،
² ”ڪي الزام لگاڻ واڙو،
 قُدرت واڙي ايشور سين جهيڙو ڪري سگهي تو؟
 يا ڪوئي بحث ڪري اُوئي سين جواب منگي سگهي تو؟“
 ائوب رو پرميشور نا وڙتي ڏيڻ
³ پڇي ائوب پرميشور نا ڪهيو ته،
⁴ ”اي پرميشور جوئو، هُون ته ڪئين ڪو آهان،

هُون ڪين تين سين وات ڪري سگهان تو؟

هُون آڀرو مُونه بند رکان تو۔

⁵ مين مڙهي گهڻين واتين ڪرين ڇڏين آهين،

پڻ هي هُون بلڪل ڪنهي ٻولان۔“

پرميشور رو ايوب سين وڙي وات ڪرڻ

⁶ پڇي پرميشور وانتوڙيئي ۾ ڪهيو ته،

⁷ ”اي ايوب، هي همت ڪر آن تيار ٿي،

هي هُون تين سين جڪو پڻ پُڄان اُوي رو جواب ڏي۔

⁸ ڪي تون مانهجي انصاف نا ڪوڙو ثابت ڪريس؟

ڪي تون آڀرو آپ نا سچو ثابت ڪرڻ سارون

منا ڏوهاري ٺاهيس؟

⁹ ڪي تون مين جيهڙي طاقت رڪين تو؟

ڪي تون مانهجي جين گجگوڙ جيهڙي آواز سين ٻولي سگهين تو؟

¹⁰ هي آڀرو آپ نا عزت آن شان سين تيار ڪر۔

¹¹ آڀري مڙهي گهڻي ڪاوڙ نا مغروران تي استعمال ڪر

آن اوٿان نا مٽي ۾ ملائي ڇڏ۔

¹² هر مغرور نا جوئو آن اُوي نا هارائي ڇڏ

آن بُران ماڙهوٿان نا اُوي جگها تي برباد ڪري ڇڏ۔

¹³ اوٿان سجان نا مٽي ۾ ملائي ڇڏ

آن اوٿان نا پاتار ۾ قيد ڪري ڇڏ۔

¹⁴ پڇي هُون مڃيس،

ته تُون آپري طاقت سين بچي سگهين تو.

¹⁵ هي تُون دريائي گهوڙي نا جوئو،

جڪو ڊگي ري جين گاه ڪائي تو.

جڏهين مين تِنا ناهيو، تڏهين اُوئي نا پڻ ناهيو تو.

¹⁶ جوئو، اُوئي ري طاقت اُوئي ري ڪڙيان ۾ آهي

آن اُوئي رو زور اُوئي ري جاڏي پيٽ ۾ آهي.

¹⁷ اُوئي رو پونچ ديال ري وڻ ري جين سخت هوئي تو

آن اُوئي رين تنگين گهڻين مضبوط هوئين تين.

¹⁸ اُوئي رين هڏين پتڙ ري جين مضبوط هوئين تين

آن اُوئي رو جسم لوه ري جين طاقتور هوئي تو.

¹⁹ او مانهجي ناهيل مخلوق ۾ سجان سين خاص آهي.

منا اُوئي نا مارڻ رو پڻ اختيار آهي.

²⁰ او جبلان سين آپرو ڪاڌو حاصل ڪري تو،

جڏ سجا جناور کلي ميدان ۾ رانت رمين تا.

²¹ او ڪنٿان واڙان وٿان هينا آرام ڪري تو

آن ڪانان آن گپ هينا لڪي پيسي تو.

²² ڪنٿان واڙا وڻ اُوئي تي چانه ڪرين تا

آن نڍي را وڻ اُوئي تي چانه ڪرين تا.

²³ جوئو، جڏهين دريا ۾ طوفان آئي جائي تو او پيهاجي ڪوتو،

پلين يردن دريا رو پاڻي اُوئي ري مونه تائين چڙهي آئي

توئي پڻ او پريشان ڪوتو ٿي.

²⁴ ڪي ڪوئي سمهون جائي اُوئي نا جهلي سگهي تو؟

يا ڪوئي ڦندي ۾ ڦاسائي اُٿي ري نڪ نا ويندي سگهي تو؟“

41

¹ پڇي ايشور ائوب نا اي پڻ ڪهيو ته،

”ڪي تون وڏي سمنڊري بلا نا مڇي جهلڻ واڙي ڪُنڊي سين جهلي سگهين تو؟

يا رنڊو سين اُٿي ري زبان نا ٻڌي سگهين تو؟

² ڪي تون اُٿي ري نڪ ۾ نٽ هڻي سگهين تو؟

يا اُٿي ري جاڙي نا ڪوڪي سين چيري سگهين تو؟

³ ڪي او ديا سارون تڻا منٽ ڪرسي؟

يا رحم سارون مڻين مڻين واتين ڪرسي؟

⁴ ڪي او تين سين واعدو ڪرسي،

ته هون هميشه تاهجو غلام ٿي رهيس؟

⁵ ڪي تون اُٿي پيڙو پڪي ري جين رمي سگهين تو؟

يا اُٿي نا ٻڌي رمڻ سارون آڀري ٻانهيان نا ڏي سگهين تو؟

⁶ ڪي مهاڻا اُٿي نا ناڻي سين ليسي؟

يا واپاري اُٿي رو ڪاروبار ڪرسين؟

⁷ ڪي تون پڙچي سين اُٿي ري ڪل نا چيري سگهين تو،

يا پالي سين اُٿي رو متو ڦاڙي سگهين تو؟

⁸ تون اُٿي نا هيڪ دفعا هٿ لڳائي تو جوئون،

تون وڙي ڪڏهي پڻ ايهڙي حرڪت ڪنهي ڪرين.

⁹ اُٿي نا قابو ڪرڻ ري اميد آجائي آهي

ڪي ته ماڙهو اُٿي نا ڏيکي پجي جائين تا.

¹⁰ ايهڙو ڪوئي دلير ڪو آهي جڪو اُوئي نا تنگ ڪرڻ ري همت ڪري،

تو پڇي ڪوڻ مانجهو مقابلو ڪري سگهي تو؟

¹¹ ڪي ڪهي مٺا ڪينهنڪ ڏنو آهي

ته هون اُوئي نا پڇو ڏيان؟

آڪاس هيٺا هر هيڪ شئي مانجهي آهي.

¹² هون تٺا وڏي سمنڊري بلا ري باري ۾ ضرور سنڀرائيس،

ته او ڪٿي وڏي، طاقتور آن خوبصورت آهي.

¹³ ڪوڻ اُوئي ري ڪل نا اُتاري سگهي تو؟

يا ڪوڻ اُوئي ري مونھ ۾ لغام گهتي سگهي تو؟

¹⁴ ڪوڻ اُوئي ري جاڙي نا چيري سگهي تو؟

ڪي ته اُوئي را ڏنت مڙهي خطرناڪ آھين.

¹⁵ اُوئي ري پٺي اين نظر آئي تي،

جين لوھ رين مضبوط ڍالان.

¹⁶ او هيڪي پڄي سين ايهڙين گنڊيل هوئين تين،

ته اُوئي ۾ هوا پڻ ڪوتي لنگهي سگهي.

¹⁷ او آيت ۾ اين گنڊيل هوئين تين،

ته ڪوئي پڻ اُوئي نا ڌار ڪري ڪوتو سگهي.

¹⁸ جڏهين او چنڪ ڏي تڏهين اين لڳي تو،

جين ڪيڻ چمڪي هئي.

اُوئي رين آنڪين ساڪڙ ري روشني ري جين چمڪدار آھين.

¹⁹ اُوئي ري مونھ سين پڙتل ٿانڊا نسرين تا،

جين جوت رين چڻنگان.

²⁰ اُوئي ري قُرٿيان سين اين دُونهون نِسري تو،
جين جوت تي رکيل ديگ سين باق نِسري تي۔
²¹ اُوئي ري ساس ليڻ سين انگاران ۾ جوت لڳي جائي تي
آن اُوئي ري مُونه سين جوت رين جھڙان نِسري تين۔
²² اُوئي ري ڪنڌ ۾ اتي طاقت آهي،
ته اُوئي نا ڏيکي هر هيڪ ڏکي جائي تو۔
²³ اُوئي ري جسم رو مانس مڙهي سخت هوئي تو
آن اُوئي را نرم عضوا پڻ لوه ري جين مضبوط آهين۔
²⁴ اُوئي رو ڍل پٿر ري جين مضبوط
آن گهرتي ري پٿر ري جين سخت آهي۔
²⁵ جڏهين وڏي سمنڊري بلا سمهي آئي تي،
تڏهين جوڌا پڻ پيهاجي جائين تا
آن گهبرائي پڇا هتي جائين تا۔
²⁶ جي ڪوئي اُوئي تي تلوار هلائي تو اُوئي نا ڪئين ڪوتو ٿي،
اُوئي تي پالا، پڙچي يا تير پڻ اثر ڪوتا ڪرين۔
²⁷ او لوه نا بوسي ري جين
آن پٿر نا نرم لڪڙي ري جين سمجهي تي۔
²⁸ او تيران ري پيه سين ڪوتي پجي
او گوڦڻي ري پٿر نا بوه ري جين سمجهي تي۔
²⁹ ڏنڊو اُوئي نا تيلي ري جين لڳي تو
آن او پڙچي نا ڏيکي هسي تي۔
³⁰ اُوئي ري جسم رو هيٺو حصو چُونچ واري نڪري ري جين هوئي تو،

او گپ ۾ اين هلي تي جين اناج نا گاهيو جائِي تو۔
³¹ جڏهين او اُونڌي سُمندر ۾ هلي تي،
 تڏهين اُوئي رو پاڻي اُڪرتي ديگ ري جين تي جائِي تو۔
 اُوئي ري هلڻ سين سُمندر رو پاڻي،
 تيل ري جين اُڪرڻ لڳي تو۔
³² جڏهين او پاڻي ۾ هلي تي،
 تڏهين اُوئي پُنيا چمڪدار آن اچا گوگ تي جائين تا۔
³³ زمين تي اُوئي جيھڙو ڪوئي ڪو آهي،
 جڪي نا ايهڙو دلير ٺاهيو گيو هوئي۔
³⁴ او پيجان نا آپ سين گهٽ سمجھي تي
 آن سجان مغروران ري بادشاھ آهي۔“

42

ايوب رو توپان ڪرڻ

¹ پڇي ايوب پرميشور نا وڙتي ڏني ته،
² ”اي پرميشور، منا خبر آهي،
 ته تون سڀ ڪُجھ ڪري سگهين تو
 آن تاهجي رٿان نا ڪوئي روڪي ڪوتو سگهي۔
³ اي پرميشور، تين ڪهيو ته،
 ’اي ڪوڻ آهي جڪو چڙائي واڙين واتين ڪري
 مانھجي رٿان تي پڙدو ڏي تو؟‘
 اي سچ آهي ته مين ايهڙين عجيب واتين ڪرين،

جڪو مانهجي سمجھ سين ٻاهر هتين۔

⁴ اي ايشور، تين ڪهيو آهي ته،

تُون مانهجي وات سنڀڙ، هُون تِنا سنڀڙئون تو،

هي هُون تين سين جڪو پڻ پُڄان

تُون اُوئي رو جواب ڏي۔‘

⁵ اي ايشور، موهر مين

تاهجي باري ۾ رڱو سنڀڙيو تو،

پڻ هي مين آڀري انڪيان سين ڏنو آهي،

⁶ اِئي ري ڪري مِنا آڀرو آپ سين نفرت ٿي گئي آهي۔

هُون آڀرو آپ تي مِتي آن رک گهتي توپان ڪران تو۔“

ايوب رو آڀري دوستان سارون دُعا ڪرڻ

⁷ جڏهين پرميشور ايوب سين واتين ڪري رهيو پڇي ايفز تيماني نا ڪهيو ته، ”هُون تين سين آن

تاهجي بيان دوستان سين سخت ناراض آهان ڪي ته جين مانهجي ٻانهي ايوب مانهجي باري ۾

سچين واتين ڪرين آهين، آهان اين ڪو ڪريو۔“ ⁸ هي آوهين آپ سارون ست ڊگا آن ست گهيتا لي

مانهجي ٻانهي ايوب ڪنهن جائو۔ آوهين آپ سارون اوٿان سين ٻاڙڻ واري قرباني ڪرو۔ پڇي

مانهجو ٻانهو ايوب آهان سارون دُعا ڪسي آن هُون اُوئي ري دُعا قبول ڪريس۔ نه تو هُون

آوهانجي چڙائي ري ضرور سزا ڏيس، ڪي ته جين مانهجي ٻانهي ايوب مانهجي باري ۾ سچائي نا

بيان ڪريو آهي، آهان اين ڪو ڪريو۔“ ⁹ پڇي ايفز تيماني، ڀلدد سُوخي آن صوفر نعماتي اين رو

اين ڪريو جين پرميشور اوٿان نا حُڪم ڏنو تو۔ پڇي پرميشور ايوب ري دُعا سنڀڙي۔

¹⁰ جڏهين ايوب آڀري دوستان سارون دُعا ڪري، تڏهين پرميشور ايوب نا اتي برڪت ڏني ته جتو

اُوئي ڪنهن موهر هتو، اُوئي سين پڻ ٻيٽو ڏنو۔ ¹¹ پڇي اُوئي را سجا پائي ٻهنان آن اوڙڪاڻ واڙا

اُوئي ري گهر ۾ آيا آن اُوئي پيڙي روئي ڪاڏي. پڇي اُوٿان آفتان تي افسوس ڪريو جڪو پرميشور
ايوب تي ميلهين تين آن اُوئي نا تسلي ڏني. پڇي هر هيڪ اُوئي نا هيڪ سون ري واڙڪي آن هيڪ
سڪو ڏنو.¹² ايهڙي نموني پرميشور ايوب نا آخري ڏينهان ۾ موهرڪي سين وڌيڪ برڪت ڏني.
هي اُوئي ڪنهن چوئوڙي هزار رڍان، ڇه هزار اُٺ، هيڪ هزار جوڙا دگا آن هيڪ هزار گڏهين هٿين.
¹³ اُوئي را ست ڏڪرا آن ترن نينگرين پڻ ٿين.¹⁴ اُوئي پيهلڪي ڏڪري رو نان يميمه، پڇي رو
قصياه آن تريجي رو نان قرن هڻوڪ رکيو.¹⁵ سجي مُلڪ ۾ ايوب ري ڏڪريان جيهڙي رُوپاڙي پڇي
ڪوئي پڻ ڪو هتي. ايوب آڀري ڏڪريان نا آڀري ڏڪران پيڙي ميراث ڏني.¹⁶ ايئي سين پڇي ايوب
هيڪ سئو چاڙيس سالان تائين جيتو رهيو آن چار پيڙهيان تائين آڀري آل اولاد ڏني.¹⁷ پڇي ايوب
وڏي جمار رو ٿي مري گيو.